

হুমায়ূন আহমেদ

ফেরা



বাংলাদেশি বই এর ভান্ডার

www.allbdbooks.com

'ফেরা'র গল্প-ভাটি অঞ্চল নিয়ে।

'আমর নানার ব্যক্তিগত দেশ, যেখানে শৈশবের বর্ণনা দিনগুলি কাটিয়েছি।
গল্পের মূল চরিত্রের কেউ আর বেঁচে নেই। তাদের কথা আজ জীবনব্যাপী শু
শ্রদ্ধার সঙ্গে মনে করছি।

গল্পে বেশ কিছু আঞ্চলিক শব্দ ব্যবহার করেছি। কৌতূহলী পাঠক পাঠিকাদের
জন্যে অপ্রচলিত আঞ্চলিক শব্দের একটি নির্দিষ্ট বইয়ের শেষে জুড়ে দিয়েছি।
কটি অঞ্চলের খুঁটিনাটি প্রসঙ্গে সাহায্য করেছেন আমার মা এবং আমার ছোট
মাঝা মাঝবুঝনী শেখ। তথ্যগত ভুল কিছু থাকলে তার দায় দায়িত্ব তাঁদের।
ফেরা প্রথম প্রকাশিত 'হায়ছে মদ সংখ্যা' উত্তরাধিকার (১৯৯৩)। পুস্তককাবে
প্রকাশের সময় উত্তরাধিকারের সম্পাদকমণ্ডলীকে ধন্যবাদ জানাচ্ছি।

হুমায়ূন আহমেদ

এসায়ন বিভাগ

৯৯ বিশ্ববিদ্যালয়

মতি মিয়া দ্রুত পায়ে হাঁটছিল।

আকাশ অন্ধকার হয়ে আছে। যে কোনো সময় বৃষ্টি নামতে পারে। সঙ্গে ছাতা ফাতা কিছুই নেই। বৃষ্টি নামলে ভিজে ন্যাতা ন্যাচা হতে হবে। মতি মিয়া হন হন করে ডিসট্রিট বোর্ডের সড়ক ছেড়ে সোহাগীর পথ ধরল। আর তখনি বড় বড় ফোঁটায় বৃষ্টি পড়তে শুরু করল। মতি মিয়ার বিরক্তির সীমা রইল না। সকাল সকাল বাড়ি ফেরা সরকার। শরিফার পা ফুলে ঢোল হয়েছে। কাল সারারাত কোঁ কোঁ করে কাউকে ঘুমাতে দেয়নি। সন্ধ্যার পর আমিন ডাক্তারের এসে দেখে যাবার কথা। এসে হয়তো বসে আছে। মতি মিয়া গম্ভীর একটা ঝাকড়া জাম গাছের নিচে দাঁড়িয়ে ভিজতে লাগল।

দেখতে দেখতে বৃষ্টির বেগ বাড়ল। ঢালা বর্ষণ, জামগাছের ঘন পাতাতেও আর বৃষ্টি আটকাচ্ছে না, দমকা বাতাসের শৌ শৌ আওয়াজ। দিনের যা গতিক, ঝড় তুফান শুরু হওয়া বিচিত্র নয়। দাঁড়িয়ে ভেজার কোনো অর্থ হয় না। মতি মিয়া উদ্বিগ্ন মুখে রাস্তায় নেমে পড়ল। পা চালিয়ে হাটা যায় না। বাতাস উল্টো দিকে উড়িয়ে নিতে চায়। নতুন পানি পেয়ে পথ হয়েছে দারুণ পিছল। ক্ষণে ক্ষণে পা হড়কাচ্ছে। সরকারবাড়ির লচাকছি আসতেই খুব কাছে কোথায় যেন প্রচণ্ড শব্দে বাজ পড়ল। আর আশ্চর্য বৃষ্টি থেমে গেল সঙ্গে সঙ্গে। মতি মিয়া অবাধ হয়ে গুল শব্দে সরকারবাড়িতে গালা হচ্ছে। কানা নিবারণের গলা বাতাসের শৌ শৌ শব্দের মধ্যেও পরিষ্কার শোনা যাচ্ছে,

“আগে চলে দাসী বান্দি পিছে ছকিনা, এর ভাভার
তাহার মুখটি না দেখিলে প্রাণে বাঁচতাম না
ও মনা ও মনা...”

সরকারবাড়ির বাংলা ঘরের দরজা জানালা বন্ধ। মতি মিয়া ধাক্কা দিতেই নাজিম সরকার মহাবিরক্ত হয়ে দরজা খুললেন। ঝাঁ, কানা নিবারণই গাইছে। সেই গ্যাটা গ্যাটা হেঁহারা, পান খাওয়া হলুদ রঙের বড় বড় কুঁচসিত দাঁত। কানা নিবারণ গাল থামিয়ে হাসি মুখে বলল, মতি জাই না? পেনাম হই। অনেকদিন পরে দেখলাম।

মতি মিয়া বড়ই অবাক হলো। কানা নিবারণের মতো লোক তার নাম মনে রেখেছে। জগতে কত অল্পত ঘটনাই না ঘটে। কানা নিবারণ গম্ভীর হয়ে বলল, মতি ভাইরে একটা গামছা টামছা দেন।

কেউ গা করল না। নাজিম সরকার রাগী গলায় বললেন, ভিজা কাপড়ে ভিতরে আসলা যে মতি? দেখ ঘরের অবস্থা কি করছ? তোমার বুদ্ধিতক্তি আর হইল না, ছিঃ ছিঃ।

কানা নিবারণ বলল, ঘরে না আইসা উপায় কি? বাইরে খড় তুফান।
নাজিম বড়ই গম্ভীর হয়ে পড়লেন। থেমে থেমে বললেন, 'তুমি গান বন্ধ করলা কেন
নিবারণ?'

কানা নিবারণ সঙ্গে সঙ্গে গান শুরু করল,

"দুধের বরণ সাদা সাদা কালা দিঘির জল
তাহার মনের গুপ্ত কথা আমারে তুই বল।"

মনটা উদাস হয়ে গেল মতি মিয়া। শরিফা বা আমিন ডাক্তার কারোর কথাই মনে
রইল না। কন্যার মনের গুপ্ত কথাটির জন্যে তারো মন কাঁদতে লাগল। আস্থা এত সুন্দর
গান কানা নিবারণ কি করে গায়? কি গলা!

গান ধামল অনেক রাতে। ভক্তরূপে মেঘ কেটে আকাশে পরিষ্কার চাঁদ উঠেছে।
গাছের ভেজা পাতায় চক চক করছে জ্যোৎস্না। মতি মিয়া উঠানে নেমে অবাক হয়ে
তাকিয়ে রইল। মাঝে মাঝে জ্যোৎস্না এমন অদ্ভুত লাগে। বিড়ি টানতে টানতে নিবারণ
বাইরে আসতেই মতি মিয়া বলল, কেমন চাঁদনি রাইত দেখছেননি নিবারণ ভাই?

'চাঁদনি রাইত' নিবারণকে তেমন অভিজ্ঞত করতে পারল না। বিড়িতে টান দিয়ে সে
প্রচুর কাশতে লাগল। কাশির বেগ কমে আসতেই গম্ভীর হয়ে বলল, বাড়িত যান মতি
ভাই, রাইত মেলা হইছে।

আর 'গাওনা' হইত না?

নাহ আইজ শেষ। গুখন বেশি গাই না। বুকের মধ্যে দরদ হয়।

ডাক্তার দেখান নিবারণ ভাই।

নিবারণ বিরক্ত মুখে এক দলা বৃথু ফেলে, চোখ কুঁচকে বলল, বাড়িতে যান। আমার
ডাক্তার লাগে না।

রাত্তায় নেমেহ মতি মিয়া পক্ষ করল। জাবার ঘেঁষ করেছে।

দক্ষিণ দিকে ঘন ঘন বিদ্যুৎ চমকচ্ছে। চৌধুরীবাড়ির কাছাকাছি আসতেই দুই
পহরের শেয়াল ডাকল। এতটা রাত হয়েছে না কি? চারদিক নিস্তম্বি। চাঁদ মেঘের
আড়ালে পড়ায় মুটমুটি অন্ধকার। গা ছমছম করে।

কেজা মতি নাকি?

মতি মিয়া চমকে দেখে ছোট চৌধুরী। উঠানে জলটোকি পেতে খালি গায়ে বসে
আছেন। ইনার মাথা পুরোপুরি স্বীরাপ। গত বৎসর কৈবর্ত পাতার একটি ছেলেকে প্রায়
মেরেই ফেলেছিলেন।

কে একটা কথা কয় না যে? মতি না কি?

জি।

এত রাইতে কই যাও?

বাড়িত যাই।

তোমার বড় পুলাডা তোমারে খুঁজতেছে। তোমার বৌয়ের অবস্থা বেশি বালা না।
নীলগঞ্জ নেওন লাগবো।

জি আস্থা।

জি জি করো কেন মতি মিয়া? তাড়াতাড়ি বাড়িত যাও।

মতি মিয়া তবু দাঁড়িয়ে থাকে। ছোট চৌধুরীর অভ্যাস হচ্ছে ভালো মানুষের মতো
এগা বলে হঠাৎ তাড়া করা। সে কারণেই চট করে সামনে থেকে চলে যেতে ভরসা হয়
না।

ছোট চৌধুরী গর্জন করে ওঠেন।

কথা কানে ঢোকে না? খাপড় দিব, ছোট লোক কোথাফার। যা বাড়িত যা।

মতি মিয়া বাড়ি ফিরে দেখে আমিন ডাক্তার বসে আছে। শরিফার জ্ঞান নেই।
আজরফ চুলা ধরিয়ে কি যেন জ্বাল দিচ্ছে।

আমিন ডাক্তার বলল, অবস্থা বড় সঙ্গিন। রাইত কাটে কি না সন্দেহ।

মতি মিয়া কিছু বলল না। যেন সে আমিন ডাক্তারকে দেখতেই পায়নি। আজরফের
দিকে তাকিয়ে কড়া গলায় ধমক দেয়, ভাত রাইতে কি জ্বাল দেন?

চা। আমিন চাচা চায়ের পাতা আনছে।

আমিন ডাক্তার মৃদুস্বরে বলল, সারা রাইত জাগন লাগবো, চা ছাড়া জুইত হইত
না। বুঝছনি মতি নীলগঞ্জ নেওন লাগবো।

আমিন ডাক্তার লোকটি জীতু প্রকৃতির। রুগীর অবস্থা একটুখানি খারাপ দেখলেই
সে ব্যস্ত হয়ে পড়ে নীলগঞ্জ নেবার জন্যে, বারবার বলে, রাইত কাটা সম্ভব না। রাইতের
মধ্যেই ভালো মন্দ হইতে পারে।

কিন্তু আজ রুগীর অবস্থা সতি খারাপ। আমিন ডাক্তার চিন্তিত মুখে ক্রমাগত হাঁকা
টানেন। মতি মিয়া বিরক্ত হয়ে বলে, সেয়ে মানুষের মতো বেকারেল জিনিস খোদার
আলমে নাই, বুঝা ডাক্তার?

ডাক্তার হাঁকা টানা বন্ধ করে গম্ভীর হয়ে বলে, নীলগঞ্জ নেওনের ব্যবস্থা করো মতি।
কইনেই তো ব্যবস্থা হয় না? যোগাড়-যন্ত্র লাগে। সকাল হউক। টেকা-পয়সার
যোগাড় দেখি।

'আইজ রাইতেই নেওন লাগবো মতি।'

মতি মিয়া কথা না বলে খেতে বসে। আজরফ ভাত বেড়ে দেয়। ভাত চকিয়ে
বড়কড়ে হয়ে গেছে। কাঁচা মরিচে খালের বংশ নাই। মতি মিয়া আধপেটে বেয়েই হাত
দেখে। ছোট ছেলে নুস্কানীন আমিন ডাক্তারের গা বেঁধে বসেছিল। সে দীর্ঘ সময় বাবার
মুখের দিকে তাকিয়ে সাহস করে বলে ফেলে, আমারে নীলগঞ্জ নেওন লাগবো বাজান।

বহু কষ্টে রাগ সামলায় মতি মিয়া। আমিন ডাক্তার বলে, চা খাও একটু মতি।
আজরফ তর বাপরে চা দে।

আমারে দিস না।

আরে খাও। বালা চা। মোহনগঞ্জের খরিদ।

নীলগঞ্জ যাওয়ার যোগাড়-যন্ত্র করতে অনেক সময় লাগে। বাঁশের যে খুঁটিতে পয়সা

জমান হতো সেটি কাটা হয়। সব মিলিয়ে সাত টাকার মতো পাওয়া যায় সেখানে। এতটা মতি মিয়া আশা করেনি। আজরফ চলে যায় নৌকার ব্যবস্থা করতে। ঠিক হয় আজরফ নুরুন্নেই সঙ্গে যাবে। আমিন ডাক্তারও যাচ্ছে। নীলগঞ্জ হাসপাতালের কম্পাউন্ডার সাহেবের সঙ্গে তার নাকি ভালো জানাশোনা। আপনি আপনি করে কথা বলে।

খালি বাড়ি পাহারা দেয়ার জন্যে আনা হয়েছে রহিমাকে। রহিমার মেয়েটি কান্দছে গলা ফাটিয়ে। শরিফার জ্ঞান ফিরেছে। সে বিড় বিড় করে কি যেন বলে ঠিক বুঝা যায় না। মতি মিয়া কড়া ধমক লাগায়, চুপ। একদম চুপ। বেআক্কেল মেয়ে মানুষ।

শরিফা চুপ করে যায়। আমিন ডাক্তার এক ফাঁকে বলে, আমাদের যে সাথে নিতাম সেই বাবদ দুই টেকা ডিজিট, কথাটা স্বরণ রাখবা মতি।

মতি মিয়া দারুণ বিরক্ত হয়।

তোমারে সাথে নেওনের কথা তো কই নাই। নিজের ইচ্ছায় তুমি যাইতাম।

আমিন ডাক্তার চুপ করে যায়।

নৌকায় উঠবার মুখে ঝুপ ঝুপ করে বৃষ্টি পড়তে শুরু করে। ছইয়ের নিচে খড় বিছিয়ে শরিফার বিছানা। শরিফার গায়ের সঙ্গে সেঁটে লেগে থাকে নুরুন্নেই। ডাক্তার বসেছে নৌকার সামনের মাথায়। এর মধ্যেই সে ভিজ়ে চুপসে গেছে। তার সঙ্গে ছাতা আছে। কিন্তু ঝুপী নিয়ে কোথাও যাওয়ার সময় ছাতা মেলতে হয় না। খুব অলক্ষণ। নৌকাতে দুটি মুরগি এবং একটি পাকা কাঁঠাল নেওয়া হয়েছে। নীলগঞ্জ বাজারে ভালো দাম পাওয়া যাবে।

মুরগি দুটি অনবরত ডানা ঝাটায়। ডাক্তার গঞ্জির হয়ে হাঁকা ধরায়। বৃষ্টির ছাট থেকে কল্কে আড়াল করে রাখতে তাকে অনেক কায়দা কানুন করতে হয়। পাকা কাঁঠালের গন্ধের সঙ্গে তামাকের গন্ধ মিশে অদ্ভুত একটা মিশ্র গন্ধ তৈরি হয়। তুমুল বর্ষণের মধ্যে নৌকা ভাসিয়ে দেয়া হয়। আজরফ টপটপ বৈঠা মারে। মতি মিয়ার বড় মায়া লাগে।

শীত লাগে আজরফ?

না।

মাথাভা গামছা দিয়া বাঁধ। মাথা শুকনা থাকলে সব ঠিক ঠাক। বুঝছস?

বুঝছি।

বৈশাখ মাসের বিষ্টির মজাটা কি জানসনি আজরফ?

না।

মজাটা-হইল অসুখ বিসুখ হয় না। সব আত্মাহর কেলামতি।

আজরফ কথা বলে না। ছইয়ের ভেতর থেকে শরিফা বিড়বিড় করে কি যেন বলে।

অসহ্য বোধ হয় মতি মিয়ার।

কি কও?

পূলাডা ভিজ়তাছে।

দুওঁরি মেয়ে মানুষ। বিষ্টির সময় ভিজ়ত না?

অসুখ করব।

চুপ থাক মাগী, খালি প্যানপ্যানানি।

আমিন ডাক্তার গঞ্জির হয়ে বলে, মেয়ে জাতের সাথে এই সব গালি-গালাজ করা ঠিক না মতি।

তুমি ফর-ফর কইরো না, চুপ থাক।

আমিন ডাক্তার চুপ করে যায়। ছুপ ছুপ বৈঠা পড়ে। ছইয়ের ভেতর থেকে মুরগি দুটির ডানা ঝাটানোর আওয়াজ আসে। দুরের সোনাপোতার হাওরের দিকে থেকে হত্ব হত্ব শব্দ হয়। গা ছম ছম করে আজরফের। নৌকা এখন বড় গাঙ্গে পড়বে। জায়গাটা খারাপ। গাঙ্গের মুখটাতেই তিনটি প্রকাণ্ড শ্যাওড়া পাছ। রাতে নাম নেওয়া যায় না এমন সব বিদেহী জিনিসদের খুব আনাগোনা।

নৌকা নীলগঞ্জে পৌঁছল দুপুরের পর। মতি মিয়ার নড়বার শক্তি নেই। এক নাগাড়ে নৌকা বেয়ে সমস্ত শরীর কালিয়ে গেছে। লম্বা হয়ে গুয়ে গড়ার চিন্তা ছাড়া তার মাথাও এখন আর কিছু চুকে না। আমিন ডাক্তার একাই গেল হাসপাতালে বৌজ নিতে। ঘটনাস্থানিক পর ফিরে আসল মুখ কাণো করে। হাসপাতালের ডাক্তার সাহেব পেছেন দুটিতে। কখন আসবেন কেউ জানে না। কম্পাউন্ডার সাহেবের মেয়ের বিয়ে। তিনি গেছেন বাঁশখালি। বিয়ুৎবার নাগাদ আসবার কথা। মতি মিয়ার কোনো ভাবান্তর হলো না। সে গঞ্জির মুখে বলল, ছইয়ার তো কোনো ঝুটি করি নাই, কি কও ডাক্তার? কপালের লিখন না যায় খন্দ। করনের তো কিছু নাই।

আমিন ডাক্তার চুপ করে থাকল। মতি মিয়া বলল, পাওয়া খাইদা শেষ কইরা চল বাড়িত যাই।

মতি ভাই চল মিশনারী হাসপাতালে লইয়া যাই। বেশি দূর না, একটা মুটে হাওর পরে। সোনাদিয়া হাওর।

আমিন ডাক্তারের কথা শেষ হবার আগেই মতি মিয়া ঝাঁকিয়ে ওঠে, এইসব সিরিস্তানির মইধো আমি নাই। এইসব কথা মুখে আইনা না বুললা।

আমিন ডাক্তার চুপ করে যায়। শরিফারও কোনো সাড়াশব্দ পাওয়া যায় না। ডাক্তার গাছের ছায়ায় নৌকা বেঁধে ভর পেট চিড়া খেয়ে মতি মিয়া ঘুমিয়ে পড়ে।

দুন্ড ভাঙ্গে সন্ধ্যার পর। নৌকা তখন সোনাদিয়ার হাওরে পড়েছে। পানির ছলাৎ ছলাৎ শব্দ ছাড়া আর কোনো শব্দ নেই। পাল খাটানো হয়েছে। আমিন ডাক্তার হাল ধরে বসে আছে। ভাব খানা এরকম যেন কিছুই জানে না।

মতি ভাই, বাতাসের এই ধরনের জোর থাকলে এক পহরেই মিশনারি হাসপাতালে পৌঁছোন যাইবে।

মতি মিয়া চুপ করে থাকে।

ভামুক খাইবা নাকি, কি ও মতি ভাই।

নাহ।

মিশনারি হাসপাতালে একবার নিয়া ফেলতে পারলে বুঝলা আর চিন্তা নাই। হেই খানে নিখল সাব ডাক্তার খুব এলেমদার লোক।

মতি মিয়া চুপ করে থাকে। আড় চোখে দেখে আজরফ কাল রাতের পরিশ্রমে কাহিল হয়ে মরার মতো খুমাচ্ছে। শরিফার মুখের কাছে ভনভন করে মাছি উড়ছে একটা। মরে গেছে না কি? মরলেই কি আর বেঁচে থাকলেই কি? হাওরের দিগন্ত বিস্তৃত কালো পানির দিকে তাকিয়ে মনটা উদাস হয়ে যায় তার। জগৎ সংসার তুচ্ছ বোধ হয়। সে চাপা স্বরে গুনগুন করে,

“লোকে আমায় মন্দ বলে রে

মন্দ বলে মন্দ বলে মন্দ বলে রে

আমি কোথায় যাব কি করিব

দুঃখের কথা কাহারে কব রে।

মন্দ বলে মন্দ বলে মন্দ বলে রে।”

আমিন ডাক্তার মৃদুস্বরে বলে, তুমি কিন্তু বড় গাভক মতি ভাই।

২

মতি মিয়া পাঁচ দিন পর গয়নার নৌকায় ফিরে এল।

সঙ্গে নুরুদ্দীন। নিখল সাব ডাক্তার (রিচার্ড এ্যান্ড্রেন নিকলসন) বলেছেন সাব্বাডে সময় নেবে। অবস্থা ভালো না। ফাটা কুটি করতে হতে পারে। বেশেমে মাস খানেক লেগে যাওয়া বিচিত্র নয়।

আমিন ডাক্তারের নাকি তেমন কাজকর্ম নেই। সে নিজেই দায়িত্ব নিয়েছে সব ঠিকঠাক করিয়ে নিয়ে আসবে। মতি মিয়া অবাক হয়ে বলেছে, এক মাস যদি থাকন লাগে তুমি খাইবা কি?

হইব একটা ব্যবস্থা। রুগী ফলাইয়া তো যাওন যায় না।

ব্যবস্থা যে কি হবে মতি মিয়র মাথায় আসে না। আমিন ডাক্তারের কাছে আছে সর্বমোট সাত্বে ন' টাকা। কিন্তু আমিন ডাক্তারকে মোটেই বিচলিত মনে হয় না। আজরফকে অবশিা নিখল সাব বাসায় কাজ দিয়েছেন। নদী থেকে সে গোসলের পানি তুলে আনে। বিকালে হাসপাতালের মেঝে ঘসে ঘসে পরিষ্কার করতে হয়। যত ঘসাঘসাই করা হোক সাহেবের পছন্দ হয় না। মাথা নেড়ে বলেন, 'আরো ভালো করো। জোরে প্রশ্ন করো।'

খাওয়া দাওয়া সাহেবের এখানেই হয়। সে খাওয়াও রাজ রাজডার খাওয়া। সকাল বেলা পাউরুটি, চিনি, একটা কলা আর এক কাপ দুধ। সন্ধ্যাবেলা বই খাড়া নিয়ে বসতে

৩।। কাপো সোটা মতো একজন মহিলা অনেককে বর্ণ পরিচয় শেখান। একটি শব্দ বোর্ডে লিখাও একটা 'অ' লিখে সুরেলা স্বরে বলেন, “বল অ”। সবাই সম্বন্ধে বলে ‘অ’। “বল অ”...।

আজরফের খুব মজা লাগে। পড়া শেষ হবার পর হয় প্রার্থনা। জদুমহিলা অত্যন্ত করুণা সুরে টেনে টেনে বলেন,

“হে পরম করুণাময় ঈশ্বর।

তুমি তোমার মঙ্গলময় করুণার হস্ত প্রসারিত কর। ...”

প্রার্থনার জায়গায় আসলেই আজরফের ভয় ভয় করে। কে জানে এরা হয়তো 'নির্বাচন' করে ফেলেছে। আমিন ডাক্তার অবশিা বলেছে ভয়ের কিছু না। খিরিস্তানি রাখনার ফাঁকে ফাঁকে মনে মনে কলেমা তৈয়ব পড়লেই সব দোষ কাটা যাবে। আমিন ডাক্তারের মতো জ্ঞানী লোককে অবিশ্বাস করার কোনো কারণ নাই। আজরফের আর ভয় টয় করে না। ভয় করে মতি মিয়র। কোনো কারণ ছাড়াই ভয় করে।

নৌকা ছেড়ে নড়তে চায় না। আমিন ডাক্তারের ঠেলা-ঠেলিতে শরিফাকে দেখতে গিয়ে এক কাণ্ড। হাসপাতালের বারান্দায় মুখ ভর্তি করে বসি করে। আমিন ডাক্তার শর্কাকত হয়ে বলে, হইলো কি তোমার মতি ভাই?

বদ গন্ধ। মাথার মধ্যে পাক দেয়।

তোমারে নিয়া মুশকিল। এটা তো ফিনাইলের গন্ধ।

কিসের গন্ধ?

ফিনাইল। এক কিসিমের সাবান। খুব ভালো জিনিস।

আলো জিনিস মাথার থাকুক। মতি মিয়া বড়ি ফিরে বাঁচে, নুরুদ্দীন বাপের সঙ্গে ফিরে যেতে কোনো আপত্তি করে না। মতি মিয়া বার বার জিজ্ঞেস করে, মার লাগি মন কাপেনি নুরু?

নাহ।

দুই দিন পরেই দেখবি আইয়া পড়ছে।

আইচ্ছা।

খুব বেশি হইলে এক হণ্ডা। এর বেশি না।

হইচ্ছা।

যাত্রা দেখতে চাস? মোহনগঞ্জে যাত্রা আইছে। বিবেকের পাঠ করে আসলাম মিয়া।

কিটা সোনার মেডেল। দেখবি?

নাহ।

না বললেও মতি মিয়া এক রাত মোহনগঞ্জে থেকে যায়। এত কাছে এসে আসলাম মিয়র বিবেকের গান না শুনা পাশের সামিল। নিত্যি দিন তো আর এমন সুযোগ হয় না। মোহনগঞ্জে বাজারে দেখা হয়ে যার কান্না নিবারণের সাথে। সেও খুব সম্ব

আসলামের গান সুনতে এসেছে। সে একটা বড় কাপড়ের দোকানের সামনে বসে ছিল। তার মুখ দিয়ে ভক ভক করে দেশি মদের গন্ধ বেরলছে।

ও নুরা দেখছস? হই দেখ কানা নিবারণ।

কোন জন?

কালামতো মোটা। লম্বা বাবড়ি।

চউখ তো দুইটাই আছে, ইনারে কানা নিবারণ ডাকে ক্যান?

ছেলের কথায় মতি মিয়া বড়ই খুশি হয়। ছেলে চুপচাপ থাকলে কি হবে বুদ্ধি-শক্তি ঠিকই আছে। মতি মিয়া হাসি মুখে বলে, মাইনমের খিয়াল। মাইনমের খিয়ালের কি ঠিক-ঠিকানা আছে? ছেলেকে দাঁড়া করিয়ে মতি মিয়া চলে যায় কানা নিবারণের সামনে।

দেখা না করে যাওয়াটা ঠিক না।

নিবারণ বাই শইলডা বালা?

কানা নিবারণ কথা বলে না, জু কুঁচকে ভাকাশ।

চিনছেন আমারে? আমি মতি। সোহাগীর মতি মিয়া।

কানা নিবারণ ঘোলাটে চোখে ভাকাশ। উত্তর দেয় না।

আসলাম মিয়্যার পাওনা হনতে আইছেননি নিবারণ ভাই?

কানা নিবারণ সে কথার জবাব দেয় না।

বাড়ি ফিরেও নুরুদ্দিন কোনো রকম ঝামেলা করে না। নিজের মনেই থাকে। মতি মিয়া বার বার জিজ্ঞেস করে, মার লাগি পেট পুড়ে?

নাহ।

মুখ শুকনা ক্যান? নিছর পেট পুড়ে?

নাহ।

মতি মিয়্যার নিজেরই খারাপ লাগে। কিছুতেই মন বসে না। নইম মাঝির বাড়ি সন্ধ্যার পর গান বাজনার আয়োজন হয়। মতি মিয়া রোজ যায়, কিন্তু বেশিক্ষণ থাকতে পারে না। সেখানেও শুধুই যাই যাই করে।

সইক্যাকালে বাড়িত গিয়া করবাটা কি মতি ভাই।

পুলাডা একলা আছে।

হেজো ঘুমাইতেছে। বও দেই, হুকাডাড একটা টান দিয়া হইরমুনিডা ধর।

বাড়ি ফিরে তার ভালো লাগে না। কেমন উদাস লাগে। রাতের খাওয়া শেষ হলে এক আধ দিন রহিমার সাথে খানিক গল্পগুজব করে। রহিমা লম্বা ঘোমটা টেনে বারান্দায় বসে। কথা বলার সময় মুখ অন্য দিকে ফিরিয়ে রাখে। মতি মিয়া তার গ্রাম সম্পর্কে ভাসুর। তার মুখের দিকে তাকিয়ে কথা বলা সম্ভব না। রহিমার সঙ্গে কথা বলতে বলতে মতি মিয়্যার খারাপ লাগে না।

নিখল সাব কেমন ডাক্তার মতি ভাই?

জনর ডাক্তার।

নিবারণ বাংলা কথা কয়?

তা কয়।

গোরাইম্যা কথাও কইতে পারে?

না। বুঝতে পারে।

তুনিয়াডাত কত কিসিমের জিনিসই না আছে মতি ভাই।

কথাডা ঠিক। খুব খাডি কথা।

নিখল সাব ডাক্তারের দেখনের বড় শখ লাগে মতি ভাই।

তা একদিন যামুনে নিয়া। দুই দিনের মামলা।

দেখতে দেখতে মাস পার হয়ে যায়, ঘোর বর্ষা নামে। শরিফাদের কোনো খোজ পাওয়া যায় না। এক সপ্তাহের কথা বলে চৌধুরীদের একটা নৌকা নেয়া হয়েছিল। চৌধুরী বাড়ির কামলা এসে রোজ হাফি-তম্বি করে।

বেশাখ মাসের শেষাশেষি। কাজ কর্ম নাই। সোহাগীতে বোর ধান ছাড়া কিছুই হয় না। ভাটি অঞ্চলগুলিতে তাই অগ্রহায়ণ না আসা পর্যন্ত অলস মস্তুর দিন কাটে। মতি মিয়া উদ্দেশ্যহীনভাবে ঘুরাঘুরি করে। শরিফাদের ফিরতে এতটা দেরি হওয়ার কারণ খুঁজে পায় না। বড়ই মন খারাপ লাগে তার। পাড়াপড়শীও খোজ খবর করে।

বাচ্চা বিয়াইতে বাপের বাড়িতে গেলেও তো এক মাসের মধ্যে ফিরে, কিন্তু ইদিকে যে মাসের উপর হইল। খোজখবর কর মতি। গাছের মতো ঘাইকো না।

নইম মাঝি একদিন ঠাট্টার ছলে অন্য রকম একটা ইঙ্গিত করে, মতি ভাই, আমি তো কংগোয় আমিন ডাক্তারের সাথে বই-খট কইরা দেশান্তরী হইল কি না। পালের নৌকাতো সাধেই আছে। হা হা হা।

গা রি রি করে মতি মিয়্যার। নেহায়েত বন্ধু মানুষ বলে চুপ করে থাকে। নইম মাঝি রাগে, রাগ করলা নাকি ও মতি ভাই। ঠাট্টা মজাক বুঝ না তুমি?

না রাগ ফাগ করি নাই।

আর বিবেচনা কইরা দেখ আমিন ডাক্তারের সাথে ভাবী সাবের খাতির প্রণয় একটু বেশি ছিল। হা হা হা।

খইসো না নইম, এইসব হাসি মজা কর কথা না।

এইতো রাগ হইলা। ভাবীর লগে রঙ্গ-তামাশা না করলে কার লগে করমু?

হাসি ঠাট্টা বুঝতে পারার মতো বুদ্ধি শক্তি মতি মিয়্যার আছে। কিন্তু শরিফা এবং আমিন ডাক্তারকে নিয়ে এই জাতীয় ঠাট্টা সে সহ্য করতে পারে না। কারণ ব্যাপারটা গুরোপুরি ঠাট্টা নয়। আমিন ডাক্তার কাজে অকাজে তার বাড়ি এসে গলা উঠিয়ে ডাকবে, দোস্তাইন, ও দোস্তাইন। চায়ের পাতা নিয়ে আসলাম। জবর পাতা। একটু চা খাওন দানদার। ঘরে শুড় আছে?

মতি মিয়ার অসংখ্য বার ইচ্ছা হয়েছে আমিন ডাক্তারকে ডেকে বলে দেয় যাতে সময়ে-অসময়ে এই ভাবে না আসে। কিন্তু কোনো দিন বলা হয় নাই। এটা অত্যন্ত ছোট কথা। আমিন ডাক্তারের মতো বন্ধু মানুষকে এমন একটা ছোট কথা বলা যায় না।

শরিফাদের দীর্ঘ অনুপস্থিতিতে মতি মিয়া অনেক কিছুই খুঁটিয়ে খুঁটিয়ে ভাবতে চেষ্টা করে। গান বাজনা এখন আর ভালো লাগে না। নিখল সাব ডাক্তারের হাসপাতালে চলে গেলে হয়। মেল্য খরচাস্ত ব্যাপার।

আবার একটু লজ্জা লজ্জাও করে। নুরুদ্দীনকে আড়ালে একবার জিজ্ঞেস করে, ও নুরা মারে আনতে যাইবি?

নাহ।
না কি ব্যাটা? মার লাগি পেট পুড়ে না? কস কি হারামজাদা। মায়া মুহব্বত কিছুই দেহি তর মইশ্যে নাই।

নুরুদ্দীন মুখ গাঁজ করে দাঁড়িয়ে থাকে। তাকে দেখে মনেই হয় না মায়ের দীর্ঘ অনুপস্থিতি তাকে কিছুমাত্র বিচলিত করেছে।

নুরুদ্দীন রহিমার মেয়ে অনুফার সাথে গম্বীর মুখে সারা দিন খেলাধুলা করে। দুপুরের দিকে প্রায়ই দেখা যায় নুরুদ্দীন গাছের পাড়ের একটি জলপাই গাছের ডালে পা কুলিয়ে বসে আছে। গাছের নিচে পা ছড়িয়ে বসে আছে অনুফা। দুই জনেই নিজের মনে বিভ্রিভি করে কথা বলছে। মতি মিয়া বেশ কয়েকবার লক্ষ্য করেছে ব্যাপারটি। একদিন নুরুদ্দীনকে ডেকে ধমকেও দিল, গাছের মধ্যে বইয়া থাকস, বিষয়ডা কি?

নুরুদ্দীন নিরুত্তর।
দুপুর বেলা সময়ডা খারাপ। জিন ভূতের সময়, হেই সময় গাছে বইয়া থাকনের দরকার কি?

নুরুদ্দীন চোখ পিট পিট করে। কথা বলে না।
খবরদার আর মাইস না।
আইচ্ছা।

তবু নুরুদ্দীন যায়। জলপাই গাছের নিচু ডালটিতে পা কুলিয়ে বসে আপনমনে কথা বলে। গাছের গুড়িতে বসে থাকে অনুফা। ক্ষণে ক্ষণে ফিকফিক করে হাসে। মতি মিয়া ঠিক করে ফেলে নুরুদ্দীনের জন্যে একটা ভাবিজ টাবিঞ্জের ব্যবস্থা করা দরকার। লক্ষণ ভালো না। রহিমার সঙ্গেও এই বিকণে সম্পর্ক আছে বলে মনে হয়। মতি মিয়া আড়াল থেকে শুনেছে রহিমার সঙ্গে সে হড়বড় করে অনবরত কথা বলে। স্নাতের বেলা কাঁথা বালিশ নিয়ে রহিমার সঙ্গে ঘুমোতে যায়। এতটা বাড়াবাড়ি মতি মিয়ার ভালো লাগে না।

রহিমা মেয়েটি অবশ্যই খুবই কাজের। এই কয়দিনেই সে বাড়ির চেহারা পাণ্টে ফেলেছে। পূর্বের ঘরের সামনে আগাছার যে জঙ্গল ছিল তার চিহ্নও নেই। চার পাঁচটা কাগজি লেবুর কলম লাগিয়েছে সারি করে। বাড়ির পেছনের রান্নার জায়গাটা দরমা দিতে ঘিরে দিয়েছে। ঘাটে যাওয়ার পথটায় সুন্দর করে ইট বসানো। ইটগুলি যোগাড় হয়েছে

কোথেকে কে জানে? মতি মিয়ার ইচ্ছা করে রহিমাকে এই বাড়িতেই রেখে দিতে। শরিফার ঘরের লাগোয়া একটা ছোট মতো চালা ঘর তুলে দিলেই হয়। শরিফা কিন্তু রাজি হবে না। কেঁদে কেঁটে বাড়ি মাথায় করবে। কারণ রহিমার বয়স অল্প এবং সে সুন্দরী। একটি সুন্দরী এবং অল্প বয়েসী মেয়েকে জেনে-শনে কোনো বাড়ির বৌ নিজের বাড়িতে রাখবে না।

জ্যেষ্ঠ মাসের মাঝামাঝি আমিন ডাক্তার নৌকা নিয়ে উপস্থিত। তাকে আর চেনার উপায় নেই। গায়ে বড় একটা কটকটে লাল রঙের কেট। কোটটির কুল নেমে এসেছে স্নায় ঝাঁট পর্যন্ত। চোখে সোনালি রঙের একটি নিকেলের চশমা। কোটটি নিখল সাব হাসপাতার সময় দিয়েছেন। চশমাটি হাসপাতালে খুঁজে পাওয়া। চশমায় সব জিনিস কেমন যেন খোলাটে দেখায়। কোটের সঙ্গে চশমা না থাকলে মনায় ন্য বলেই গ্রামে চুকবার মুখে আমিন ডাক্তার চোখে চশমা দিয়ে নিয়েছে।

মতি মিয়া নইম মাবির ঘরে তাস খেলছিল। খবর পেয়ে দৌড়ে এসেছে। এত স্নাতক আশেপাশের দু'এক ঘরের মেয়েছেলেরা এসে জড়ো হয়েছে। নুরুদ্দীন কাঁচা ঘুম ভেঙে অবাক হয়ে দাওয়ায় বসে আছে।

শরিফা ঘরের ভেতরে টোকির উপর বসেছিল। মতি মিয়াকে দেখে সে মুখ ফিরিয়ে নিল। যেন কোনো কারণে লজ্জা পাচ্ছে। মতি মিয়া অবাক হয়ে দেখল শরিফার খোলা দুখটা কেমন যেন লম্বাটে লাগছে। চুল অন্যভাবে বাঁধার জন্যই হোক বা অন্য যে কোনো কারণেই হোক শরিফাকে ঠিক চেনা যাচ্ছে না। মতি মিয়া গম্বীর হয়ে বলল, শরীফা বাপা?

শরিফা জবাব দিল না।
কি শরীফা বালা?
শরিফা থেমে থেমে বলল, পাওডা কাইটা বাদ দিছে।

মতি মিয়া স্তম্ভিত হয়ে গেল। সত্যি সত্যি শরিফার একটা পা নেই।
শরিফা বলল, বাঁচনের আশা আছিল না। কপালে আরো দুঃখ আছে হেই কারণে

শরীফা? তোমার শইলডা কেমন?
মতি মিয়া চুপ করে রইল। সে তখনো শরিফার একটা পা যা শাড়ির ফাঁক দিয়ে খঁচর হয়ে আছে, সে দিকে তাকিয়ে আছে। সেই পা-টতে আবার লাল চুকচুক একটা দৃষ্টি স্নাতকেন। শরিফা থেমে থেমে বলল, রহিমা এখনো এই বাড়িত ক্যান? তারে বিদায় লব নাই ক্যান? খুবতী মাইয়া মানুষ নিয়া এক ঘরে থাকছ, কাজটা ভালো কর নাই।
রহিমারে কাইল সন্কালেই বিদায় দিবা বুবাছ?

মতি মিয়া জবাব দিল না। শরীফা চিকন সুবে বলল, আর নুরার শইলডা কেমন খারাপ হইছে। আমি ডাক দিছি, হে আসে নাই। দৌড় দিছে রহিমার দিকে। এই সব খালা লক্ষণ না। রহিমা তব বেজা?

৩

রহিমা তার পুঁটলি গুটিয়ে মেয়ের হাত ধরে চৌধুরীবাড়ি চলে গেল। তার নিজের বাড়িঘর কিছু নেই। চৌধুরীদের দালানের শেষ মাথায় একটি অন্ধকার কুঠরিতে সে মাঝে মধ্যে এসে থাকে। চৌধুরীরা কিছু বলে না। যতদিন এখানে থাকে ততদিন যত্নের মতো এ বাড়ির কাজ-কর্ম করে। যেন এটিই তার বাড়ি-ঘর।

এক নাগাড়ে অবশ্য বেশি দিন থাকতে হয় না। গ্রামের কোনো পোয়াতী মেয়ের বাচ্চা হয়েছে। কাজ-কর্মের লোক নেই। রহিমাকে খবর দেয়। রহিমা তার ছোট পুঁটলি আর মেয়ের হাত ধরে সে বাড়িতে গিয়ে ওঠে। রান্না বান্না করে। শামুক ভেঙ্গে হাঁসকে খাওয়ায়। ছাগল হারিয়ে গেলে হারিকেন জ্বালিয়ে খুঁজতে বের হয়। যেন নিতান্তই সে এই ঘরেরই কেউ। নতুন বাচ্চাটি একদিন শক্ত সমর্থ হয়ে উঠে, রহিমাকে মেয়ের হাত ধরে আবার ফিরে আসতে হয় চৌধুরীবাড়ির অন্ধকার কোঠায়। প্রথম প্রথম খারাপ লাগত, এখন আর লাগে না।

দীর্ঘদিন পর আজ এই প্রথম রহিমার চোখ দিয়ে জল পড়তে লাগল। মতি মিয়ার ঘর বাড়ি কোনো এক বিচিত্র কারণে তার কাছে আপন মনে হয়েছিল। মনে হয়েছিল এখানে বাকি জীবনটা কাটিয়ে দিতে পারলে চমৎকার হতো। তার কপালটা এ রকম কেন?

নতুন বউ হয়ে যখন আসে অনুফার বাবা তখন কামলা মানুষ। বউ তোলায় জায়গা নেই। মানুষটা নতুন বৌকে চৌধুরীদের বারিন্দায় বসিয়ে রেখে উধাও হয়ে গেছে ঘর-দুয়ারের ব্যবস্থা করতে। চৌধুরী সাহেব মহা বিরক্ত, নতুন বৌয়ের সামনেই ধমকাচ্ছেন, অগাধ মনে এমন কাম-কাজের সময় কেউ কি বিয়া সাদি করে? তোর মতো আহমক খোদার আলায়ে নাই রে মনু।

লোকটা দাঁত বের করে হাসে। চৌধুরী সাহেব প্রচণ্ড ধমক দেন- হারামজাদা হাসিস না। আমার পূর্বের একটা ঘর খালি আছে, বৌরে সেইখানে নিয়া তোল।

চদুরী সাব নিজের একটা ঘরে নিয়া তুলনের ইচ্ছা। বাঁশ-টাশ যদি দেন তো একটা ঘর বানাই।

চৌধুরী সাহেব চোখ কপালে তুলে বললেন, ঘর তুলবি জায়গা জমি কই? ঘর তুলবি কিসের উপর?

আম'র বসত বাড়ির শাপি। কঁকটু ধানি জায়গাও হাঙ্কি দেন। ধীরে ধীরে দাম শোধ করবাম।

বলতে বলতে লোকটা হাসে। যেন খুব একটা মজার কথা বলছে। চৌধুরী সাহেব অবশ্য তাকে জায়গা দেন। মসজিদের কাছেই এক টুকরো পতিত জমি। লোকটা ঘরামীর কাজে খুব গুস্তাদ ছিল। দেখতে দেখতে বাঁশ কেটে চমৎকার একটা ঘর তুলে ফেলল। নতুন কাটা কাঁচা বাঁশের গন্ধে রহিমার রাতে ঘুম আসে না। পেটের মধ্যে পাক দিয়ে ওঠে। লোকটির অবশ্য ফুঁটির সীমা নেই। দুপুর রাতে কুপি জ্বালিয়ে বাঁশের কঙ্কি কাটছে। খরের চারদিকে বেড়া দিবে। বিশ্রাম এক জিনিস সে জানতো না।

কিন্তু সেই বৎসর খুব কাজে ফাঁকি দিল। চৌধুরীদের তখন জালা বোনা হচ্ছে। দম ফেলার সময় নেই। কাজে বিরাম দিয়ে এক দণ্ড যে হাঁকা টেনে শরীর গরম করবে সে অগসরটাও নেই। এর মধ্যেই দেখা গেল মনু উধাও। অন্য মনিব হলে কি হতো বলা যায় না, চৌধুরী সাহেব বলেই দেখেও দেখেন না। পুরুষ মানুষ দিনে দুপুরে বাড়ি এসে মেয়ের সঙ্গে গল্প, কি লজ্জার কথা। রহিমা শরমে মরে যায়। কিন্তু লোকটার লাজ-লজ্জার বালাই নেই। এক রাত্রে রহিমাকে জোর করে নৌকায় তুলে বড় গাঙ্গ পর্যন্ত চলে গেল। চাঁদনি রাতে নৌকা বাওয়ার মধ্যে খুব নাকি আনন্দ। আনন্দ ছিল ঠিকই। নদীর জলে ভেঙ্গে পড়া জোৎস্না, দূরের বিল থেকে ভেসে আসা হজ হজ শব্দ, দুই পাশে গাছ-গাছালির গায়ে মাথা অদ্ভুত এক জ্যোৎস্নাভেজা অন্ধকার। কি যে জাশো লেগেছিল রহিমার। এর মধ্যে ঐ লোক আবার ডাঙ্গা গলায় গান ধরল। সুর-তাল কিছুই নেই তবু সেই গান শুনে বারবার চোখ ভিজে উঠল রহিমার।

মানুষটি বড় সৌখিনদার ছিল। দুটাকা দিয়ে একবার এক গায়ে মাথা সাবান কিনে আনল। কি বোটকা গন্ধ। গা বমি বমি করে। আরেকবার কিনল হাঁটু পর্যন্ত উঁচু রবারের জুতো। এই প্যাক কাদার দেশে কেউ জুতো কিনে? সরকার বাড়ির নেজাম সরকার পর্যন্ত খালি পায়ে মাঠে যান স্কেত দেখতে। জুতো কেনার পর থেকে মচ মচ শব্দে লোকটা গুপু হাঁটে। চৌধুরী সাহেব একদিন ডেকে বললেন, টেকা-পয়সা জমাইবার অভ্যাসটা কর মনু। নিজের একটা বাড়ি-ঘর কর। বিয়া-সাদি করছস, দায়-দায়িত্ব আছে। খামাখা এট জুতোটা কিনলি ক্যান?

জুতোটা চদুরী সাব হস্তায় পাইছি। খুব কামের। পানির মইধ্যে হারাদিন থাকলেও এক ফোড়া পানি ডুকতো না।

ঐ স'র ধরনা বাদ সে মনু।

লোকটার স্বভাব তবু বদলায় না। কিন্তু হাসে ছাট্টি কিসে কেবল একটা। বাহারি ছাতি। বাটের মধ্যে হরিণের মুখ। বড়ই রাগ হয় রহিমার। কিন্তু কার ওপর রাগ করবে? এই লোক কি রাগ-টাগ কিছু বুঝে? চৌধুরী সাহেব খুব বিরক্ত হন।

বৃষ্টি বাদলা কিছু নাই। শুকনা দিন। মাথার মইধ্যে ছাতি কেন রে মনু?

নয়া কিনছি চদুরী সাব। পাইকারি দরে দিছে।

ভোর কপালে দুগুথ আছে মনু।

হা হা করে হাসে মনু। যেন ভারি একটা মজার কথা শুনল।

সেই লোক কোথাও যে হারিয়ে গেল

গয়নার নৌকায় মোহনগঞ্জ গিয়েছে পরদিন ফেরার কথা, আর ফিরে নাই। দেখতে দেখতে মাস শেষ হলো। কোনো বোজাই নেই। কি কষ্ট কি কষ্ট! অনুকা তখন পেটে। রাতের পর রাত জোপে বসে থাকে রহিমা। হুট শব্দ হলেই লাফ দিয়ে উঠে, আসল বুঝি। কাঁচ রকম উড়ো খবর আসে। একবার শুনল, বাজারের একটা মেয়ে মানুষের সঙ্গে থাকে। সেই মেয়ে মানুষটা চোখে সুরমা দেয় যাপরা পরে। আবার একবার শুনল আসাম গেছে। আসামে কাঠের ব্যবসা করে।

হয়তো তাই। একদিন টাকা-পয়সা নিয়ে গভীর রাতে রবারের জুতোয় মস মস শব্দ করে লোকটা উপস্থিত হবে। রহিমা যত রাগই করুক লোকটা গলা ফাটিয়ে হাসবে যা হা হা।

বৈশাখ মাসে অনুফার জন্ম হলো। চৌধুরী সাহেব বললেন, বাচ্চা নিয়ে তাঁর বাড়িতে এসে থাকতে। রহিমা রাজি নয়। হঠাৎ যদি কোনোদিন লোকটা এসে উপস্থিত হয় তখন?

গায়ের সবাই সাহায্য করেছে। চাল ডাল তরি তরকারি অভাব কিছুই হয়নি। চৌধুরী সাহেব মেয়ের মুখ দেখে ২০টি টাকা দিলেন। আমিন ডাক্তারের মতো হতদরিদ্র লোকও পাঁচটি টাকা দিয়ে গেল।

অনুফা একটু বড় হতেই অন্য রকম ঝামেলা শুরু হলো। গভীর রাতে ঘরের পাশে কে যেন হাঁটা হাঁটি করে। খুট খুট করে দরজায় শব্দ। ভয়ে কাঠ হয়ে থাকে রহিমা।

কেডা গো, কেডা?

আর কোনো সাড়া নেই। শেষ পর্যন্ত যেতে হলো সুরুজ মিয়ার বাড়ি। চৌধুরী সাহেবের ওখানে যেতে সাহসে কুলোয় না। ছোট চৌধুরী পাগল মানুষ। কোনো কোনো সময় দরজা বন্ধ করে তালা দিয়ে রাখতে হয়।

সুরুজ মিয়ার স্ত্রীটি চির রুগ্ন। তার দু'বছরের ছেলোটো সে রকম। রাত দিন ট্যা ট্যা করে কাঁদে। রহিমার নিঃশ্বাস ফেলার ফুরসত রইল না। খান কাটার সময় তখন। সুরুজ মিয়া অবস্থাসম্পন্ন গৃহস্থ। তিন চার জন উজান দেশী জিরাতি কামলা তার। সকাল থেকে দুপুর রাত পর্যন্ত বাটা-বাটিনি করতে হয় রহিমাকে। খারাপ লাগে না। কিন্তু এক গভীর রাতে সুরুজ মিয়া এসে তার ঘরে ঢুকে পড়ল। শুষ্ক রহিমা কিছু বুঝবার আগেই সুরুজ মিয়া তার মুখ চেপে ধরল, শব্দ কইরো না, মাইয়া জাগরো।

মেয়ে অবশ্যি জাগল না। এক সময় অন্ধকার ঘরে বিড়ি ধরাল সুরুজ মিয়া। ফিসফিস করে বলল, পাপ যা হওনের হে তো আমার হইল, তুমি কান্দ ক্যান? শরীরের মইধ্যে কোনো দোষ লাগে না। বুঝছ?

রহিমা চলে আসল চৌধুরী বাড়ির অন্ধকার কোঠায়। ছোট চৌধুরী লাল চোখে ঘুরে বেড়ায়। রহিমার আর ভয় লাগে না। অনুফাকে মাঝে মাঝে তাড়াও করে। অনুফা খেলা মনে করে ঝিলঝিল করে হাসে। ছোট চৌধুরী চোখ বড় বড় করে বলে, হাসিস না হারামজাদি কিছু। খবরদার হানিস না।

এক সময় সেই লোকটির চেহারাও রহিমার মনে রইল না। মাঝে মাঝে খুব যখন বাড়ি বৃষ্টি হয়, বিলের দিক থেকে শা শা শব্দ ওঠে, তখন ভাবতে ভালো লাগে লোকটা রবারের জুতো পায়ে দিয়ে মচমচ করে যেন এসেছে। অসম্ভব তো কিছুই নয়। হারিয়ে যাওয়া মানুষ তো কতই ফিরে আসে।

কিংবা কে জানে সেই লোকটি হয়তো কোনো এক ভিন দেশে গিয়ে আমিন ডাক্তারের মতো মহাসুখে আছে। আমিন ডাক্তার যেমন একদিন গরনার নৌকায় করে

সোহাগীতে উপস্থিত হলো তারপর আর যাওয়ার নাম করল না। কে জানে সেও উজান দেশে তার বৌ-মেয়ে ফেলে এসেছে কি না। হয়তো তারাও অপেক্ষা করে আছে কবে ফিরবে আমিন ডাক্তার। রহিমার বড় জানতে ইচ্ছে করে।

8

শরিফার কিছুই ভালো লাগে না।

এটি যেন তার নিজের বাড়ি নয়। যেন সে বেড়াতে এসেছে। পাড়া প্রতিবেশী বৌ-গোও কেমন যেন সমীহ করে কথা বলে। একটু দূরত্ব রেখে বসে। নানান কথা বলতে লাগতে হঠাৎ করে জিজ্ঞেস করে, কাটা পাওতা কই ফালইয়া আসছ?

শরিফার অসহ্য বোধ হয়। সরু গলায় বলে, হাসপাতালেই রাইফা আইলাম। সাথে আইনা কি করবাম?

নইমের বৌ ভীত স্বরে বলে, পাওতারে কবর দিছে?

শরিফার কাঁদতে ইচ্ছা করে। এক পা নিয়ে কাজ-কর্ম সে কিছুই করতে পারে না। সারা সকাল লেগে যায় ভাত ফুটাতে। খালা বাসন ধোবার জন্যে আজরফকে কলসি দিয়ে পানি এনে দিতে হয়। হাসপাতালে থাকার সময় এই সব ঝামেলার কথা তার মনে যেন। আমিন ডাক্তার সব দেখে শুনে গভীর হয়ে বলল, রহিমারে খবর দিয়া আনা পরকার দোস্তাইন।

না।

কিছু দিন সে থাকুক।

কইনাম তো না।

সুবিধার লাগিন কইওটেই।

আমার সুবিধা দেখনের দরকার নাই।

শরিফা কাঁদতে শুরু করল। তার একটি নতুন উপসর্গ যোগ হয়েছে। প্রায়ই কোকোনো প্রসঙ্গে কথা বার্তা বলতে শুরু করে শেষ পর্যায়ে কাঁদতে শুরু করবে।

দোস্তাইন কান্দনের কারণ তো কিছু নাই।

যার আছে হে বুঝে।

ইনাম শরিফার মনে ধারণা হয়েছে মতি মিয়া তাকে এখন আর দেখতে পারে না। গত রাতে মতি মিয়া বারান্দায় বসেছিল। শরিফা তিন বার গিয়ে ডাকল। তিন বারই সে বিরক্ত হয়ে বলল, ঘুমাইবার সময় হউক, সইক্যা রাইতেই ডাক ক্যান? আমি তো আর নয়া সাদি করি নাই সইক্যা রাইতেই ঘরে খিল দেওনের জোগাড় করবাম।

কি কথার কি জবাব। শুধু মতি মিয়া নয় আজরফ পর্যন্ত তার কথার জবাব দেয় না। এক কথা দশবার জিজ্ঞেস করতে হয়।

একদিন দেখা গেল আজরফ বাঁশ আর চাটাই দিয়ে ঘরের লাগোয়া নতুন একটা

চালা ঘর তুলছে। নুরুদ্দীন মহাউৎসাহে এটা ওটা আগিয়ে দিচ্ছে। মতি মিয়া হুঁকা হাতে দাওয়ায় বসে তদারক করছে। ঘরে নতুন কাজ কর্ম হলে আজ কাল আর কেউ শরিফাকে কিছু জিজ্ঞেস করে না। শরিফা মুখ কাশো করে বলল, আজরফ, ঘর তুলতাহস ক্যান?

আজরফ জবাব দিল না। যেন শুনতেই পায়নি।

আজরফ নয়! ঘর তুলনের দরকারডা কি?

জবাব দিল মতি মিয়া, পুলাপান বড় হইতাহছে একটা ঘর তো দরকার।

শরিফা লক্ষ্য করল নুরুদ্দীন মুখ টিপে হাসছে।

বিষয়টা কি নুরা?

নুরুদ্দীন দাঁত বের করে হাসল।

ঘর উঠতাহছে রহিমা খালার লাগি। রহিমা খালা আর অনুফা থাকবে।

শরিফা স্তম্ভিত হয়ে গেল। মতি মিয়া থেমে থেমে বলল, তোমার সুবিধা হইব খুব।

ঘরের কাজ কাম দেখব।

আমি বাইচ্চা থাকতে এই বাড়িতে কেউ আসত না।

মতি মিয়া বলল, আইজ সইচ্চায় আইব, খামাখা চিপ্পাইও না।

আমি গলাত দড়ি দিয়াস কইতাহছি।

মতি মিয়া গম্ভীর হয়ে ডাকল, 'আজরফ'।

জি।

তোর মারে বালা দেইখ্যা একটা দড়ি দে দেহি।

রহিমা সত্যি সত্যি সন্ধ্যা নাগাদ এসে পড়ল।

সে তার যাবতীয় সম্পত্তিও সঙ্গে এনেছে। একটি সিনের ট্রাক, ছয় সাতটি ছোট-বড়

পুঁটলি, হাঁড়ি, ডেকচি। অনুফার হাতে দড়ি বাঁধা একটা ছাপল। রহিমা শরিফার ঘরে ঢুকে হাসিমুখে জিজ্ঞেস করল, বুজির শইলডা বালা?

শরিফা কোনো কথা বলল না। রাতে খাওয়ার সময় বলে পাঠাল তার ক্ষিদে নেই।

অনেক রাতে ঝুপ ঝুপ করে বৃষ্টি পড়তে লাগল। শরিফা শুনল নতুন চালা ঘরে খুব হাসা হাসি হচ্ছে। মতি মিয়া কি একটা বলছে, সবাই হাসছে। সবচে উঁচু গলা হচ্ছে নুরুদ্দীনের।

অনেক রাতে মতি মিয়া এখন ঘুমতে আসল শরিফা তখনো জেগে। কুপি নিতিয়ে

ফেলার সঙ্গে সঙ্গে শরিফা ক্ষীণ স্বরে বলল, কেঁটা কথার সতি। জবাব দিবা?

কি কথা?

তুমি কি রহিমারে বিয়া করতে চাও?

মতি মিয়া দীর্ঘ সময় চুপচাপ থেকে বলল, হ।

তুমি রহিমারে এই কথা কইছ?

না আমিন ডাক্তার কইছে রহিমার মত নাই। তার ধারণা মনু বাইচ্চা আছে।

মতি মিয়া হুকা ধরাল। শরিফা ধরা গলায় বলল, 'বিয়াডা কবে?'

মত না থাকলে বিয়াডা হইব কেনে?

আইজ মত নাই, একদিন হইব।

মতি মিয়া নির্বিকার ভঙ্গীতে শুয়ে পড়ল। অল্পক্ষণের মধ্যেই তার নাক ডাকতে লাগল। শরিফা সারা রাত জেগে বসে রইল।

৫

গোটা জ্যৈষ্ঠ মাসে এক ফোঁটা বৃষ্টি হয়নি।

বৃষ্টি-বাদলা না হলে জ্বর-জারি হয় না। রুগী পত্র নেই, আমিন ডাক্তার মহা বিপদে পড়ে গেল। হাত একেবারে ঝালি। চৌধুরীবাড়িতে গ্রিশ টাকা বর্জ হয়েছে। গত বিশ দিনে রুগী এসেছে মাত্র একটি। সুখান পুকুরের অছিমুদ্দীনের মেজ ছেলে। ভিজিটের টাকা দূরে থাক ওষুধের দামটা পর্যন্ত পাওয়া গেল না। অছিমুদ্দীন নিমতলীর পীর সাহেবের নামে কিরা কেটেছে হাটবার দিন সকাল বেলা এসে দিয়ে যাবে। নিমতলীর পীর জ্যাপ্ত পীর। তার নাম নিয়ে টাল বাহানা করা যায় না। কিন্তু অছিমুদ্দীন শোকটি মহা দুঃস্বপ্ন। আজ নিয়ে তিন হাট গেল তার দেখা নেই।

আমিন ডাক্তার শুকনো মুখে সারা হাট খুঁজে বেড়ায়। হাটের দিন চাষা-ভূষার মতো ব্যাকা যায় না। দশ গ্রামের লোকজন আসে। নতুন মানুষদের সঙ্গে আলাপ পরিচয় হয়। কাজেই হাটবারগুলিতে আমিন ডাক্তার একটু বিশেষ সাজ-সজ্জা করে। আজকে দেখা গেল আমিন ডাক্তারের গায়ে এই গরমেও একটি লাল কোট। হাতে ডাক্তারি ব্যাগটা কায়দা করে ধরা। ব্যাগটিতে ইংরেজি লেখা-

'ডাক্তার এ, বরবান'

শ্রাইভেট প্র্যাকটিশনার।

আমিন ডাক্তারের চোখে নিকেলের চশমা। লোকজন ঠাহর হয় না। বার বার দেখতে হয়। অছিমুদ্দীনের মেছে হাটায় থাকার কথা। সেখানে পাওয়া গেল সিরাজুল ইসলামকে। সিরাজুল ইসলাম নিমতলির ডাক্তার। সমগ্র ভাটি অঞ্চলে তার নামী ডাক্তার হিসেবে খ্যাতি। লোকটি ছোট খাট, টেনে টেনে অত্যন্ত কায়দা করে কথা বলে। সিরাজুল ইসলাম আমিন ডাক্তারকে দেখা মাত্র এক গাল হেসে বলল, এই গরমের মধ্যে এমন কোটা? সর্দি গর্মি হয়ে মরবেন, বুঝলেন?

আমিন ডাক্তার হাটের দিনগুলিতে যথা সম্ভব শহুরে কথা বলতে চেষ্টা করে। চারদিকে লোকজন আছে। ডাক্তার শহুরে কথা বললে এরা খুব সমীহ করে।

শরীরটা খারাপ। জ্বর জ্বর তাব ইনফ্লুয়েঞ্জা হবে, এই জানোই গরম কাপড় পরলাম।

চশমা নতুন নিলেন নাকি?

হঁ।

সিরাজুল ইসলাম বিল খিল করে হাসতে লাগল। এর মধ্যে হাসির কি আছে আমিন ডাক্তার বুঝতে পারল না।

হাসেন কেন?

হাসি আসলে হাসব না? বলছেন ইনফুয়েঞ্জা। এই সময় ইনফুয়েঞ্জা হবে কিভাবে? আরে এখনো ইনফুয়েঞ্জাই চিনলেন না, ডাক্তারী করেন কিভাবে? হা হা হা। যেমন দেশ তেমন ডাক্তার।

সিরাঞ্জুল ইসলামের হাসির শব্দে লোক জমে গেল। আমিন ডাক্তার চট করে সরে পড়ল। মেছো হাটায় অছিমুদীকে পাওয়া গেল না। অথচ তার এখানেই থাকার কথা। কারণ ছাড়া এক জায়গায় ঘোরাঘুরি করা যায় না। আমিন ডাক্তার এক প্রকাণ্ড রুই মাছ দাম করে ফেলল। গম্বীর গলায় বলল, মাছ কত রে?

মাছ বিক্রি করছিল নিমন্তলীর জলিল। সে দাম না বলে মাছ গেঁথে ফেলল।

আপনের সাথে দর দাম কি ডাক্তার সাব? যা হয় দিবেন।

আরে ইয়ে এত বড় মাছ। দাম টাম কি বল গনি।

হুনা হুনির কিছু নাই। বড় গাঙ্গের মাছ, এর সুআদই আলাদা।

আমিন ডাক্তার পড়ে গেল মহা বিপদে। বহু কষ্টে মুখের হাসি বজায় রেখে বলল, মুছিবত হয়ে গেল দেখি। টাকা তো আনতে মনে নেই। কি যেন বলে ভুলে বোধ হয় বাড়িতে ফলাইয়া আসছি।

মুছিবত কিছু না ডাক্তার সাব, টেকা আপনে পরের হাটে দিয়েন।

আমিন ডাক্তার মাছ হাতে দীর্ঘ সময় দাঁড়িয়ে রইল। এক বার মনে হলো অছিমুদীনের মতো দেখতে কে যেন হট করে ভরকারি হাটার দিকে চলে গেল। এত প্রকাণ্ড একটা মাছ হাতে নিয়ে অছিমুদীনকে খুঁজে বের করার আর উৎসাহ রইল না। মাছ কেনাটা অবশ্য পুরোপুরি বুঝা গেল না। সিরাঞ্জুল ইসলামের সঙ্গে দ্বিতীয় দফায় দেখা হয়ে গেল।

মাছটা কিনলেন নাকি ডাক্তার সাব?

তা কিনলাম।

হুঁ, রোজগার পাতি ভালোই মনে হয়?

আমিন ডাক্তার যথাসাধ্য গম্বীর হয়ে বলল, পাই কিছু। না পাইলে কি আর ভাটি অঞ্চলে পইড়া থাকি?

সিরাঞ্জুল ইসলাম শুকনো মুখে চুপ করে যায়। আমিন ডাক্তার হস্ত চিন্তে সারা হাটে দুটি চক্রর দেয়। হাতে যে একটা পয়সা নেই, চৌধুরীদের কাছে জিন টাক্য কর্ত্ত সেই সব আর মনে থাকে না। মুখের উপর অতিরিক্ত একটা গম্বীর টেনে আনে। পরিচিত কারো সঙ্গে দেখা হলে গম্বীর হয়ে বলে, কি ভালো?

কেডা ডাক্তার সাব না?

হুঁ, ছিলাম না অনেক দিন। নিখল সাব ডাক্তারের কাছে ছিলাম। নতুন চিকিৎসাপাতি শিখলাম। সাহেব খুব স্নেহ করতেন আমাকে। ডাক্তার ডাক্তারের মর্বাদা বুঝে তো। অশিক্ষিত মূর্খ তো নয়, কি বল?

গো হাটার কাছে দেখা হলো মতি মিয়র সঙ্গে। মতি মিয়র কেমন যেন দিশাহারা ভাব। এত বড় একটা মাছ আমিন ডাক্তারের হাতে, তা মতি মিয়র চোখেই পড়ল না। ডাক্তার, তোমার সাথে একটা জরুরি আলাপ আছে।

আমিন ডাক্তার জ্র কুণ্ধিত করে বলল, তোমার কাছে সাড়ে পাঁচ টাকা পাই মতি। টাকার আমার বিশেষ দরকার।

তোমাতে কখন খাইকা খুঁজতাই। আছিল কই?

বুঝলা মতি, অসুদের জন্যে তিন টাকা আর তোমার ...

কথা শেষ হবার আগেই মতি মিয়া আমিন ডাক্তারকে টেনে এক পাশে নিয়ে আসে। গলার স্বর দুই ধাপ নিচে নেমে যায়। বিষয়টি সত্যি জরুরি। 'রূপকুমারী' যাত্রা পার্টের অধিকারী খবর পাঠিয়েছে মতি মিয়া যদি বিবেকের পাঠ করতে চায় তাহলে যেন অতি অবশ্যি মোহনগঞ্জ চলে আসে। আগের বিবেক চাকরি ছেড়ে চলে গেছে বলেই এই সুযোগ।

বুঝলা ডাক্তার, বিবেকের পাঠে মোট দশ খান গান।

আমিন ডাক্তার অবাক হয়ে বলল, আমােরে কি জন্যে দরকার সেইটা তো মতি ভাই বুঝলাম না।

শরিফারে একটু বুঝাইয়া কইবা। তোমােরে খুব মানে।

তুমি নিজেই কও।

আমি কই ক্যামনে? আমার সাথে তো কথাই কয় না।

আবার হইল কি?

মতি মিয়া ইতস্তত করে বলল, রহিমারে বখা করবাম হেইজা গুনার পরে ক্যামেশা।

আমিন ডাক্তার আকাশ থেকে পড়ল।

রহিমারে শাদি করবা? এই কথা তো আগে কও নাই।

মজাক কইরা কইছি। হাসি-তামশার কথা।

তুমি লোকটা অদ্ভুত মতি ভাই।

মতি মিয়া গম্বীর হয়ে বলল, অদ্ভুতের কি দেখলা? অন্যান্যটা কি কইছি? আমার বাড়িত সারা জীবনের লাগি থাকবো। বউ হইয়া থাকনটা বলা না?

আমিন ডাক্তার চুপ করে রইল। মতি মিয়া ইতস্তত করে বলল, রহিমা রাতি আলা কিনা হেইডাও তুমি একটু জাইন্যা দিবা, বুঝছ?

কি সব কথা যে তুমি কও মতি ভাই।

মতি মিয়া জ্র কুঁচকে বলল, আইজ রাইতেই আইবা ঠিক তো।

দেখি।

দেখা দেখির কিছুই নাই আইবা আইজ।

আইজা।

মাছটা কিনলা না কি ডাক্তার? বিষয় কি?

বিষয় কিছু না, মাছটা লইয়া যাও। দোকতাইনরে কইও রাইত তোমরার সাথে ভাত
বাইয়াম।

অত বড় মাছ কিনলা, তোমার হনছি টেকা পয়সা কিছুই নাই।

আমিন ডাক্তার একটি দীর্ঘনিঃশ্বাস ফেলল। আগামী হাটবারে টাকার কি হবে কে
জানে।

বাড়ি ফিরতে দেরি হলো। মতি মিয়া জোর করে একটা চায়ের দোকানে নিয়ে
গেল। এক আনা করে কাপ। সেই সঙ্গে দুই পয়সা করে একটা টোস্ট বিস্কুট।

দোকানের চায়ের সুআদই আলাদা, কি কও ডাক্তার?

হঁ।

আরেক কাপ বাইবা?

নাহ।

আরে খাও। এই আরো দুইটা দে।

চায়ে চুমুক দিয়ে মতি মিয়া অস্বাভাবিক নিচু ষরে বলল, বাজারে তিনটা মাইয়া
আইছে দেখছ? হাটবার সেইখা রঙ্গ-ভামশা করতাহে।

আমিন ডাক্তার অবাক হয়ে তাকাল।

মতি মিয়া বলল, বাজারের মেয়ে মানুষ ছাড়া কি হাট জমে কও দেহি? এর মইধো
একটার নাম ফুলন। কাঁচা হলদীর নাহান গায়ের চামড়া। আর চুল কি।

তুমি অত কিছু জানলা ক্যামনে?

আহ দেখলাম। দূর থাইক্যা দেখলাম। তুমি কি ডাভাছ পেছিলাম? মানুদে এলাহী।

চা গলায় লেগে মতি মিয়া বিষম খেলো।

মেয়ে তিনটি নৌকা নিয়ে এসেছে। সেজে গুজে নৌকার সামনে বসে আছে দুজন।

আমিন ডাক্তার অবাক হয়ে দেখল একটি মেয়ে সত্যি অপূর্ব। সন্ধ্যার আবেছ অন্ধকারে
দেবী প্রতিমার মতো লাগছে। মতি মিয়া আমিন ডাক্তারের হাতে একটি ম্দু চাপ দিয়ে
বলল, চউখ ট্যারা হইয়া যায় কি কও ডাক্তার? ফুলনের আরেকটা নাম হইল পিয়া
তোমার পরীবানু।

তুমি জানলা ক্যামনে?

হনছি। হুনা কথা।

উত্তর বন্দে নেমে মতি মিয়া গুন গুন করে গান ধরল,

“ও কইন্যা সোনার কইন্যা রে

ও কইন্যা রূপের কইন্যা রে

.....”

মতি মিয়ার গলা ভালো, আমিন ডাক্তারের মনটা উদাস হয়ে গেল।

৬

কাল সারারাত শরিফার ঘুম হয়নি।

ইদানীং প্রায়ই এ রকম হচ্ছে। সারারাত এপাশ ওপাশ করে কাটে। পাশেই মতি
মিয়া গাছের মতো ঘুমায়। শরিফার অসহ্য বোধ হয়। কাল রাতে বিরক্ত হয়ে শেষ পর্যন্ত
গায়ে ধাক্কা দিয়ে মতি মিয়ার ঘুম ভাঙাল। মতি মিয়া ঘুম জড়ানো ষরে বলল, কি হইছে?
বাংলা ঘরে কি যেন শব্দ করে। মনে লয় চোর আইছে।

আছে কি আমার, চোর আইব, ঘুমাও।

দেইখ্যা আও না।

মতি মিয়া ঘুরে আসল, কোথাও কিছু নেই, খা বা করছে চারদিক। মতি মিয়া ফিরে
এসেই ঘুমিয়ে পড়ল। আবার তাকে শরিফা ডেকে তুলল, আমার পিছন বাড়িত যাওন
লাগবে।

যাওন লাগবে-যাও।

একলা যাই ক্যামনে?

দুত্তেরী মাগী। ঘুমাতে যাওনের আগে সব শেষ কইরা যাইতে পারস না?

খাউক যাওন লাগত না।

মতি মিয়া আবার ঘুমিয়ে পড়ল। শরিফা খুন খুন করে কাঁদতে শুরু করল। লোকটা
এই রকম কেন? এমন ভাব করছে যেন শরিফা একটা কাঠের পুতলি। ছেলেগুলিও দূরে
দূরে সরে যাচ্ছে। নুরুদ্দীন তো তাকে সহাই করতে পারে না। রাত দিন রহিমার পিছে
পিছে ঘুরঘুর করে। একদিন সে গোসা করেছে ভাত খায় না। কত সাধসাধি। মতি মিয়া
বলল, আজরফ বলল, এমনকি আমিন ডাক্তার পর্যন্ত সাধা সাধনা করল। ঝাবেই না।
শেঘটার রহিমা শিলে বলল, “বাপধন আও খালার পাতে চাইরভা খাও।”

অমনি সুর সুর করে খেতে বসল। যেন কিছুই হয়নি।

এই সব কথা মনে আসলে চোখে পানি আসে। শরিফা ফুঁপিয়ে উঠল।

এই কান্দ ক্যান?

কান্দ না।

ফুসফুস করতাই ক্যান?

শরিফা ধরা গলায় বলল, আমি বাপের বাড়িত পিয়া কয়েকটা দিন থাকতাম চাই।

বাপের বাড়িত আছে কেছা?

ভাই আছে?

ভাই?

গলা ফাটিয়ে মতি মিয়া হাসল, এই সব চিন্তা ছাড়ান দেও। অত যে বামেলা গেছে

তোমার গুণের ভাই একটা যোঁজ নিছে? কও নিছে যোঁজ?

শরিফা মিন মিন করে কি বলল ঠিক বুঝা গেল না।

চিলাচিল্পি বন্ধ কইরা কাজ বন্ধ কর্ত।

আমি চিন্তাচিহ্নি করি?

না তুমি তো নয়। কইন্যা। মুখের মধ্যে একটা কথাও নাই।

শরিফা আজকাল অবশি খুবই টেঁচামেচি করে। রহিমার সঙ্গে আকাশ ফাটিয়ে ঝগড়া করে।

এইডা কি রানছ ও রহিয়া। ওয়াক থু। হজুদের পক্ষে মুখে দেওয়া যায় না। হলুদ সস্তা হইছে? বাপের বাড়ির হলুদ পাইছস? ঝাঁটা দিয়া পিভাইয়া এই সব আপদ দূর করা লাগে।

সামান্য জিনিস থেকে কুরুক্ষত্র ঘটে যায়। শুধু তাই নয় সুযোগ পেলেই রহিমার মেয়েটাকে সে মারধোরও করে। মেয়েটাকে মার মতো চুপচাপ। মার খেয়েও শব্দ করে না। একা একা পুকুর পাড়ে বসে থাকে। শরিফার অসহ্য বোধ হয়। কাউকেই সহ্য করতে পারে না। আমিন ডাক্তারের সঙ্গেও ঝগড়া করে। ঝগড়া করে ক্রান্ত হয়ে এক সময় সে কাঁদতে শুরু করে। আমিন ডাক্তার বিব্রত হয়ে বলে, কান্দনের কি হইল ও দোস্তাইন?

আমারে বিষ আইন্যা দিয়েন।

কি ধরনের কথা কন। না দোস্তাইন বাজে চিন্তা বাদ দেওন দরকার।

ধান কাটা শুরু হবার আগে মতি মিয়া মোহনগঞ্জে চলে যাবে। রূপকুমারী যাত্রা পার্টির অধিকারী লোক পাঠিয়েছে। শরিফা আকাশ থেকে পড়ল, ওখানে তুমি যাইবা ক্যামনে, ধান কাটব কেডা?

আজরক কাটব।

কও কি তুমি? আজরক দু'ধর পুলা।

চুপ কর, খালি চিন্তায়।

মতি মিয়া গঞ্জির মুখে কাপড় গোছায়। শরিফা নুরুদ্দীনকে পাঠায় আমিন ডাক্তারকে ধরে আনতে। আমিন ডাক্তার আসতে পারে না। দীর্ঘ দিন পর তাকে নেবার জন্যে সুখান পুকুর থেকে নৌকা এসেছে। রুগী মরণাপন্ন, এখনি রওনা হওয়া প্রয়োজন। নুরুদ্দীন, তার বাপেরে ধইয়া বাইকা রাখ, আমি আইতাই রাইতে বুঝছস? বুঝছি।

লোকটার মাথাটা ঝাড়া ঝাড়া, এই সময় কেউ যায়? নৌকা ছাড় পো তেলার।

নৌকা ছেড়ে দেয়ার সময় আমিন ডাক্তার আরেক বার গঞ্জির হয়ে বলে, দুই টেকা ভিজিট, অম্বু ভিন্ন। আর নৌকা দিয়া ফিরত দিয়া যাইবা।

সুখান পুকুর পৌঁছতে পৌঁছতে রাত পুইয়ে যায়। নৌকা থেকে নেমে মাইল পাঁচেক হাঁটতে হয়। অসহ্য কাদা এই অঞ্চলে। বড়ই কষ্ট হয় হাঁটতে। কোথাও থেমে যে বিশ্রাম নেওয়া হবে সে উপায় নেই। রুগীর বাবা ঝড়ের মতো ছুটছে, বার বার বলছে, পা চালাইয়া হাঁটেন ডাক্তার সাব।

বাড়ির সামনে মুখ লম্বা করে সিরাজুল ইসলাম বসে ছিলেন। আমিন ডাক্তারকে দেখে গঞ্জির মুখে বললেন, আপনাকেও এনেছে দেখি। হুঁ আর কাকে আনবে?

রুগীর বাবা পা ধোয়ার পানি আনতে গেছে, এই ফাঁকে সিরাজুল ইসলাম গলা নিচু করে বললেন, ডাক্তার পিবে খাওয়ালেও কিছু হবে না। শেষ অবস্থা। আর এমন চামার বুঝলেন। দু'টাকা দেয়ার কথা, দিয়েছে এক টাকা। মাছের বাজার আর কি?

রুগী দেখে আমিন ডাক্তার স্তম্ভিত। নয় দশ বৎসরের একটা ছেলে। সমস্ত শরীর লাল হয়ে ফুলে উঠেছে। মুখ দিয়ে লাল পড়ছে। চোখ যোর রক্তবর্ণ। শরীরে কোনো বাধা বোধ নেই। মাঝে মাঝে মাথা তুলে বলছে, পেটের মইধ্যে পাক খায়।

আমিন ডাক্তার এক চামচ এ্যালকালি মিকচার খাইয়ে শুকনো মুখে বলল, অবস্থা খুবই খারাপ। রোগামতো একটা মেয়ে ছেলেটির হাত ধরে বসে ছিল, সে কাঁদতে শুরু করল। আমিন ডাক্তার বলল, নৌকার জোগাড় দেখেন, হাসপাতালে নেওন লাগবে। দিরং করণ যাইতো না।

ডাক্তারদের জন্যে পান তামাক দেয়া হয়েছে বাহির বাটিতে। সিরাজুল ইসলাম কিছুই স্পর্শ করবেন না। তিনি এক ফাঁকে আমিন ডাক্তারকে বললেন, হাসপাতালে নেওয়ার চিন্তা বাদ দেন। এই রুগী ঘণ্টা পাঁচেকের বেশি থাকবে না। টাকা-পয়সা যা দেয় নিয়ে সরে পড়েন। রুগী মরলে পয়সাও পাবেন না। আপনাকে কেউ দিয়েও আসবে না। ছোটলোকের দেশে কেউ ডাক্তারি করে?

আমিন ডাক্তার থেমে বলল, 'ওর হইছে কি?'

কিছু বুঝতে পারছেন না?

না।

হুঁ। ওর কিডনী নষ্ট হয়ে গেছে। শরীরে পানি এনেছে, হাসপাতালেও কিছু করতে পারবে না।

কিছুই করনের নাই?

না।

সিরাজুল ইসলাম উঠে পড়লেন। বেকরবার আগে বললেন, আমি নিজের নৌকা নিয়ে এসেছি। যদি যেতে চান যেতে পারেন।

এই ব্রকম রুগী ফালাইয়া যাই ক্যামনে?

থাকেন তাহলে।

সমস্ত দিন ঝুঁকণ এইভাবে। রাত্রে অবস্থা খুব খারাপ হলো। আমিন ডাক্তার বিষণ্ণ মুখে ঘরের দাওয়ায় বসে রইল। বেশ কয়েক বার ছেলের বাবাকে বলল, হাসপাতালে নেওন খুব দরকার। দিরং হইতাছে।

কেউ রুগী নাড়াচাড়া করতে রাজি হলো না। নিমতলীর পীর সাহেবকে আনতে নাকি লোক গিয়েছে। তিনি এসে যা বলেন তাই করা হবে। পীর সাহেব মাঝরাত্রে পৌঁছলেন। ছোট-খাট হাসি-খুশি একজন মানস। রুগীকে হাসপাতালে নেয়া ঠিক হবে

কি না জানতে চাইতেই বললেন, ডাক্তার সাব যদি নিতে কন তা হইলে নেওন লাগবো। ব্যাবস্থা করেন কিন্তু রুগী দেখে তাঁর মত বললেনো। শান্ত করে বললেন, 'হাতে সময় বেশি নাই।

ভোর রাতে ছেলেটি হঠাৎ সুস্থ মানুষের মতো মাথা তুলে বলল, শীত লাগে বাজান। চার পাঁচটা কাঁথা গায়ে জড়িয়ে আমিন ডাক্তার জিজ্ঞেস করল, শীত কমেছে? ছেলেটি ফিসফিস করে বলল, 'শীত লাগে। জক্বর শীত লাগে। ও বাজান শইলডার মইধো খুব শীত।'

ফজরের আজ্ঞানের পর পর ছেলেটি মারা গেল। ছেলের মা খুব কাঁদছিল। কে যেন বলল, কাইন্দেন না। মউতের সময় কান্দন হাদিসে মানা আছে।

নিমতলীর পীর সাহেব শান্ত স্বরে বললেন, দুশ্শের সময় না কাঁদলে কোনো সময় কাঁদব? কান্দুক খুব জুরে জুরে কান্দুক।

বাড়ির সামনে একটি কাঁঠাল গাছের নিচে দুপুর পর্যন্ত বসে রইল আমিন ডাক্তার। পকেটে কিছুই নেই যে একটা কেরাইয়া নৌকা নিয়ে বাড়ি ফেরে। এমন অবস্থায় কাউকে বাড়ি ফেরার কথাও বলা যায় না। পেটে অসহ্য ক্ষিদে, মরা বাড়িতে চুলা ধরান হবে না, কাজেই খাওয়া দাওয়া হবে কি না বলা মুশকিল।

দুপুরের রোদ একটু পড়তেই আমিন ডাক্তার হেঁটে চলে গেল নিমতলী, নিমতলী পৌছাতে পৌছাতে এক প্রহর রাত হলো। সেখান থেকে সোহাগী আসল জলিলের নৌকায়। তখন মাঝরাত্রি, ঘরে খাবার কিছুই নেই। একটি টিনে চিড়া ছিল সেটিও শূন্য। মতি মিয়্যার বাড়িতে গেলে হতো। কিন্তু এই দুপুর রাতে যাওয়া ঠিক না।

ক্ষিদার জন্য ঘুম আসে না। ঘরের ভেতর অসহ্য গরম। মশারিটি শত ছিদ্র। তন ভন করছে মশা। নতুন মশারি একটি না কিনলেই নয়। আমিন ডাক্তার জয়ে শুয়ে কত কথাই না ভাবে। কত খিচির কথা মনে আসে। সুখান পুকুরের এক রুগী মজরার আগে হঠাৎ খুব অবাক হয়ে বলেছিল, ঠাণ্ডা হাত দিয়া আমারে কে ছুইছে। ও ডাক্তার বড় শীত লাগে। বড় শীত লাগে। বড় শীত।

মরবার আগে সবাই শীত লাগে কি না আমিন ডাক্তারের খুব জানতে ইচ্ছা করে।

৭

নুরুদ্দীন খুঁজে খুঁজে চমৎকার একটি মাছ মারার জায়গা বের করেছে। বাড়ি থেকে সোয়ামাইল দূরে জলধ ভিটার ডাঙ্গা ঘাট। জয়গাটা বড় নির্জন। দু'পাশ অন্ধকার করে আছে ঘন কাঁটা বন। ভাঙা ঘাটের ফাঁকে-ফাঁকে সাপের আড্ডা। সে জন্যেই বড় কেউ আসে না এ দিকটায়। ঘাটের লাগোয়া প্রকাণ্ড একটা ডেফল গাছে পাকা ডেফল টুক টুক করে। নুরুদ্দীন ছিপ ফেলে ডেফল গাছে হেলান দিয়ে সারা দুপুর বসে থাকে।

তার সঙ্গে প্রায়ই আসে অনুফা। সে নুরুদ্দীনকে বিরক্ত করে না। লম্বা একটি নারিকেলের ডোপা হাতে নিয়ে আপন মনে বিড়বিড় করে কি সব কথা বলে। নুরুদ্দীন মাঝে মাঝে ধমক দেয়, এ্যাই চূপ। অত কথা কইলে মাছ আইব?

অনুফা অল্প কিছু সময়ের জন্যে চূপ করে আবার গুনগুন শুরু করে।

এ্যাই অনুফা পাগলী নাহি তুই?

অনুফা রাগ করে না। বিলখিল করে হাসে। নুরুদ্দীনের বড় মায়া লাগে।

মাছ মারার এই জায়গাটা নুরুদ্দীন খুব সাবধানে গোপন করে রাখে। ঘাস কাটার জন্যে খোন্দায় করে কৈবর্ত পাড়ার মাঝিরা এই খাল দিয়ে বড় গাঙ্গের দিকে যায়। শব্দ পেলেই ডেফল গাছের আড়ালে চট করে লুকিয়ে পড়ে নুরুদ্দীন। তবু কেউ কেউ দেখে ফেলে তখন বড় ঝামেলা হয়।

এইডা কে? মতি ভাইয়ের পুলা না? এই, কি করস তুই?

মাছ মারি।

মাছ মারস? মাথাডা খারাপ নাহি তর? এইডা মাছ মারনের জায়গা? যা বাড়িত যা।

মাছ মারার জন্যে জায়গাটা কিছু খারাপ না। আজকেও নুরুদ্দীন দু'হাত লম্বা একটা বোয়াল মেরে ফেলল।

অনুফার বিস্ময়ের সীমা রইল না।

ওখাসরে এইডা তো জক্বর মাছ নুরু ডাই।

শক্ত কইরা মাথাডা ধর। পানিত যেন না পড়ে সাবধান।

পাকা বর্শেলের মতো মুখ করে নুরুদ্দীন দ্বিতীয়বার ছিপ ফেলতে যায়। কিন্তু বড় বড় ফোঁটায় বৃষ্টি পড়তে শুরু করেছে, এখন আর মাছে খাবে না। চল বাড়িত যাই অনুফা।

না।

না কি? দিয়াম এক চড়, বিষ্টি পড়তাত্তে দেখস না?

পড়ক।

বলেই অনুফা মাছ হাতে নিয়ে বদ্যুতবেগে ঝরিয়ে গেল। এই তার একটা খেলা। দৌড়তে দৌড়তে বাড়িতে গিয়ে উপস্থিত হবে। কোথাও এক দণ্ডের জন্যে থামবে না।

জঙ্গলা ভিটা থেকে বেরিয়ে নুরুদ্দীন দেখে খুব মেঘ করেছে। ডেফল গাছের আড়ালে থাকায় এতক্ষণ বুঝা যায়নি। নুরুদ্দীন দৌড়তে শুরু করল। অনেক খানি ফাঁকা জায়গা পার হতে হবে। রানীমার পুকুর পাড়ে উঠে আসার আগেই সে ভিজে ন্যাভা ন্যাভা হয়ে গেল। পুকুরের দক্ষিণ পাড়ে সিরাজ চাচার নতুন চালা ঘর। লালচাচি ছুটোছুটি করে ধান তুলছে। জুকুতে দেখা ধানের বেশির ভাগই গোছে ভিজে। লালচাচি নুরুদ্দীনকে দেখেই চেঁচিয়ে বললেন, 'নুরু হাত লাগা। উর চাঙ্গ আইজ খুশ চেজব।' ধান তোলা শেষ হতেই বৃষ্টি থেমে গেল। লালচাচি হাসি মুখে বললেন, কাণ্ডটা কেমন হইল নুরা?

বিষ্টি আবার আইব চাচি।

ধান তো বেবাক ভিজছে নুরা। করি কি এখন ক দেখি? একলা মানুষ আমি অত ধান শুকাইতে পারি? তুই বিবেচনা কর দেখি? নুরুদ্দীন বেশ খানিকক্ষণ বসে রইল

লালচাচির ঘরে। লালচাচিকে সে বেশ পছন্দ করে। নুরুদ্দীনের ধারণা লালচাচির মতো সুন্দরী (এবং ভালো) মেয়ে লোহাগীতে আর একটিও নেই। সবচে বড় কথা লালচাচি তার সঙ্গে এমনভাবে কথা বলে যেন সে একজন অতি বিচক্ষণ ব্যক্তি। 'ও নুরা তোর চাচারে কইলাম আমার ছোট ভাইটারে আইন্যা রাখতে। কাজ কামে সাহায্য হইব। তোর চাচা কি কয় জানস?

কি কয়?

কয় চোরের গুষ্ঠি আইন্যা লাভ নাই।

কথাডা ঠিক অয় নাই চাচী, অলেখ্য হইছে।

আমার দাদা চোর আছিল এইডা অস্বীকার যাই ক্যামনে? কিছুক হেইডা কোন আমলের কথা। পুরান কথা তুইল্যা মনে কষ্ট দেওন কি ঠিক?

না ঠিক না চাচি।

হেইদিন তরকারির লবণ এটু বেশি হইছে, তোর চাচা কয় চোরের গুষ্ঠি রান্দা বাড়়া শিখানের জে কথা না।

কথাডা অলেখ্য হইছে চাচি।

অত চোর চোর করলে বিয়া করল ক্যান? আমি কি পায়ে ধইয়া সাধছিলাম?

ঠিক কথা চাচি।

বাড়়ি ফিরতে সন্ধ্যা হয়ে গেল। লালচাচি কিছুতেই ছাড়বে না। বাপের বাড়ির পুরনো সব গল্প আবার শুনতে হলো। গুড় দিয়ে এক থালা মুড়ি খেতে হলো।

বাড়়ি ফিরে নুরুদ্দীনের মুখ শুকিয়ে গেল। আজরফ নাকি তাকে বেশ কয়েকবার খোজাখুঁজি করেছে। আজরফকে আজকাল সে খুব ভয় পায়। আজরফ তাকে কিছুই বলবে না। শুধু কেল জানি ভয় ভয় লাগে। শরিফা বলল, বিষ্টি বাদলা না হইলে রাইতে ধান মাড়াই দিতে চায়। তরে খুঁজছিল কি যেন কইতে চায়।

কি কইতে চায়?

জিগাই নাই। অত কথা আমি জিগাই না।

নুরুদ্দীনের মনে হলো শুধু সে একা নয়, তার মা নিজেও আজকাল আজরফকে সমীহ করে চলে।

বন্দের মইখো গিয়া জিগাইতাম?

যা জিগা গিয়া।

উত্তর বন্দে আজ খুব কাজের ঘটা। ফিরাইল সাব বলেছেন দু'একদিনের মধ্যে প্রচণ্ড শিলাবৃষ্টি হবে। সেই শিলা ফেরাবার ক্ষমতা তাঁর নেই। কাজেই সম্ভব হলে আজকের মধ্যেই যেন ধান তুলে ফেলা হয়। চারদিক অন্ধকার হয়ে গেছে। মশা তাড়াবার জন্যে ভেজা খড় পুড়িয়ে ধোঁয়া করা হয়েছে। ছোট ছোট ছেলে মেয়েরা জ্বলন্ত খড়ের দড়ির কাছে হুকো হাতে দাঁড়িয়ে আছে। খুব কাজের চাপ তাদের। ডাক পড়তেই হুকো নিয়ে

ছুটে যেতে হচ্ছে। ধান কাটার পুরা দলটি বৃষ্টিতে ভিজে জব জব। উত্তর বন্দেও আধ হাতের মতো পানি। ঘন ঘন হুকোর টান দিয়ে শরীর চাঙ্গা করে নিতে হয়। উজান দেশের বেশ কিছু কামলা এসেছে ধান কাটতে। এদের হয়েছে অসুবিধা। দিন রাত পানিতে থাকার অভ্যাস না থাকায় হাত পা হেজে গিয়েছে। তারা ক্ষণে ক্ষণে কাজ ফেলে তখনায় গিয়ে দাঁড়াচ্ছে।

আজরফকে খুঁজে বের করতে বেশ দেরি হলো। উত্তর বন্দে আজ সবাই ধান কাটছে। অন্ধকার হয়ে যাওয়ায় লোকজন চেনা যাচ্ছে না। তার ওপর আজরফ কার জমিতে কাজ করছে তাও ঠিক জানা নেই। তাদের নিজেদের জমির সবটাই খুব বন্দে। নুরুদ্দীন গলা উঠিয়ে ডাকল, ও ভাই সাব। খুব কাছ থেকে উত্তর হলো, এই দিকে আয় নুরা।

আমারে নি খুঁজছিল?

আজরফ কাজ থামিয়ে উঠে দাঁড়াল। লুগির গৌজ থেকে একটা কাগজ বের করে বলল, বাজানের চিঠি। জুলিল আশির সাথে পাঠাইছে। ডাক্তার চাচারে দিয়া পড়াইয়া আন।

আইচ্ছা।

আর হন আইজ ধান মাড়াই হইব।

কোন সময়?

রাইত।

গরু পাইবা কই?

কালচান চাচারে কইয়া রাখছি। তুই আরেক বার গিয়া জিগা।

আইচ্ছা।

যা বাড়়িত যা।

ভাত খাইতা না?

আইজ সরকার বাড়়িত খাইয়াম। হেরার ধান কাটতাছি।

একটা বোয়াল মাছ মারছি দুই আত লবা।

আজরফ খানিকক্ষণ চুপ করে থেকে বলল, জঙ্গলা বাড়়ির ভিটাত আর যাইস না নুরা। জায়গাডা খারাপ। দোষ আছে। হের উপরে আবার সাপের উপদ্রব।

নুরুদ্দীনের মুখে কথা ফুটে না। তার গোপন জায়গার কথা আজরফ কি ভাবে জানল কে জানে।

বাড়়িত যা নুরা।

উত্তর বন্দ থেকে একা একা বাড়়ি ফিরতে নুরুদ্দীনের বড়ই ভালো লাগে। এত বড় বন্দ এই অঞ্চলে আর নেই। দিন রাত হাওয়ায় শৌ শৌ শব্দ তোলে। উত্তর-পশ্চিমে তাকালে কিছুই চোখে পড়ে না। শুধু মনে হয় দূরের আকাশ নেমে এসেছে মাটিতে। পূর্ব দিকে তাকালে নিমতলী গ্রামের সীমানার তাল গাছ দুটো আবছা চোখে পড়ে। তালগাছ

দুটিতে দোষ আছে। গভীর রাতে মাছ মারতে এসে অনেকেই দেখেছে একটা জাম্বুরার মতো বড় আঙনের গোলা গাছ দুটির মাথায়। এ গাছ থেকে ও গাছে যাক্ষে আবার রুপে রুপে মিলিয়েও যাক্ষে।

আমিন ডাক্তার বাড়ির পেছনে খোলা চুলায় রান্না চাপিয়েছে। রান্নার আয়োজন নগন্য। ঝিনুপে ভাজি আর খেসারির ডাল। ভেজা কাঠের জন্যে প্রচুর ধোঁয়া উঠছে চুলা থেকে। নুরুন্দীন গিয়ে দেখে একটা কাঠের চোঙ্গায় মুখ দিয়ে আমিন ডাক্তার প্রাণপনে ফুঁ দিচ্ছে। তার নিজের চোখ মুখ লাল, কি রে নুরা কি চাস? ভাত খাইবি?

নাহ।

না কিরে ব্যাটা। ঝিনুপে ভাজা করলাম। গাওয়া ঘি আছে, দিয়ামনে এক চামুচ।

আইজ না চাচাজী। রাজানের একটা চিড়ি আনছি পইড়া দেন।

মতি মিয়া নিজেও লেখাপড়া জানে না। কাউকে দিয়ে লিবিয়েছে—

আজরফ মিয়া দোয়াগো,

আশা করি পরম করুণাময় আল্লাহ্‌তালার কৃপায় সুস্থ শরীরে শান্তিমতো আছ। পর সমাচার এই যে, আমরা দল লইয়া অতি শীঘ্র নেত্রকোনা যাইতেছি। বিবেকের গান খুব নাম কামাইয়াছে। স্বয়ং কানা নিবারণও বলিয়াছে— গলা খুব উত্তম। কিন্তু দুঃখের বিষয় পুরাতন বিবেক ফিরিয়া আসিয়াছে। কাজকর্ম ঠিকমতো করিবা। নতুন ধান উঠিবা মাত্র আমাকে নিয় ঠিকানায় বিশটি টাকা অতি অবশ্য পাঠাইবা। কিঞ্চিৎ আর্থিক অসুবিধায় আছি। আজ এই পর্যন্ত। ইতি।

আমিন ডাক্তার চিঠি শেষ করে ক্র ফুকিত করে রইল। চিঠিতে কবে ফিরবে কি কোনো উল্লেখ নেই। সবচেয়ে বড় কথা শরিফার কোসো কথা নেই।

আমিন ডাক্তার থেমে বলল, তর মায়ের কথাও লেখছে কোণা দিয়া— 'তোমার স্নাতার কথাও সর্বদা স্মরণ হয়। তুমি তাহার যথা সাধা যত্ন করিবা'। নুরা তোর মায়েরে কইছ। তার কথাও লেখা।

আইছা। আর চাচাজী আইজ আমরার ধান মাড়াই। আপনের যাওন লাগব।

দেহি।

দেহা নিহি নাই যাওন লাগব।

রূপী টুপী না থাকলে হাইয়ামনে এক ঘরান।

ধান মাড়াইয়ের ব্যাপারে নুরুন্দীনের খুব উৎসাহ।

মাঝরাতে দিকে চাঁদ উঠার সঙ্গে সঙ্গে ধান মাড়াই শুরু হবে। চলবে সারা রাত। একজন পালা করে থাকবে গরুর পেছনে, অন্য সবাই দল বেঁধে উঠোনে বসে গল্প শুনবে। গল্প বলার জন্যে কথক আছে। তাদের বড় দাম এই রাতে। পান তামাকের ডালা খোলা। শেষ রাতে পিঠে চিড়ার ব্যবস্থা।

নুরুন্দীনের খুব ইচ্ছা এবারও পত বারের মতো আলাউদ্দীনকে খবর দেয়া হয়।

পেশায় সে চোর, কিন্তু তার মতো বড় কথক ভাটি অঞ্চলে আর নেই। সে যখন কোমরে লাল গামছা পেঁচিয়ে দু'হাত নেড়ে কিছা শুরু করে তখন নিঃশ্বাস ফেলতে পর্যন্ত মনে থাকে না।

শুনেন শুনেন দশজনাতে

শুনেন দিয়া মন

লাল চান বাদশার কথা ইয়াছে স্মরণ

তার পর হেই লাল চান বাদশা উজির সাবরে ডাইক্যা কইল, ও উজির একটা কথার জবাব দেও দেহি।

বাড়ি ফিরে নুরুন্দীনের খুব মন খারাপ হলো। কথক আলাউদ্দীন নিমতলী গিয়েছে সন্ধ্যায় ফেরবার কথা এখনো ফেরেনি। যদি না ফিরে? তারচে বড় কথা শরিফা রেপে গিয়ে খড়ম ছুড়ে মেরেছে অনুফার দিকে। সেই খড়ম কপালে লেগে রক্তাক্তি কাও। অনুফা বাড়ি থেকে চলে গিয়েছে। রহিমা মুখ কালো করে ঘরের কাজ কর্ম করছে। নুরুন্দীন অনুফার খোঁজে বেরুল। সে কোথায় আছে তা জানা। ছোট গাঙ্গের পাড়ে জলপাই গাছের কাছে এসে নুরুন্দীন ডাকল, ও অনুফা।

অনুফা সঙ্গে সঙ্গে বেরিয়ে এল।

আয় বাড়িত যাই।

অনুফা কোনো আপত্তি করল না।

বড় আকাইর, হাত ধর অনুফা।

অনুফা এসে হাত ধরল। নুরুন্দীন বলল, আইজ ধান মাড়াই জ্ঞানস?

জ্ঞানি।

আলাউদ্দীন আইত না।

অনুফা মৃদু স্বরে বলল, আইব।

কি কস তুই।

দেখবা তুমি, আইবো।

তুই খুব পাগলী অনুফা।

অনুফা ঝিলঝিল করে হাসল। কিন্তু কি আশ্চর্য বাড়ির কাছাকাছি আসতেই দেখা গেল আলাউদ্দীন তার দল নিয়ে এসে পড়েছে। চাঁদ এখনো ওঠেনি। অন্ধকারেও পরিষ্কার দেখা যাক্ষে আলাউদ্দীনের রোগা লম্বা শরীর। সে বাঁকা হয়ে দাঁড়িয়ে ইঁকা টানছে।

কিছা শুরু হলো অনেক রাতে। গ্রামের অনেকেই এসেছে। আজরফ হক্শে ঘরের কর্তা। পান তামাক এগিয়ে দিচ্ছে। বৌ-ঝিরা ভেতর বাড়িতে। আশ্চর্যের উপর আশ্চর্য চৌধুরী সাহেবও এসেছেন। তাঁর জন্য চেয়ার আনা হয়েছে।

আলাউদ্দীন কোমরে লাল গামছা পেঁচিয়ে কিছা শুরু করেছে। সেই পুরনো লাল চান বাদশার গল্প। কিন্তু এ গল্প কি আর সত্যি সত্যি পুরনো হয়?

(গীত)

'শুনেন শুনেন দশ জনাতে

জনে দিয়া মন।

লাল চান বাদশারি কথা হইয়াছে স্বরণ।

লাল চান বাদশার মনে বড় দুক্ষ ছিল,

বার বছর পার হইল পুর না জন্মিল।

লাল চানের দুক্ষ সেইখ্যা কান্দে পাছের পাতা

.....

b

উত্তর বন্দের সমস্ত ধান কাটা হওয়ার পর পরই 'ফিরাইল সাব' চলে গেলেন। যাবার পরদিন প্রচণ্ড শিলাবৃষ্টি হলো। তাতো হবেই 'মাঠ বন্ধন' নেই। শিলা আটকাবার আসল লোকই নেই। কালচান খবর নিয়ে আসল-ফিরাইল সাবের জন্যে উত্তর বন্দে যে খড়ের ছাউনি করা হয়েছিল তার চিহ্নমাত্র নেই। শিলা বৃষ্টিতে সব ছিন্ন ভিন্ন হয়ে গেছে। সোহাগীর লোকজন স্তম্ভিত।

ফিরাইলের সাবের উপরে রাগ রইছে, বুঝা না বিষয়টা।

রাগ থাকটাই স্বাভাবিক। ফিরাইল সাব এই বৎসর উত্তর বন্দে শিল পড়তে দেননি।

সমস্ত নিয়ে ফেলেছেন নিমতলীর বন্দে। ফিরাইল সাব বিদায় নেয়ার আগে গ্রামে এসে উঠছেন কিছুক্ষণের জন্যে। গ্রামের বউ বিয়া রেড়ার ফাঁক দিয়ে এবকে হয়ে তাকায়। দেখেই বুঝা যায় বড় সহজ লোক ইনি না। তার সাং ঢালাক চলবে না। শুকনো গুড়ি পাকান চেহারা। মাথার দণ্ডা চুলে জট বেঁধে গিয়েছে। হাতে জীয়াগ পাছের শিকড়ে তৈরি একটি বাঁকা লাঠি। ফিরাইল সাব যাবার আগে বারবার বলে গেলেন-নিমতলীর তালগাছের নিচে তিনটা বড় শউল মাছ পুড়িয়ে ভোগ দিতে। তালগাছে যে বিদেহী প্রাণীটি বাস করে তাকে তুট রাখা খুবই প্রয়োজন। বাজ পড়ে যদি তালগাছ দুটির একটিও পুড়ে যায় তাহলে সমূহ বিপদ। বিপদ যে কি তা তিনি ভেঙ্গে বললেন না। পোয়াতী মেয়েছেলেদের ওপর কঠোর নির্দেশ তারা যেন কোনো ক্রমেই অমাবশ্যা এবং পূর্বস্ম এই দুই টানে উত্তর বন্দে না যায়।

এ বৎসর খুব ভালো ফলন হয়েছে সোহাগীতে। লগ্নির ধান দেয়ার পরও ধান রাখার জায়গা নেই। আবুল কালামের মতো হতদরিদ্র ভাগী চাষিরও খোরাকি ছাড়াই পঁচিশ মণ ধান হলো। এমন অবস্থায় জমকালো বাঘাই সিন্ধি হবে তা বলাই বাহুল্য। ধান কাটা শেষ হবার পরই প্রথম পূর্বিমায় বাঘাই সিন্ধির দল বেরুল। এই সব সাধারণত ছেলে ছোকরার ব্যাপার। কিন্তু আমিন ভক্তারের সে খেয়াল নেই। দলের পুরো ভাগে সে। বাড়ি গিয়ে নেচে কুঁদে এক হলুধু-ব্যাপার। হুল ধাক্কাক একজন, অন্য সবাই খুয়া গেল।

(মূল গীত)

আইলাম গো

যাইলাম গো

ব্যঘাই সিন্ধি চাইলাম।

(ধোয়া) চাইলাম গো। চাইলাম গো।

এই পর্যায়ে হাত পা ছুড়ে নাচ শুরু হয়। মেয়েরা মুখে আঁচল চাপা দিয়ে হাসতে হাসতে বাঘাই সিন্ধির জন্যে ধামা ভর্তি চাল বের করে দেয়।

আমিন ভক্তারকে দেখে বয়স্কদের অনেকেই দলে ভিড়ে গেল। সুবহান আলীর মতো রসভারি মাতব্বর পর্যন্ত বাঘাই সিন্ধির গানের ধুয়ায় শামিল হলো।

সিন্ধির আয়োজন হয়েছে উত্তর বন্দে। চারদিকে ফকফকা জ্যোৎস্না। দূরে সোহাগী গ্রাম ছবির মতো দেখা যায়। খোলা প্রান্তরে হাওয়া এসে শৌ শৌ বৌ বৌ শব্দ তোলে। বাঘাই সিন্ধি দলের উৎসাহের কোনো সীমা থাকে না। একদিকে সিন্ধি রান্না হয় অন্য দিকে খড়ের গাদায় আগুন লাগিয়ে বাঘাই সিন্ধির গান হয়। বড় গঙ্গা দিয়ে বিদেশী নৌকা যায়। তারা কৌতূহলী হয়ে হাঁক দেয়।

কোনো গ্রাম?

সোহাগী?

বাঘাই সিন্ধি নাকি গো?

হ ভাই।

কেনন জমলো?

জমল।

হই হো হেই হো।

শুধু খোরাকির ধান রেখে বাকি সব ধান আজরফ নীলগঞ্জের হাটে বিক্রি করে দিল। শরিফা আপত্তি করছিল। কিন্তু আজরফ শক্ত সুরে বলল, ধান থাকলেই খরচ হইব। যে জিনিসের দরকার নেই সেইটিও কিনা হইব।

যুক্তি অকাটা। ইতিমধ্যে নৌকা সাজিয়ে বেদেনীরা আসতে শুরু করেছে। শাড়ি-চুড়ি থেকে শুরু করে পিঠা বানানোর ছাঁচ কি নেই তাদের কাছে? কিনতে কারবার গাফ লাগে না। নগদ টাকা দেয়ার কামেলা নেই, ধান দিলেই হয়।

আজরফ নীলগঞ্জের হাটে ধান রেখে কত টাকা পেলে তা শরিফা পর্যন্ত জানতে পারল না। শরিফা খুব বিরক্ত হলো কিন্তু নিজে থেকে জানতেই চাইল না। টাকা পয়সার হিসাব পুরুষ মানুষের কাছে থাকাই ভালো। আর এই সংসারে পুরুষ বলতে তো এখন আজরফই আছে। কয়েক দিনের মধ্যেই যেন ছেলেটা বড় হয়ে গেল। গঞ্জির হয়ে চলাফেরা করে। যন্ত্রের মতো কাজ করে। নীলগঞ্জ থেকে সে এবার অনেক জিনিসপত্র কিনেছে। নুরুলীনের জন্যে এসেছে লুঙ্গি আর মাছ মারার বড়শি। তার এবং রহিমার জন্যে এসেছে শাড়ি। শরিফা দুঃখিত হ'ল লক্ষ্য করল দুটি গাড়ির জমিনই এক রকম।

দামও নিশ্চয়ই এক। রহিমা তার কে? থাকতে দেয়া হয়েছে দয়া করে, এর বেশি আর কি? তার জন্যে সস্তার শাড়ি কি নীলগঞ্জের হাটে ছিল না? শুধু এখানেই শেষ না অন্যত্র অন্যে সে একটা জামাও এনেছে। জামার বড় বড় ছাপার ফুল। ম্যালা দাম নিশ্চয়ই।

বর্ষা এসে গেছে।

কদিন ধরেই ক্রমাগত বৃষ্টি হচ্ছে। পথ-ঘাটে এক হাঁটু কাদা। আজরফ ঘরেই বসে থাকে। করার তেমন কিছু নেই। আগামী পাঁচ মাস ধরে জোয়ান মর্দ ছেলেরা ফড় খেলবে, যোল-ঘুটি খেলবে। কেউ কেউ ফুর্তির খোঁজে চলে যাবে উজান দেরী। এই পাঁচ মাস বিশ্রামের মাস ফুর্তির মাস।

শরিফা খবর পেল। আজরফ যাচ্ছে উজান দেশে। কি সর্বনাশের কথা! এইটুকু ছেলে সে যাবে উজানে। উজানের মেয়েগুলি ফষ্টি-নষ্টিতে ওত্তাদ, কি থেকে কি হবে কে জানে। তার উপর বাজারের খারাপ মেয়ে মানুষের পাল্লায় পড়লে ফতুর হয়ে আসতে হবে। কিন্তু আজরফের উদ্দেশ্য ভিন্ন। সে কাজ কর্মের খোঁজে যাবে। উজান মুদুক থেকে কিছু টাকা পয়সা যদি আনা যায় তাহলে খান বেচা টাকার সঙ্গে যোগ করে জমি রাখা যাবে। শরিফা স্তম্ভিত।

‘আমরারে দেখাশোনা করব কে?’

নুরা আছে, রহিমা খালা আছে তারা দেখাবো।

শরিফা ঝাঁদে খুন খুন করে। আপন মনে বিড় বিড় করে, রক্তের মধ্যে দোষ। ঘরে মন টিকে না। রহিমাকে আড়ালে নিয়ে জিজ্ঞেস করে, ‘ছেলেটা কি বিয়া করতে চায়?’

রহিমা মুখে কাপড় দিয়ে হাসে। বহু কষ্টে হাসি খামিয়ে বলে, না বুজি।

হাসল কান রহিমা? হাদির কথা কিছু কই নাই। বিয়া এখন করত চায় তখন পুলকি এই রকম ঘর ছাড়নের ভয় দেখায়।

না বুজি বিয়া করবো কি। বাচ্চা পুলা।

আজরফকে এখন আর বাচ্চা পুলা বলা যায় না।

গভীর হয়ে দাঁড়ায় যখন বসে থাকে তখন শরিফার পর্যন্ত সমীহ করে কথা বলতে ইচ্ছা করে।

এর মধ্যে হঠাৎ মতি মিয়ান একটি চিঠি এসে উপস্থিত। শব্দগঞ্জ থেকে লেখা। আমিন ডাক্তার এসে চিঠি পড়ে দিয়ে যায়।

মশন খানার রাধাপুর ইউনিয়ন বোর্ডের চেয়ারম্যান ডাক্তার আমিনকে একটি মেডেল মেডেল দিয়েছেন। মেডেলটি ছয় আনি ওজন-।

মেডেলের ব্যাপারটি সর্বের মিথ্যা। রূপার একটি মেডেল সাড়ে তিন টাকা খরচ করে মতি মিয়া নিজেই কিনেছে। আসলে নামার সময় গায়ে কোনো মেডেল না থাকলে লোকজনের ভক্তি পাওয়া যায় না। আমিন ডাক্তারকে চিঠিটি তিন চারবার পড়ে শুনাতে হয়। সেই রাতে তাকে খাওয়া-দাওয়াও করতে হয়। ডাক্তার হঠাৎ করে শরিফাকে বলে, বুঝছেন নি দোস্তাইন, মতি মিয়া কানা নিবারখরে ছাড়িয়ে যাইব কইয়া রাখলাম।

শরিফাকে এই সংবাদে খুব উল্লাসিত মনে হয় না।

বর্ষার জন্যে অসুখ বিসুখ হতে শুরু করেছে।

পেট খারাপ, জ্বর অসুখ বলতে এই দুটিই। মানুষের হাতে টাকা আছে। কিছু হতেই ডাক্তারের ডাক পড়ে। কাজেই আমিন ডাক্তারের ভালো সময় যাওয়ার কথা। কিন্তু তা যাচ্ছে না। বর্ষার আগে আগে নতুন একজন ডাক্তার এসে পড়েছে।

এই অঞ্চলের লোকদের হাতে যখন টাকা-পয়সা থাকে তখন হঠাৎ করে শহুরে ডাক্তার এসে উদয় হয়। লোকদের টাকা পয়সা যখন কমে আসতে শুরু করে তখন বিদেয় হয়। আগেও এ রকম হয়েছে। এতে আমিন ডাক্তারের তেমন কোনো অসুবিধা হয়নি। সোহাগীর লোকজন পুরান ডাক্তারকেই ডাকে। কিন্তু এই বৎসর অসুবিধা হচ্ছে। নতুন যে ডাক্তার এসেছেন তিনি সোহাগীর লোকজনদের চোখ ধাঁধিয়ে দিয়েছেন।

ডাক্তারটির নাম শেখ ফজলুল করিম।

এসেছেন মোহনগঞ্জ থেকে। সেখানে ডাক্তার সাহেবের বড় ফার্মেসি আছে ‘শেখ ফার্মেসি।’ ডাক্তার সাহেবের সঙ্গে যে এ্যাসিস্টেন্ট এসেছে সে আরেক বিশ্বয়, লোকটির বাড়ি জৌনপুরে। বাংলা বলতে পারে না। সন্ধ্যাবেলা ডাক্তার সাহেবের ঘরের উঠানে বসে সুর করে তুলসী দাসের রামচরিত মানস পড়ে। ডাক্তার সাহেব নিজেও কম বিশ্বয় সৃষ্টি করেননি। তিনি সঙ্গে একটি ঘোড়া নিয়ে এসেছেন। এই বৃষ্টি বাদলার দিনে ঘোড়া কি কাজে লাগবে জিজ্ঞেস করলে উচ্চররে হেসে বলেছেন-শীতকালের জন্যে ঘোড়া আনা হয়েছে। তার মানে লোকটি শুধু বর্ষার সময়ের জন্যে আসেনি, দীর্ঘ পরিকল্পনা নিয়ে এসেছে। মানুষ হিসেবে অভ্যন্ত মধুর স্বভাব। কদিন হয় এসেছেন, এর মধ্যেই গ্রামের সবার নামধাম জালেন। দেখা হলেই বোঁজে বসব করেন। অযুধের জন্যে গেলে প্রথমেই বলেন- বিনা পয়সায় অযুধ দিতে পারি। কিন্তু অযুধে কাজ হবে না। পয়সা দিয়ে অযুধ নিলে তবেই অযুধ কাজ করে। গ্রামের সবার ধারণা কথাটি খুব ‘লেহা’।

ডাক্তার সাহেবের কাছে সপ্তাহে একটি কাগজ আসে ‘দেশের ডাক’। তিনি উচ্চররে সেই কাগজ পড়ে শুনান। পড়া শেষ হলে চিত্তিত মুখে বলে- ‘ইস দেশের সর্বনাশের আর বাকি নাই।’ গ্রামের লোকজন সর্বনাশের কারণ ঠিক বুঝতে পারে না কিন্তু ডাক্তার সাহেবের বিদ্যা বুদ্ধিতে চমৎকৃত হয়।

আমিন ডাক্তার মহারি পদে পড়ে গেল। রূপী পস্তর একেবারেই নেই। পাঁচটা টাকা-পয়সাও কেউ নিচ্ছে না। সোহাগীর লোকজন যেন ভুলেই গেছে এই গ্রামে আমিন ডাক্তার নামে পুরান একজন ডাক্তার আছে। সে নিজেকে প্রতিষ্ঠিত করবার জন্যে অনেক ফন্দি ফিকির করে। কেনোটািই কোনো কাজে আসে না। যেমন একদিন সকালে সেজে-গুজে গভীর মুখে তার ব্যাগ হাতে বেরুল যার সঙ্গে দেখা হলো তাকেই বলল- নিমতলী থেকে ‘কল’ এসেছে। রূপীর অবস্থা এখন তখন। আমিন ডাক্তারকে ছাড়া ভরসা পাচ্ছে না। বিশেষ করে নিমতলীর কথা বলার কারণ হচ্ছে- নিমতলীতে সিরাজুল ইসলামের মতো নামী ডাক্তার থাকেন।

আষাঢ় মাসের গোড়াতেই আমিন ডাক্তার মহামুসিবতে পড়ল।

না খেয়ে থাকার যোগাড়। একদিন চৌধুরী সাহেব এসে দেখেন আমিন ডাক্তার দুপুর বেলা শুকনো চিড়া চিবচ্ছে। তিনি বড়ই অবাক হলেন। ভাটির দেশে ভাতের অভাব নাই আর এখন সময়টাই হচ্ছে ফেলে ছড়িয়ে ঝাঝার। চৌধুরী সাহেব গম্ভীর হয়ে জিজ্ঞেস করলেন, রোজগার পাতি কেমন ডাক্তার?

ইয়ে আছে কোনো মতে।

হঁ।

কলেরা শুরু হইলে কিছু বাড়ব। ওখন কম।

চৌধুরী সাহেব যাবার আগে বলে গেল সে যেন অতি অবশ্যি আজ রাত থেকে দু'বেলা তার এখানে খায়। আমিন ডাক্তারের চোখে পানি এসে গেল। সন্ধ্যা বেলা সে গেল নতুন ডাক্তার শেখ ফজলুল করিম সাহেবের কাছে। 'দেশের ডাক' কাগজটি এসেছে। সেইটি পড়া হচ্ছে। প্রচুর লোকজন ঘরে। ফজলুল করিম সাহেব আমিন ডাক্তারকে খুব খাতির করলেন। আমিন ডাক্তার এক পর্যায়ে বলল, আপনার কাছে একটা পরামর্শের জইন্যে আসলাম ডাক্তার সাব।

কি পরামর্শ।

এই গ্রামে একটা ইস্কুল দিতাম চাই।

আপনি ডাক্তার মানুষ, আপনি ইস্কুল কি দিবেন?

ডাক্তারি আমি করতাম না। আমার চেয়ে ভালো ডাক্তার ওখন এই গ্রামেই আছে।

লোকজনকে অবাক করে দিল্ল আমিন ডাক্তার উঠে পড়ল অনেক রাতে প্রথম বারের মতো খেতে গেল চৌধুরী বাড়ি। ছোট চৌধুরী বসে ছিল বারান্দায়।

তার গায়ে একটি সুতাও নেই। আমিন ডাক্তারকে দেখেই সে লাফিয়ে উঠল, এই শালা আমিন তরে আজই আমি খুন করবাম। শালা তুই আমারে দেইখ্যা হাসছস। শালা তর বাপের নাম আজই ভুলাইয়া দিয়াম।

৯

বর্ষার প্রধান প্রতীক শেখ হয়েছে

সোহাগীর চারপাশে বাঁশ পুঁতে চাইল্যা গাছ টুকরিরে মাটি শক্ত করা হয়েছে। প্রবল হাওয়ায় যখন হাওয়ার পানি এসে আছড়ে পড়বে সোহাগীতে তখন যেন মাটি ভেঙে না পড়ে।

উত্তর বন্দ সবচে' নিচু। সেটি ডুবল সবার আগে। তারপর একদিন সকালে সোহাগীর লোকজন দেখল যেন মস্তবলে চারদিক ভুবে গেছে। থৈ থৈ করছে জল। হুম হুম শব্দ উঠছে হাওয়ার দিক থেকে। জঙ্গলা ভিটার বাঁশ আর বেত বনে প্রবল হাওয়া এসে সারাক্ষণ বৌ বৌ শৌ শৌ আওয়াজ তুলছে। চিরদিনের চেনা জায়গা হঠাৎ করে

যেন রহস্যময় হয়ে উঠেছে। আদিগন্ত বিস্তৃত জলরাশির মধ্যে হঠাৎ যেন জেগে উঠেছে সবুজ রঙের ছোট 'সোহাগী'। নাইওরীদের আসবার সময় হয়েছে।

গভীর রাতে হাওয়ার নৌকার আলোগুলি কি অন্ধুতই না লাগে। বিদেশী নায়ের মাঝিরাও সোহাগীর দিকে অবাক হয়ে তাকায়। টেনে টেনে জিজ্ঞেস করে—

কোন গ্রাম? কো-ন গ্র-া-া-ম?

সোহাগী, গ্রামের নাম সোহাগী।

চারদিকের অর্থই জলের মাঝখানে ছোট গ্রামটি ভেসে থাকে। চৌধুরীবাড়ির লোকজন সাদা কেরোসিন তেলের হারিকেন জ্বালিয়ে সারারাত হিজল গাছের ডালে বুলিয়ে রাখে। গভীর রাতে যখন গ্রামের সব আলো নিভে যায় তখনো সেই আলো মিটমিট করে জ্বলে। দূর থেকে সেই আলো দেখে সোহাগীর নাইওরী মেয়েরা অহ্লাদে নৌকা থেকে চৌচিয়ে ওঠে।

ওই আমার বাপের দেশ ওই দেখা যায় চৌধুরীবাড়ির লঠন। গাঢ় আনন্দে তাদের চোখ ভিজে ওঠে।

ছেলেপুলেদের আনন্দের সীমা নেই। এখন বড়ই সুসময়। পানিতেই তাদের সারাদিন কাটে। এখন ডিসি নৌকা নিয়ে ঘর ছেড়ে বেরিয়ে গেলেও কেউ কিছু বলবে না। বরং খুশিই হবে। পানির সঙ্গে পরিচয় হোক। একদিন এদেরকেই তো ঝড়ের রাতে একা একা হাওর পাড়ি দিতে হবে। আমিন ডাক্তার চৌধুরীবাড়ির একটি অন্ধকার কোটায় তার ইস্কুল সাজিয়ে বসে থাকে। প্রথম দিনে গোটা কুড়ি ছাত্র ছিল, এখন এসে ঠেকছে দুই জনে। কালা চানের ফ্রেট ছেলে বাদশা মিয়া তার কৈবর্ত পাড়ার গণেশ। অন্য ছাত্ররা পড়ে থাকে হাওয়ার পানিতে। কার দায় পড়েছে আমিন ডাক্তারের অন্ধকার ঘরে বসে থাকার? দুটি ছাত্রকে নিয়েই আমিন ডাক্তার মহা উৎসাহে লেগে থাকে। বাদশা মিয়া বোকার হুদ। আমিন ডাক্তার যখন কয়ের উপর আঙুল রেখে জিজ্ঞেস করে 'এইটা কি?' বাদশা মিয়া তখন আকাশ-পাতাল চিন্তা করে গম্ভীর হয়ে বলে 'বরে আ'। আমিন ডাক্তার প্রচণ্ড চড়া লাগায় কিন্তু বাদশা মিয়ার বিদ্যার্জনের স্পৃহা সীমাহীন। সে পরদিন আবার গ্রেট পেনসিল নিয়ে হাজির হয়। অন্য দিকে গণেশের পড়াশোনায় খুব মন। তাকে পড়াতে বড় ভালো লাগে। কি চমৎকার, বলা মাত্রই সব শিখে ফেলে। দ্বিতীয়বার আর বলতে হয় না। কি সুন্দর গোটা গোটা হাতের লেখা।

চৌধুরীবাড়ি খেতে খেতে এখন আর আপের মতো লজ্জা লাগে না। চৌধুরীদের পাগলা ছেলের বৌটা খুব যত্ন করে। পর্দার আড়াল থেকে মধুর স্বরে বলে, আরেকটু মাছ নেন চাচাজী।

আর না মা।

না চাচাজী নেন। আরেক টুকরা নেন।

তাকে মাছ নিতেই হয়।

ইচা মাহ আর চোবাইয়ের তরকারি কোনোদিন খাইছেন চাচাজী?

না মা খাই নাই।

খুব সুখাদ। আমার বাপের দেশে করে।

একদিন কইরো।

'জি আইজা।'

তোমার বাপের দেশ কোথায়?

বহুত দূর। গাঁয়ের নাম বেতসি। নবীনগর ইউনিয়ন।

ভাটি অঞ্চল?

জী না, উজান দেশ।

খাওয়ার পর পান আসে। একটা কামলা এসে তামাক সাজিয়ে দিয়ে যায়। পর্দার

আড়াল থেকে বৌটি বলে, পেট ভরছে, চাচাজী?

আলহামদুলিল্লাহ, খুব খাইছি।

আপনের যেটা খাওয়ার ইচ্ছা হয় আমারে কইবেন।

বৌটিকে আমিন ডাক্তারের খুব দেখতে ইচ্ছা করে। কিন্তু চৌধুরীবাড়ির পর্দা বড় কঠিন পর্দা। দেখা হয় না। ভাত খেয়ে ফেরার পথে চৌধুরীর পাগল ছেলেটার সঙ্গে প্রায় রোজই দেখা হয়। ছেলেটি হংকার ছাড়ে, কেভা যায়? আমিন ডাক্তার? এই শুওরের বাচ্চা এদিকে আয় তো।

আমিন ডাক্তার না শুনার ভান করে এগিয়ে যায়। পাগলটা দারুণ হৈচৈ শুরু করে, এই শালা কথা কস না যে, এই শালা।

বৌটার কথা চিন্তা করে আমিন ডাক্তারের বড়ই খারাপ লাগে। রোজ ভাবে চৌধুরী সাহেবকে বলে ছেলেটাকে নিশান সাব ডাক্তারের কাছে নিয়ে যাবে। বলা মার হু না।

ভাদ্র মাসে হঠাৎ মতি মিয়া ফিরে এল। তার গায়ে দামী একটা চাদর। মাথায় ঢেউ খেলান বাবাড়ি ছিল। হলুদ রঙের মটকার পাঞ্জাবিতে দুটি রুপার মেডেল ঝুলছে। মেডেল দুটির মধ্যে একটি সে সত্যি সত্যি পেয়েছে। কেরানীগঞ্জের এক বেপারী খুশি হয়ে দিয়েছে। মতি মিয়া এখন নাকি বড় গাতক।

সন্ধ্যার পর বাড়িতে লোকজন ভিড় করে।

'মতি গ্রাই এঁরু পান রাজনা হট্টক। হললাম উজান দেশে তোমারে লইয়া কাড়াকাড়ি।'

মতি মিয়া গম্ভীর হয়ে থাকে।

শইলভা আইজ যুইত নাই। আইজ না।

বলামাত্রই এখন আর গানে টান দেয়া যায় না। বড় গাতকদের মান থাকে না তাতে। বড় গাতকদের গান সাধ্য সাধনা করে শুনতে হয়।

একখন গাও মতি ভাই।

কাইল আইও নিজের বান্দা গুন হুনাইচাম।

নিজে গান বান্দ? কও কি মতি ভাই?

মতি মিয়া গম্ভীর হয়ে থাকে। গ্রামের লোক বড়ই চমৎকৃত হয়।

কাইল কিন্তু বেবাক রাইত গান অইব, কি কও মতি ভাই?

চানি রাইত আছে। বেবাক রাইত গান। বুদ্ধিটা কেমন?

দেখি।

চেষ্টাকৃত একটা গাম্ভীর্য বহু কষ্টে মতি মিয়াকে ধরে রাখতে হয়।

পরের রাতে মতি মিয়ার বাড়িতে কিন্তু কেউ আসে না। কারণ সন্ধ্যায় কিছু আগে কোনো খবর না দিয়ে কানা নিবারণ হঠাৎ এসে উপস্থিত হয়েছে, আজ রাতটাই শুধু থাকবে। চৌধুরীদের আলায় বসেছে গানের আসর। ছেলে বুড়ো সব সন্ধ্যা থেকেই বসা। মেঘমুক্ত পরিষ্কার আকাশে সুন্দর চাঁদ উঠেছে। এক সময় কানা নিবারণ গানে টান দিল। গ্রামা দুঃখী মেয়ের চিরকালের গান। শ্রাবণ মাস চলে গিয়েছে ভাদ্র মাসও যায় যায়। তরুও তো নৌকা সাজিয়ে বাপের দেশ থেকে আমাকে কেউ নাইওর নিতে আসল না।

গানের মাঝখানে একটি অল্প বয়েসী বউ ফুঁপিয়ে কেঁদে উঠল। মেয়েটিকে এ বৎসর কেউ নিতে আসেনি। তাকে কাঁদতে দেখে অনেকেই চোখে আঁচল দিল। কিন্তু কানা নিবারণকে এই সব কিছুই স্পর্শ করছে না। সে সমস্ত জাগতিক বাবা বেদনার উর্ধ্বে। ফকফকা জ্যোৎস্নায় গ্রামের সমস্ত দুঃখী বৌ-খিরা কানা নিবারণের মধ্য দিয়ে তাদের চিরকালের কান্না কাঁদতে লাগল,

'শ্রাবণ মাস গেছে গেছে ভাদ্র মাসও যায়

জানি না কি ভারতে আছে আমার বাপ ও মায়'

মতি মিয়া তার বাড়ির উঠানে শুক্ক হয়ে বসে রইল। আজ রাতে সোহাগীর মানুষের মার তাকে প্রয়োজন নাই। রহিমা এক সময় এনে বলল ভাত দেই মতি ভাই?

নাহ ফিদা নাই। তুমি গান শুনতে গেলা না?

রহিমা কথা বলল না। মতি মিয়া ধরা গলায় বলল, যাও কানা নিবারণের গান হুন গিয়ে। বড় ওস্তাদ লোক। তার মতো গাতক আর হইত না।

মতি মিয়ার চোখ দিয়ে জল পড়তে লাগল।

সে দিন দশেক থাকবে ভেবে এসেছিল কিন্তু থাকল না। পরদিন ভোরেই শম্মুগঞ্জ চলে গেল।

১০

জঙ্গলা ভিটায় এখন আর যাওয়া যায় না।

নাবাল জায়গা। আষাঢ় মাসের গোড়াতেই পানি উঠে গেছে। দক্ষিণ কান্দা দিয়ে খুব সাবধানে হেঁটে জলমগ্ন ভিটার আশেপাশে যাওয়া গেলেও এখন আর কেউ যায় না। দক্ষিণ কান্দায় খুব সাপের উপদ্রব হয়েছে। সিরাজ মিয়ার একটি বকনা বাছুর সাপের হাতে মারা পড়েছে।

তবু নুরুদ্দীন জঙ্গলা ভিটায় যাবার জন্যে এক সকালে লালচাচির বাড়ি এসে উপস্থিত। লালচাচির খোন্দা নিয়ে সে যাবে জঙ্গলা ভিটায়। তার সঙ্গে গোটা দশেক 'লার বর্শি।' বর্শি কটি পেতে দিয়েই সে চলে আসবে। লালচাচি চোখ কপালে তুলে বলল, তোমার মাথাভা পুরা খারাপ নুরা। এই চিন্তা বাদ দে।

লালচাচি নুরুদ্দীনের কোনো মুক্তিই কানে তুলল না। ব্যাপারটিতে যে ভয়ের কিছুই নেই, খোন্দায় বসে থাকলে সাপ খোপ যে কিছুই করতে পারবে না লালচাচিকে তা বুঝান গেল না। লালচাচি খুব রেগে গেল, এক কথা একশবার কইস না নুরা। আমারে চেতাইস না। আমার মন মিজাজ ঠিক নেই।

তার মন মেজাজ ঠিক নেই কথাটি খুব সত্যি। গুজব শুনা যাচ্ছে সিরাজ মিয়া আরেকটি বিয়ে করবে। মেয়ে নিমতলী, নফিস খাঁর ছোট মেয়ে। সিরাজ মিয়াকেও দোষ দেয়া যায় না। যখন বিয়ে করে তখন সে কামলা মানুষ। সরকারবাড়ি জন খটিত। ছোট ঘরের মেয়ে ছাড়া কামলা মানুষের কাছে কে মেয়ে দিবে? সেই দিন আর এখন নেই। নতুন ঘর তুলেছে সিরাজ মিয়া। এই বৎসর টিনের ঘর দিবে। এক বান টিন কেনা হয়েছে।

এ ছাড়াও একটি কারণ আছে। সিরাজ মিয়ার এখনো কোনো ছেলে পুলে হয়নি। তিনটি বাচ্চা আঁতুড় ঘরে মারা গিয়েছে। অনেকের ধারণা সিরাজ মিয়ার বৌয়ের ওপর জ্বিনের আছর আছে। লক্ষণ সব সেই রকম। প্রথমত সে অত্যন্ত রূপসী। বাছ বিচারও নেই। ভয় সন্ধ্যায় অনেকেই তাকে এলোচুলে ঘরে ফিরতে দেখেছে।

সিরাজ মিয়া অবশি বিয়ের প্রসঙ্গে কিছুই বলে না। তবে তার হাব ভাব যেন কেমন কেমন। ইদানীং সে প্রায়ই নিমতলী যায়। নৌকা বাইচের ব্যাপারেই নাকি তার যাওয়া লাগে। কিন্তু বৌড়ের নৌকা নিয়ে যাবার সময় বেটু কিনে শাট গায়ে দেয়?

লালচাচি নুরুদ্দীনকে বিকাল পর্যন্ত বসিয়ে রাখল। যতবারই নুরুদ্দীন উঠতে চায় ততবারই সে তাকে টেনে ধরে বসায়। নতুন এই সমস্যায় কি করণীয় সেই ব্যাপারে পরামর্শ চায়। যেন নুরুদ্দীন খুব একজন বিচক্ষণ ব্যক্তি। নুরুদ্দীন বড়দের মতো গম্ভীর গলায় বলে, চাচারে পান পড়া খাওয়াও।

পান পড়ার কথা লালচাচির অনেক বার মনে হয়েছে কিন্তু এ গ্রামে পান পড়া দেয়ার লোক নেই। ভিন্ন গ্রাম থেকে আনতে হবে। লোক জানাজানির ভয়ও আছে। লালচাচি হঠাৎ পনার স্বর নামিয়ে বলল, তুই আইন্দা। সিন্তে পারবি? সুখান পুকুরে একজন কবিরাজ হনছি পান পড়া দেয়।

আইচ্ছা।
একলা যাওন লাগব কিন্তুক।
আইচ্ছা।
কেউরে কওন যাইত না। কাকপক্ষীও যেন না জানে।
কেউ জানত না।

নুরুদ্দীনের বড় মায়ী লাগে। লালচাচির যে আবার বাচ্চা হবে তা সে জানত না। চোখ মুখ সাদা হয়ে গেছে হাত পা ভারি হয়েছে। চোখের নিচে কালি পড়ে এখন যেন আরো সুন্দর দেখায়, শুধু তাকিয়েই থাকতে ইচ্ছা হয়। লালচাচি বলল, হা কইরা কি দেখস?

তোমার বাচ্চা হইব চাচি?
কখার চং দেখো। চূপ থাক।
নুরুদ্দীন একবার শেষ চেষ্টা করে।
চাচী দেও না তোমার খোন্দটা। যাইয়াম আর আইয়াম।
আইচ্ছা যা। দেইখ্যা আয় তর জঙ্গলা ভিটা। দিরং করিস না।
দিরং হইত না।

খোন্দায় উঠবার মুখে নুরুদ্দীন দেখল সোহাগীর দল তাদের বাইচের নৌকা নিয়ে মহড়া দিতে বেরিয়েছে। সিরাজ চাচা মাথায় একটি লাল গামছা বেঁধে নৌকার আগায়। নৌকা ছুটছে তুফানের মতো। গানের কথা শুনা যাচ্ছে—

'ওগো ভাবিজান বাইচ বাইতে মর্দ লোকের কাম
ওগো ভাবিজান বাইচ বাইতে মর্দ লোকের কাম।'

এই বারের বাইচে দুইটি খাসি এবং একটি গরু দেয়া হয়েছে। আশে-পাশের সাতটি গ্রামের মধ্যে কম্পিটিশন। ভাব সাব যা দেখা যাচ্ছে এ বৎসর সোহাগীর দল বোধ হয় জিতেই যাবে।

জঙ্গলা ভিটাকে আর চেনা যায় না। পানিতে ডুবে একাকার। কেমন যেন একটা ভ্যাপসা পচা গন্ধ। বাঁশের ঝোপ আরো যেন ঘন হয়েছে। চারদিক দিনমানেরই অন্ধকার। জঙ্গলা ভিটা ডুবিয়ে পানি তেঁকল গাছের গুঁড়ি পর্যন্ত উঠেছে। খালের মাঝামাঝি লম্বা জলজ ঘাস জন্মেছে। সেই সব ঠেলে খোন্দা নিয়ে এগোনই যায় না। নুরুদ্দীন ভেসে বেড়াতে লাগল। এক জায়গায় দেখা গেল চার পাঁচটি খইরকল গাছ। এখানে খইরকল গাছ আছে তা কোনোদিন তার চোখেই পড়েনি। থোকা থোকা খইরকল পেকে লাল টুক টুক করছে। কি আশ্চর্য! নুরুদ্দীন অবাক হয়ে তাকিয়ে থাকল।

এই সময় অদ্ভুত একটি কাণ্ড হলো। হঠাৎ চারদিক সচকিত করে খইরকল গাছ থেকে অসংখ্য কাক এক সঙ্গে কা কা করে উঠে গেল। উত্তর দিকের ঘন বাঁশবনে হাওয়ার একটা দমকা ঝাপটা বিচ্ছিন্ন একটি হা হা শব্দ তুলল। তার পরপরই নুরুদ্দীন গুনল একটি অল্প বয়েসী মেয়ে যেন খিলখিল করে হেসে উঠল। সঙ্গে সঙ্গে চারদিক নিশ্চুপ। গাছের পাতাটিও নড়ে না। চারদিক সুনসান।

নুরুদ্দীন ভয় কাতর স্বরে বলল, 'কেডা গো কেডা?'
আর তখন তার চোখে পড়ল জঙ্গলা বাড়ির ভিটার কাছে যেখানে জল শ্যাওলায় ঘন সবুজ হয়ে আছে সেখানে মাথার চুল এলিয়ে উপুড় হয়ে মেয়েটি ভাসছে। অসম্ভব ফর্সা তার একটি হাত ছড়ান। হাত ভর্তি গাঢ় রঙের চুড়ি। এই সময় প্রবল একটা বাতাস

এল। মেয়েটি ভাসতে ভাসতে এগিয়ে আসতে লাগল নুরুন্দীনের দিকে। যেন ছুব সঁাতার দিয়ে ধরতে আসছে তাকে।

আকাশ-পাতাল জুর নিয়ে বাড়ি ফিরল নুরুন্দীন। মুখ দিয়ে ফেনা ভাসছে। চোখ গাঢ় রক্তবর্ণ। লোকজন ঠিক চিনতে পারছে না। আমিন ভক্তার এসে যখন জিজ্ঞেস করল, কি হইছে নুরু?

নুরু ফ্যালফ্যাল করে তাকাল।

কি হইছে ক দেখি নুরু?

ভয় পাইছি চাচা।

কি দেখছস?

একটা মেয়ে মানুষ সঁাতার দিয়া আমারে ধরতে আইছিল। হাতের মইধো লাল চুড়ি।

প্রচণ্ড ঝড় হলো সেই রাতে। ঘন ঘন বিজলি চমকাতে লাগল। কালাচান খবর আনল নিমতলীর দোষ লাগা তালগাছে বজ্রপাত হয়েছে।

পরদিন আমিন ভক্তার নৌকা নিয়ে সারা দুপুর জঙ্গলা বাড়ির ভিটায় ঘুরে বেড়াল। কোথায়ও কিছু নেই। খইরকল গাছগুলি দেখে সেই নুরুন্দীনের মতোই অবাক হলো। উজান দেশের গাছ। ভাটি অঞ্চলে কখনো হয় না। গাছগুলিতে গাঢ় লাল রঙের ফল টুক টুক করছে। আমিন ভক্তার আরো একটি জিনিস লক্ষ্য করল জঙ্গলা বাড়ির ভিটা পানিতে ছুবে গেছে। কোনো বৎসর এ রকম হয় না।

সোহাগীতে রটে গেল পাগলা নুরা ভরা সন্ধ্যায় গিয়েছিল জঙ্গলা বাড়ির ভিটাতে। গিয়ে দেখে পরীর মতো একটা মেয়ে নেংটা হয়ে সঁাতার কাটাচ্ছে। নুরাকে দেখে সেই মেয়ে ঝিলঝিল করে হাসতে হাসতে ছুব সঁাতার দিল।

নুরুন্দীনের জুর সারতে দীর্ঘদিন লাগল। নিমতলীর সঁীর সাহেব নিজে এসে তারিফ দিলেন। গৃহ বন্ধন করলেন। বার বার বলে গেলেন আর যেন কোনদিন জঙ্গলা ভিটায় না যায়। জায়গাটাতে দোষ হয়েছে। নিমতলীর তালগাছে যে থাকত সে জায়গা খুঁজে বেড়াচ্ছে। জঙ্গলা ভিটায় এসে তার আশ্রয় নেয়া বিচিত্র না।

১১

সোহাগীতে পানি ঢুকছে এই তয়্যাহৎ খবরটি চৌধুরীদের পাগল ছেলে প্রথম টের পেল। তার রাতে খুম হয় না। বাংলা ঘরের বৈষ্ণবে বসে সিগারেট টান এনং কোনো রকম শব্দ হলেই চেঁচায়— 'কেভা? চোর নাকি? এই চোর, এই চোর। এ্যাইও।' তার চেঁচামেটি চলে ভোর পর্যন্ত। ফজরের আজানের পর সে ঘুমাতে যায়। দুপুর পর্যন্ত নাক ডাকিয়ে ঘুমায়।

সেই রাতে সে উঠানে পাটি পেতে শুয়েছিল এবং তার স্বভাব মতো চোর চোর বলে চেঁচাতে চেঁচাতে শেষ রাতের দিকে ঘুমিয়ে পড়েছিল। ঘুম যখন ভাঙল তখন সমস্ত

উঠানে থৈ থৈ পানি। শৌ শৌ শব্দ উঠছে। শেয়াল ডাকাডাকি করছে চারদিকে। সে প্রথম কয়েক মুহূর্তে কিছুই বুজতে পারল না। তার নিজস্ব স্বাভাবিক ভঙ্গিতে চেঁচাল 'কেভা চোর নাকি? এই শালা চোর? এ্যাইও।' তার পরমুহূর্তেই 'পানি আসে পানি আসে' বলে বিকট চিৎকার করে ছুটেতে শুরু করল। এর প্রায় সঙ্গে সঙ্গে ভক্তার ফজলুল করিম সাহেবের বোড়াটি বিকৃত স্বরে চেঁচাতে শুরু করল। গ্রামের পশ্চিম প্রান্তের গোয়াল ঘরগুলি থেকে গরু ডাকতে লাগল। বেশির ভাগ মানুষ জেগে উঠল এই সময়। ছোট মসজিদের ইমাম সাহেব রাত সাড়ে তিনটায় আজান দিলেন। অসময়ের আজান মহা বিপদের সংকেত দেয়। লোকজনের ছুটাছুটি শুরু হয়ে গেল। সরকারবাড়ি থেকে সরকার সাহেব দোতলার বারান্দায় দাঁড়িয়ে দোনলা বন্দুক থেকে চার বার ফাঁকা আওয়াজ করলেন। ছোট ছোট ছেলে মেয়েরা উচ্চস্বরে কাঁদতে শুরু করল।

আমিন ভক্তার যখন ঘর থেকে বেরুল তখন তার উঠানে প্রায় হাঁটু পানি। এই রকম অসম্ভব ব্যাপার সোহাগীর মানুষ কখনো দেখেনি। ভাটি অঞ্চলে পানি এত দ্রুত কখনো বাড়ে না। আর বাড়লেও পানি এসে বাড়ির উঠানে কখনো ঢুকে না। আমিন ভক্তার চৌধুরীবাড়ি এসে দেখে ইতিমধ্যেই প্রচুর লোকজন জড়ো হয়েছে। একটি হাজাক লাইট উঠানের জনটোকির উপর বসান। চৌধুরী সাহেব গলার শিরা ফুলিয়ে হাঁক ডাক করছেন।

'মেয়েছেলেগুলিরে সরকার বাড়িত লইয়া যাও। গরু ছাগলের দড়ি কাটি। জান বাঁচানির চেষ্টা করো। ভেদার মতো চাইয়া থাকি না।'

আমিন ভক্তার দৌড়াতে শুরু করল। মতি মিয়ার বাড়ি যাওয়া দরকার। পুরুষ মানুষ কেউ নেই সেখানে। শরিফা সে রকম হাঁটা চলাও করতে পারে না। এতক্ষণ সে কথা মনেই হয়নি।

মতি মিয়ার বাড়ির উঠানে অনেকখানি পানি। দক্ষিণ কান্দার একটি অংশ ভেঙ্গে ভেঙ্গে সর সর করে পানি ঢুকছে। উঠানের বাঁ দিকটা নিচু। সেখানে জলের একটা প্রবল ঘূর্ণ উঠেছে। আমিন ভক্তার মতি মিয়ার বাড়িতে ঢুকে বেশ অবাক হলো। রহিমা সব কিছু নিপুণভাবে গুছিয়ে ফেলেছে। হাঁস মুরগি গরু ছাগল সমস্তই ছেড়ে দেয়া হয়েছে। চৌকির নিচে ইট দিয়ে অনেকখানি উঁচু করে তার ওপর ধান রাখা হয়েছে। প্রয়োজনীয় কাপড়-চোপড় একটি বড় পুঁটলায় রাখা হয়েছে। শরিকি চৌকির এক কোণায় বসে বসে কান্দছিল। আমিন ভক্তার গল্পের হয়ে বন্দ, গুমন কান্দনের সময় না দোকাইন। সরকার বাড়িত যাওন লাগবো।

আমি কেমনে যাই?

নেওনের ব্যবস্থা করতাই। এখন শরমের সময় না। হাতটা ধরেন দেহি।

সরকার বাড়ি কিন্তু যাওয়া গেল না। দক্ষিণ কান্দার ভাঙা অংশে জলের চাপ খুব বেশি। সরকার বাড়ি যেতে হলে ভাঙা জায়গাটা পেরকতে হয়। কৈবর্ত পাড়ার জেলেরা সবাই চলে এসেছে দক্ষিণ কান্দায়। অনেকগুলি কুপি জ্বলছে সেখানে। চাটাই বিছিয়ে

মেয়েরা সব উচ্চস্বরে কলরব করছে। শরিফাকে ওদের কাছে বসিয়ে রেখে আমিন ডাক্তার রহিমাকে আনতে গেল। রহিমা খুঁড়ি দিয়ে গভীর মনযোগের সঙ্গে ঘরের ভেতরে কি যেন খুঁজছে। আমিন ডাক্তারকে দেখে সে শান্ত স্বরে বলল, আজরফ এই খানে ধান বেচা টেকা লুকাইয়া রাখছে। পানি উঠলে সব নষ্ট হইবো।

আমিন ডাক্তার বেশ অবাক হলো, তোমাদের কইছিলো যে এইখানে লুকাইছে? না।

তুমি জানলা কেমনে?

রহিমা জবাব দিল না। এক মনে খুঁড়াখুঁড়ি করতে লাগল।

ডাক্তার ভাই।

কি?

আপনে অনুফা আর নুরুদ্দীনরে লইয়া যান, আমার দিরং হইব।

অনুফা নুরুদ্দীনের সঙ্গে চৌকিতে বসে খুঁড়াখুঁড়ি দেখছিল। সে মৃদুস্বরে বলল,

হগলে মিল্যা একসঙ্গে যাইয়াম চাচ।

খুঁড়িতে বাঁধা টাকা পাওয়া গেল শেষ পর্যন্ত। রহিমা বলল, আপনার কাছে রাখেন

ডাক্তার ভাই।

আমার কাছে কেরে?

মেয়ে মাইনসের হাতে টেকা থাকন নাই। দোষ হয়।

দক্ষিণ কান্দার তারা যখন পৌছল তখন পূর্ব দিক ফর্সা হতে শুরু করেছে। কান্দার পশ্চিম পাশে অনেকগুলি ছেলে মেয়ে শিলা খুব বৈ হৈ কররে। কৈবর্তদের একটি ছেলে দৌড়ায়োড়ি করছিল পা গিড়লে নিচে পড়েছে, তাকে তুলে এনে শক্ত মার লগান হচ্ছে। কৈবর্তদের প্রবীণ নরহরি দাস তামাক টানছে আর বলছে, শক্ত মাইর দেও। খুব শক্তে দেও। তামশা পাইছে।

আমিন ডাক্তার বলল, ও নুরা তোর মারে খুইজ্যা বাইর কর, খবরদার কান্দার কিনারাত যাইস না। এক চড় দিয়া দাত ফালাইয়া দিয়াম।

নুরুদ্দীন অনুফার হাত ধরে চক্ষের নিমেষে ছুটে গেল। আমিন ডাক্তার অবাক হয়ে বলল, কারবারটা দেখছনি রহিমা, না করলাম যেটা হেইটা করন চাই।

রহিমা মৃদুস্বরে বলল, আপনেরে একটা কথা কইতাম চাই।

কি কথা?

কথাডা আপনি কিস্তুক রাখবেন আমিন ভাই।

আমিন ডাক্তার বিস্মিত হয়ে বলল, বিষয়ডা কি?

অনুফারে নিখল সাব ডাক্তারের কাছে পাঠাইতাম চাই। হেই খানে ইকুল কলেজ

আছে। লেহা পড়া শিখবো।

আইজ চঠাৎ এই কথা কি কও?

ডাক্তার ভাই পানি নামলে এই হানের অবস্থা খুব খারাপ হইব। আজরফের দুইডা পেট চালানোর ক্ষ্যামতা থাকতো না।

তুমি তো অনেক দূরের কথা কও রহিমা।

নাহ ডাক্তার ভাই দূরের কথা না।

নিখল সাব ডাক্তারের কাছে নিলে খিরিস্তান হওন লাগে। হেই কথাডা জানতো? জানি।

তুমি চিন্তাডা এটু বেশি করতাছ রহিমা। এই পানি থাকত না। যেমন হঠাৎ আইছে হেই রকম হঠাৎ হাইবো।

ডাক্তার ভাই এই পানি মেলা দিন থাকব।

কান্দার ঠিক মাথখানে কারা যেন একটা আঙন করেছে। দুর্বোশের সময় মানুষ প্রথমে অকারণেই একটা আঙন জ্বালাতে চেষ্টা করে। আজরফের এই আঙনের অবশিষ্ট প্রয়োজন ছিল। ভেজা গা শুকুতে হবে। তা ছাড়া বিলের দিক থেকে ঠাণ্ডা হাওয়া দিচ্ছে। আমিন ডাক্তার দেখল ফজলুল করিম সাহেব আঙনের কাছে এসে হাত মেলে দাঁড়িয়ে আছেন। তাঁর এখানে আসার কথা নয়। তাঁর ঘরের কাছেই সরকারবাড়ি।

এই যে ও ভাই আমিন ডাক্তার একি অবস্থা?

অবস্থাটা খারাপই, আপনে এতদূর আসলেন।

আমার ঘোড়ার খোঁজে আসছি। মরেই গেছে নাকি কি বিপদ দেখেন তো?

পাইছেন ঘোড়া?

কই পাব বলেনা? ছিঃ ছিঃ, মানুষ থাকে এইখানে?

নুরুদ্দীন আর অনুফা জারুল গাছের গুড়িতে চূপচাপ বসে আছে। গাছটি কান্দার ধার ঘেঁষে উঠেছে। নিচে তাকালেই পানির ঘোলা আবর্ত চোখে পড়ে। শরিফা বেশ কয়েকবার ডাকল, নুরু অত পানির ধার থাকিস না। কাছে আইসা ব।

নুরু গা করে না। ফিসফিস করে অনুফাকে কি যেন বলে। অনুফা খিলখিল করে হেসে উঠে। শরিফা ধমকে উঠে, হাসিস না। খবরদার। বিগদের মইধো হাসি। কিছুই তর মায় তরে শিখায় নাই?

জোরবেলা দেখা গেল ঘোলা পানি কান্দা হুই হুই করছে। নরহরি দাস মুখ কালো করে ঘুরে বেড়াতে লাগল।

ছাবিশ সনের বানের লাহান লাগে গো।

কৈবর্তদের চারটি নৌকা জারুল গাছের গুড়িতে শক্ত করে বাঁধা। আমিন ডাক্তার বেশ কয়েকবার বলেছে নৌকাতে করে সবাইকে সরকারবাড়িতে নিয়ে যেতে। সরকারবাড়ি অনেকখানি উঁচুতে। তাছাড়া পাকা দোতলা বাড়ি।

মেয়েছেলেরা সবাই দোতলায় থাকতে পারবে। কৈবর্তরা রাজি না। তারা দক্ষিণ কান্দাতেই থাকতে চায়।

সারা রাত ঝড় বৃষ্টি কিছুই হয়নি। সকাল বেলা দেখা গেল আকাশে ঘন কালো মেঘ। দুপুরের পর থেকে মুখলধারে বৃষ্টি শুরু হলো। নরহরি দাস চিন্তিত মুখে বার বার বলতে লাগল, গতিক খুব খারাপ। ভগবানের নাম নেন গো।

বিকালের দিকে বৃষ্টির চাপ কিছু কমতেই দেখা গেল ছোট ছোট খোন্দা নিয়ে সরকারবাড়ির কামলারা ঘুরে বাড়িগে। সরকার বাড়ির ছোট বৌ নাকি পানিতে পড়ে গেছে। সন্ধ্যা পর্যন্ত ঝোঁঝাঝুঁজি চলল। রাত প্রথম পহর পুহাবার আগেই কান্দার উপর আধ হাত পানি উঠে গেল।

পানি থাকল সব মিলিয়ে ছ'দিন। এতেই সোহাগীর সর্বনাশ হয়ে গেল।

১২

ভাত না খেয়ে বাঁচার রহস্য সোহাগীর লোকজনের জানা নেই। চৈত্র মাসের দারুণ অভাবের সময়ও এরা ফেলে ছড়িয়ে তিন বেলা ভাত খায়। এবার কার্তিক মাসেই কারো ঘরে এক দানা চাল নেই। জমি ঠিক ঠাক করার সময় এসে গেছে, বীজ-ধান দরকার। হালের গরু দরকার। সিরাজ মিয়া'র মত সঞ্জাত চাষিও তার কিনে রাখা ঢেউ টিন জলের দামে বিক্রি করে দিল।

ঘরে ঘরে অভাব। ভেজা ধান শুকিয়ে যে চাল করা হয়েছে সে চালে উৎকট গন্ধ। পেটে সহ্য হয় না। মোহনগঞ্জ থেকে আটা এসেছে। আটার রুটি কারোর মুখে রুচে না। কেউ খেতে চায় না। লগ্নির কারবারীরা চড়া সুদে টাকা ধার দিতে শুরু করল।

ঠিক এই সময় কলেরা দেখা দিল। প্রথম মারা গেল ডাক্তার ফজলুল করিম সাহেবের কম্পাউন্ডারটি। হাতের ঘেঁষা জোরান ধোক। দু'দিনের মধ্যেই শেষ। তার পরদিনই একসঙ্গে পাঁচ জন অসুখে পড়ল। আমিন ডাক্তার দিশাহারা হয়ে পড়ল। অসুখ-পত্র নেই। খাবার নেই। কি ভাবে কি হবে?

রাতে ঘর বন্ধ করে বসে থাকে সবাই। ওলাউটার সময় খুবই দুঃসময়। তখন বাইরে বেরুলে রাত বিরাট বিকট কিছু চোখে পড়তে পারে। চোখে পড়লেই সর্বনাশ। ডাক্তার ফজলুল করিম সাহেব কলেরা শুরু হওয়ার চতুর্থ দিনে কাউকে কিছু না বলে চলে গেলেন। আমিন ডাক্তারের কাছে অসুখপত্র নেই। নিমতলীর সিরাজুল ইসলামের কাছে লোক গিয়েছিল। তিনি আসলেন না। নিমতলীতেও কলেরা লেগেছে। সেখানকার অবস্থা ভয়াবহ। তবে সেখানে সরকারি সাহায্য এসেছে। সোহাগীতে এখনও কেউ আসেনি। কেউ বোধ হয় নামও জানে না সোহাগীর।

পঞ্চম দিনে রহিমার ভেদ বমি শুরু হলো। আমিন ডাক্তার ছুটে গেল সঙ্গে সঙ্গে। করবার কিছু নেই। রুগীর পাশে বসে তাকিয়ে থাকা ছাড়া আর কিইবা করা যায়?

শরিফা রহিমার মাথা কোলে নিয়ে বসে ছিল। নুরুন্নেছা অনুফার হাত ধরে বারান্দায় বসে ছিল। শরিফা ডুকরে কেঁদে উঠল, একি সর্বনাশ ডাক্তার।
আল্লাহর নাম নেন, আল্লাহ নিকারান।

রহিমার শরীর খুবই খারাপ হলো মাকরাতে। শরিফা ধরা গলায় বলল, কিছু খাইতে মন চায় ভইন?

নাহ।

ভইন আমার উপরে রাগ রাইখো না।

না আমার রাগ নাই। তোমরার সাথে আমি সুখেই আছিলাম।

শরিফা হাউ মাউ করে কাঁদতে লাগল। আমিন ডাক্তার উঠানের চুলায় পানি সিদ্ধ করছিল। শরিফা বেরিয়ে এসে বলল, এরে নিখল সাব ডাক্তারের কাছে নিলে বালা হইয়া যাইত।

সময় নাই দোস্তাইন। সময়ের অনটন।

রহিমা মারা গেল শেষরাতে। অনুফাকে দেখে মনে হলো না সে খুব বিচলিত হয়েছে। আমিন ডাক্তার বলল, অনুফা বেটি সিদ্ধ পানি দিয়া গোসল কর। সব জামা কাপড় পানির মইধ্যে সিদ্ধ করণ দরকার।

অনুফা কোনো আপত্তি করল না। আমিন ডাক্তার অনুফার মাথায় পানি ঢালতে লাগল। অনুফা ফিসফিস করে বলল, চাচাজী নিখল সাব ডাক্তার আইতাছে।

কি কস তুই বেটি।

নিখল সাব ডাক্তার এই পেরামে আসতাছে।

সেই একরাতে সোহাগীতে মারা গেল ছয় জন। গ্রাম বন্ধন দেয়ার জন্য ফকির আনতে লোক গেছে। ফকির শুধু গ্রাম বন্ধনই দিবে না ওলাউঠাকে চালান করে দিবে অন্য গ্রামে। অমাবশ্যার রাতি ছাড়া তা সম্ভব নয়। ভাগ্যক্রমে আগামীকাল অমাবস্যা।

ফকির সাব সন্ধ্যা এসে পৌঁছলেন। ডাক্তার রিচার্ড এ্যালেন নিকলসন এসে পৌঁছলেন দুপুর বেলা। খবর পেয়ে আমিন ডাক্তার চৌধুরী বাড়ির ডাক্তার ফেল্পে ছুটে এল। ভালো আছ আমিন?

নিখল সাব হাসিমুখে জিজ্ঞেস করলেন। বিশ্বয়ের চোটে আমিন ডাক্তারের মুখে কথা ফুটল না। ডাক্তার নিখল সাব চুকটে লম্বা টান দিয়ে বলল, আমরা নিমতলী গিয়েছিলাম সেখানে সরকারি সাহায্য এসেছে, কাজেই তোমাদের এখানে আসলাম। আমাদের আরেকটা টিম গেছে সুখান পুকুর। তোমাদের অবস্থা কি?

স্যার খুব খারাপ।

পানি ফুটিয়ে খাচ্ছে তো শেখজল?

নিখল সাব হাসতে লাগলেন যেন পিকনিক করতে এসেছেন।

নিখল সাব পৌঁছবার পর আর একটি মাত্র রুগী মারা গেল। কৈবর্ত পাড়ার নিম্ন গোসাই। এত অল্প সময়ে ওলাউঠাকে আয়ত্ব করার কৃতিত্বের সিংভাগ পেল ধনু ফকির। ফকির সাব ওলাউঠাকে পশ্চিম দিকে চালান করেছেন। সেই কারণেই শেষ রুগীটা হয়েছে পশ্চিমের কৈবর্ত পাড়ায়।

নিখল সাব ডাক্তার গুজব চলে গেলেন। যাবার সঙ্গে অনুফাকে সঙ্গে করে নিয়ে

গেলেন। অনুফা কোনো রকম আপত্তি করল না। নিখল সাব ডাক্তার বার বার জিজ্ঞেস করলেন, আমিন বলছে তোমার মায়ের ইচ্ছা ছিল তুমি আমার কুলে পড়, কি যেতে চাও?

অনুফা মাথা নাড়ল। সে যেতে চায়।

কাঁদবে না?

উহঁ।

নাম কি তোমার?

অনুফা।

এত আপত্তি বলছ কেন? আমাকে ভয় লাগছে?

উহঁ।

নৌকা ছাড়ার ঠিক আগে আগে আমিন ডাক্তার চৌধুরীদের পাগল ছেলেটাকে ধরে এনে হাজির করল। যদি নিখল সাব কোনো চিকিৎসা করতে পারে। নিখল সাব জিজ্ঞেস করলেন, কি নাম আপনার?

চৌধুরী জমির আলী।

কি অসুবিধা আপনার?

জ্বি না, কোনো অসুবিধা নাই।

রাত্রে ভালো ঘুম হয়?

জ্বি হয়।

অত্যন্ত শান্ত ভঙ্গি কথাবার্তা। নিখল সাব ডাক্তার নৌকা ছেড়ে দিলেন। বড় গাঙ্গের কাছাকাছি নৌকা আসতেই অনুফা বলল, নুরু ভাই খাড়াইয়া আছে ঐখানে।

নিখল সাব অবাক হয়ে দেখলেন নুরুদীন নামের শান্ত ছেলেটা সত্যি দাঁড়িয়ে আছে। অত দূর আসলো কি করে?

নৌকা ভিড়াবে? কথা বলবে?

নাহ।

যে মেয়েটি সারাক্ষণের জন্য একবার কাঁদেনি সে এইবার হুঁপিয়ে কেঁদে উঠল।

১৩

ভাতের কষ্ট বড় কষ্ট।

নুরুদীনের পেটে সরসর ভাতের মিষ্টি লেগে থাকে। শরিকা রেঞ্জই হবে, আজরফ টেকা-পয়সা নইয়া আসুক, দুই বেলা ভাত রানমু।

কোনো দিন আইব?

কবে যে আসবে তা শরিকাগু ভাবে। কোনোই খোজ নেই। নুরুদীন গয়নার

নৌকায় রোজ দু বেলা খোঁজ করে। মাঝে মাঝে চলে যায় লাশ চাচির বাড়ি।

দুপুরে কি রানছ চাচি? ভাত?

না রে। জাউ। খাবি জাউ। সেই এক বাটি?

নাহ।

নুরুদীন খানিকক্ষণ চুপ করে থেকে বলে, রাইতে ভাত হইবনি চাচি?

দূর, ভাত আছে দেশটার মইধো?

ভাত খাওয়ানোর ইচ্ছা হয় চাচি।

লালচাচি ছোট্ট নিশ্বাস ফেলে বলে, চাইরডা চাউল ঘরে আছে। দিমু ফুটাইয়া?

অইচ্ছা দেও।

লালচাচি নুরুদীনের কোলে বাচ্চা দিয়ে অল্প কিছু চাল বসায়।

বাচ্চাটা অসম্ভব রুগু। ট্যা ট্যা করে কাঁদে। কিছুতেই তার কান্না সামলান যায় না।

লালচাচি শান্ত স্বরে বলে, ভাতের কষ্ট বড় কষ্টেরে নুরা।

হ।

নতুন ধান উঠলে এই কষ্ট মনে থাকত না।

নুরুদীন খেতে বসে হানিমুখে বলে, অনুফা তিন বেলা ভাত খায়। ঠিক না চাচি?

ইঁ।

ফলাইয়া ছড়াইয়া খায়। ঠিক না চাচি?

ইঁ। নিখল সাবের তো আর পয়সার অভাব নাই।

বিকালের দিকে নুরুদীন তার মাছ মারার সাজ সরঞ্জাম নিয়ে বের হয়। বাড়ির পেছনের মজা খালটাতে গোটা দশেক লার বর্শি পাতা আছে। বর্শিগুলির মাথায় জ্যাগু লাটি মাছ। লাটি মাছের প্রাণ বড় শক্ত প্রাণ, এই অবস্থাতেও সে দশ বার বর্শি বেঁচে থাকে। নুরুদীনের কাজ হচ্ছে লাটি মাছগুলি মরে গেল কি না তাই দেখা। মরে গেলে পেতলি বদলে পিাত হয়। মাছ বিপুল ধর পাড়ে না। জঙ্গল ভিটা এই পরিণাম করলে রোজ দু'তিনটা মাছ ধরা পড়ত। নুরুদীনের বড় ইচ্ছা করে জঙ্গলা ভিটায় যেতে-সাহসে কুলায় না। একটা ফর্সা হাতের ছবি চোখে ভাসে। হাত ভর্তি পাচু লাল রঙের চুড়ি। এত লাল চুড়ি হয় নাকি?

আমিন ডাক্তারের কুলে যাওয়াও নুরুদীন বন্ধ করে দিয়েছে। সারা সকাল বসে বসে 'স্বরে অ স্বরে আ' করে চেঁচাতে খুব খারাপ লাগে। এর চেয়ে সরকারবাড়ির জল মহালের কাছে ঘুরাঘুরি করলে কত কি দেখা যায়। জল মহাল এই বৎসর মাছে ভর্তি। পর পর তিন বৎসর 'পাইল' করা হয়েছে। সাধারণত পানি বেশি হলে মাছ কমে যায়। এই বৎসর হয়েছে উল্টো। নরহরি দাশ বলেছে এত মাছ সে কোনো জল মহালে দেখেনি। নুরুদীন পান্না সকাল জল মহালের পাশে বসে থাকে। সরকাররা মাছ ধরার খুব বড় আয়োজন করছেন এই বৎসর। তাদের ছোট জামাই আসবেন বলে শুনা যাচ্ছে। ছোট জামাই গান বাজনায়ে খুব উৎসাহী। জামাই আসলে নিশ্চয়ই কান্না নিবারণকে আনা হবে। দু'বছর আগে তিনি যাত্রা গান আনিয়েছিলেন, বৈকুন্ঠের দল। পালার নাম মীনা কুমারী। তিন এত যাত্রা হয়েছিল। সেই তিন রাত সোহাগীর কাব্যের চোখে ঘুম ছিল না। ছোট জামাই

আমার খবর হলে সোহাগীতে একটা চাপা উত্তেজনা বিরাজ করে। এইবার তেমন হচ্ছে না। পেটে ক্ষুধা নিয়ে গান বাজনার কথা ভাবতে ভালো লাগে না।

আজরফ ফিরল আশ্বিন মাসে। শরিফার ধারণা আজরফ খালি হাতে আসেনি। বেশ কিছু টাকা পয়সা নিয়ে এসেছে। তার ধান বিক্রির টাকা আমিন ডাক্তারের কাছে। শরিফা চেয়ে চিত্তে কিছু এনেছে। সেই টাকার প্রায় সবটাই রয়েছে, খরচ হয়নি। শরিফা ভেবেছিল আজরফ আসা মাত্র ধান-টান কিনবে। খাওয়ার কষ্ট দূর হবে। আজরফ সে রকম কিছুই করছে না। অন্য সবার মতো ঘুরাঘুরি করছে জল মহালে কাজ করবার জন্যে। একদিন শরিফা বলেই ফেলল, টাকা পয়সা কিছু আনছস?

হঁ।

কত টেহা?

আছে কিছু।

ধান-টান কিছু কিনন দরকার। নুরা ভাত খাইতে পারে না।

এই কয় দিন যখন গেছে বাকি দিনও যাইব।

জমা টেহা দিয়া তুই করবি কি?

জমি কিনবাম। অভাবের লাগিন হস্তায় জমি বিক্রি হইতাহে।

আজরফ সারাম্পণ গম্বীর হয়ে থাকে। তাকে ভরসা করে বিশেষ কিছু জিন্দাসাও করা যায় না। কখন কি করবে বাড়িতে কিছুই বলে না। আমিন ডাক্তার একদিন এসে বলল, 'আজরফ নৌকাতা তো খুব বালা কিনছে দোস্তাইন।'

শরিফা আকাশ থেকে পড়েছে। নৌকা কেনার কথা সে কিছুই জানে না।

আজরফ তুইনি নাও কিনছস?

হঁ।

কই কিছু তো কস নাই।

কওনের কি আছে?

সরকারবাড়িতে আজরফ রোজ দু'বেলা করে যাচ্ছে যেন জল মহালের কাজের উপর তার বাঁচা-মরা নির্ভর করছে। সরকারদের অনেক লোক দরকার। মাছ মোহনগঞ্জ নিয়ে পৌঁছান, নীলগঞ্জ নিয়ে যাওয়া, মাছ কাটা, মাছ ওকানো কাজের কি অন্ত আছে? কিন্তু কাজ পাওয়াটাই হচ্ছে সংস্যা। নিজাম সরকার সোহাগীর লোকদের কাজ না দিয়ে অন্য গ্রামের লোকদের কাজ দিচ্ছেন। এর পেছনে তঁর একটি নিজস্ব সুত্র আছে। অন্য গ্রামের লোকদের কাজের সময় একটা কড়া কথা বললে কিছু আসে যায় না। কিন্তু নিজ গ্রামের লোকদের বেলা তা করা যাবে না। এদের সঙ্গে নিত্যদিন দেখা হবে। এরা যদি মনের মধ্যে কিছু পুষে রাখে সেটা খারাপ।

নিজাম সরকার অবশ্যি আজরফকে কাজ দিলেন। মাহের নৌকা নিয়ে নীলগঞ্জ যাওয়া।

রাইতে রওনা হইবা সকালে ট্রেইনের অংগে নিয়া পৌঁছাইবা। পারবা তো?

পারবাম।

তোমায়ে সেইখ্যা অবশ্যি মনে হয় পারবা। তোমার বাপের বদ বভাব তোমার মইধো নাই। তোমার বাপ আছে কই অখন?

ঢাকা জিলায়। নরসিংদী।

বুঝলা আজরফ, গরুর যে ও তারও একটা তণ আছে। তোমার বাপের হেইডাও নাই।

আজরফের সঙ্গে আমিন ডাক্তারেরও চাকরি হয়। হিসাব পত্র রাখা। হিসাব রাখার জন্যে মোহনগঞ্জ থেকেও একজনকে আনা হয়েছে। সেই লোক অতিরিক্ত চালাক। আমিন ডাক্তারকে চাকরি দেয়ার সেটাও একটি কারণ। আমিন ডাক্তার এখন আর ডাক্তারি করে না। যদিও রুগী এখন প্রচুর। কিন্তু টাকা-পয়সা কেউ দিতে পারে না। অমুখ পর্যন্ত বাকিতে কিনতে হয়। আমিন ডাক্তারের অমুখের বাস্তব খালি। অমুখ কিনে জমিয়ে রাখবে সেই পয়সা কোথায়?

আমিন ডাক্তার এখনো খেতে যায় চৌধুরীবাড়ি। চৌধুরীবাড়ির খাওয়া আর আগের মতো নাই। সকাল বেলা রুটি হয়। রাতের বেলাতেই শুধু ভাত। বৌটি কুণ্ঠিত হয়ে থাকে,

বড় শরম লাগে এই সব খাওয়াইতে।

না মা না শরমের কিছু নাই।

এরার অবস্থা আর আগের মতো নাই। জমি বিক্রি করতাহে।

কও কি মা? খাস জমি?

লেখু বাগানটা বেচতাহে কিছু খাস জমিও যাইব।

কিনে কে সরকাররা?

জি না। মতি মিয়্যার ছেলে আজরফ, সেই রকম গুনতাই।

বড়ই অবাক হয় আমিন ডাক্তার। সেই রাতেই মতি মিয়্যার বাড়ি উপস্থিত হয়।

আজরফ জমি কিনতাহস হনলাম।

জি চাচা।

কস কি রে বেটা।

সবটি টাকা একসাথে দিতাম পারতাম না। দুই ষারে দিয়াম।

কত টেহা আছে তর, হেই আজরফ?

আজরফ যেন শরিফা গুনতে না পায় সে ভাবে নিচু স্বরে টাকার অংকটা বলে।

আমিন ডাক্তারের মুখ হা হয়ে যায়।

১৪

দীর্ঘ দিন মতি মিয়্যার কোনো খোঁজ নাই।

শরিফার কান্নাকাটিতে আমিন ডাক্তার নরসিংদীর যাত্রা পার্টির অধিকারীকে একটি

চিঠি দিয়েছে। দশ দিনের মধ্যে তার উত্তর এসে হাজির। কি সর্বনাশ। মতি মিয়া নাকি তিনশ টাকা চুরি করে পালিয়ে গেছে। আমিন ডাক্তার চিঠির কথা চেপে গেল। শরিফার সঙ্গে দেখা হলেই মুখ কালো করে বলে—চিঠির উত্তর তো অখনো আইল না। বুঝলাম না বিষয়টা।

শম্মুগঞ্জের চিঠি লেখা হয়। সেখান থেকেও উত্তর আসে না। কাজ কর্মে উজান দেশে যারা গিয়েছিল সবাই ফিরে এসেছে। মতি মিয়ার কথা কেউ কিছু বলতে পারে না। শরিফা খুব চিন্তিত। আজকে বাজে স্বপ্ন দেখে। রাতে ভালো ঘুম হয় না। সংসারের কাজ কর্মেও মন বসে না। তবুও যন্ত্রের মতো সব কাজ করতে হয়। আজরফ ভর দিয়ে চলার জন্যে লাঠি বানিয়ে দিয়েছে। সেইটি বগলের নিচে দিয়ে সে ভালোই চলাফেরা করতে পারে। রহিমা মারা যাওয়ায় এখন সে কিছুটা নিঃসঙ্গ অনুভব করে। রাগারাগির জন্যেও হাতের কাছে একজন কেউ দরকার। আজরফ এমন ছেলে যাকে দশটা কথা বললে একটার উত্তর দেয়। তার বেশির ভাগ উত্তরই 'হ্যাঁ হ্যাঁ' জাতীয়। আর নুরুদ্দীনের তো দেখাই পাওয়া যায় না। রাতের বেলাও সে মায়ের সঙ্গে ঘুমুতে আসে না। একা একা বাংলা ঘরে শোয়। এইটুকু ছেলের একা একা শোয়ার দরকারটা কি? কিন্তু শরিফার কথা কে শুনবে?

নীলগঞ্জে শনিবার হাট বসে। সেই হাটে মতি মিয়ার সঙ্গে নইম মাকির হঠাৎ দেখা। নইম মাঝি বেশ কিছুক্ষণ চিনতেই পারেনি। হাত পা ফোলা ফোলা। মাথার সেই কোঁকড়ানো বাবড়ি চুল নেই। মুখ ভর্তি দাড়ি। খালি গায়ে একটা চায়ের স্টলের সামনে চূপচাপ বসে আছে।

কেউ মতি ভাই না?

মতি মিয়া মুখ ঘুরিয়ে নির্লিপ্ত স্বরে বলল, নইম বাল। আজ্ঞে
ও মতি ভাই তুমি এইখানে করডা কি?

চা খাইলাম। বালা চা বানায়।

শইলডা খারাপ নাকি মতি ভাই? তুমি না শম্মুগঞ্জে আছিলি?

যাত্রার চাকরিডা নাই।

কর কি তুমি এখন?

করি না কিছু। গান বান্দি।

বাড়ি তু বাই এ না? লও আমার সাথে, নাও লইয়া আইছি।
না।

ওখন যাইতানা তো কোনো সময় যাইবা?

ওখন এট্টু অসুবিধা আছে।

কি অসুবিধা, বাড়িতে বেহেই চিন্তা করতাহে।

মতি মিয়া খানিকক্ষণ চূপচাপ থেকে থেমে থেমে বলল, একটা সাদি করছি নইম।

নইম মাঝির মুখে কথা সরে না। বল কি মতি মিয়া! কবে করলা?

মাস দুই হইল।

তাছব্ব করলা তুমি মতি ভাই।

মতি মিয়া ইতস্তত করে বলল, কেউরে হুনাইও না। তোমার আল্লাহর দোহাই।

নইম মাঝি কাউকে বলল না শুধু আজরফকে বলল।

পাঁচ কান করিস না আজরফ, নিজে গিয়া দেখ আগে। তার মারে হুনাইস না। মাইয়া মানুষ বেহুদা চিল্লাইব।

আজরফের কোনো ভাবান্তর হয় না। যথানিয়মে কাজকর্ম করে। তারপর একদিন বাঁশ আর চাটাই দিয়ে রহিমার ঘর ঠিক ঠাক করতে থাকে। শরিফার কাছে সমস্ত ব্যাপারটি খুব রহস্যময় মনে হয়। হঠাৎ কাজ কর্ম ফেলে ঘরদুয়ার ঠিক করার দরকারটা কি? নুরুদ্দীনকে ডেকে জিজ্ঞেস করে, ঘর ঠিক ঠাক করে যে বিষয়টা কি?

আমি কি জানি?

তুই গিয়া জিগা।

তুমি জিগাও গিয়া আমার ঠেকা নাই।

শরিফার নিশ্চিত ধারণা হয় আজরফ সম্ভবত বিয়ে করতে চায়। বিয়ে করতে চাওয়াটা দোষের কিছু না, কিন্তু সব কিছুই তো একটা সময় অসময় আছে। চাইলেই তো আর বিয়ে দিয়ে দেয়া যায় না? দেশ জুড়ে আকাল। ঘরের মানুষটার কোনো খোঁজ নাই। টাকা পয়সা অবশি আছে। ভালোই আছে। ধান বেচা টাকা, উজান দেশ থেকে নিয়ে আসা টাকা। এদিকে সরকাররাও নিশ্চয়ই ভালো দিচ্ছে। পরুর মতো যে রাটে তাকে দিবে না? কিন্তু টাকা থাকলেই বিয়ে করতে হবে?

শরিফা বড়ই চিন্তিত বোধ করে। পরামর্শ করার লোক নেই। রহিমা থাকলে এই ঝামেলা হত না। একদিন নইম মাঝির বৌ এসে বলল, আজরফের দেহি চৌধুরীবাড়ির কোণায় কোণায় ঘুরে। এট্টু বিয়াল রাইখো।

কথা সত্যি হলে খুবই ভয়ের কথা। চৌধুরীবাড়ির কোনো মেয়েকে মনে ধরলেও তা মুখ ফুটে বলা উচিত না। শরিফা কায়দা করে জানতে চায় ব্যাপারটা। আজরফকে জাত বেড়ে দিয়ে হঠাৎ বলে বসে, 'চৌধুরীবাড়ির মাইয়ার লাখান মাইয়া পাইলে বট করতাম।'

আজরফ নিরন্তর।

হলদীর লাখান শইলের রঙ।

আজরফকে দেখে মনে হয় না সে কিছু শুনছে।

চৌধুরী বাড়ির ছোড মাইয়াভারে দেখছসনি আজরফ?

নাহ।

শরিফার ঠিক বিশ্বাস হয় না। বড়ই অস্বস্তি বোধ হয় তার। তারপর একদিন যখন আজরফ হঠাৎ ঘোষণা করে আগামীকাল ভোরে সে নুরুদ্দীনকে নিয়ে নীলগঞ্জে যাবে তার

বাবাকে আনতে তখন সন্দেহ ঘনীভূত হয়। হঠাৎ বাপের খোঁজ বের করে আশবার জন্যে যাওয়া কেন? আর নুরুদ্দীনের জন্যেই বা নতুন গেঞ্জি কেনা হলো কেন?

নতুন গেঞ্জির দরকারটা কি ছিল?

মতি মিয়ার বোটির নাম পরী।

মেয়েটির বয়স খুবই কম এবং বড়ই রোগা। কথা বলে উজান দেশের মানুষদের মতো টেনে টেনে। নুরুদ্দীন খুব অবাক হলো। সে ভাবতেও পারেনি এ রকম আশ্চর্য একটি ব্যাপার তার জন্যে অপেক্ষা করছে। পরী নুরুদ্দীনের হাত ধরে তাকে পাশে বসাল এবং টেনে টেনে বলল, ছোট মিয়ার গালে একটা লাল তিল, দেখছনি কাও।

পালের লাল তিল যে একটি চোখে পড়ার জিনিস নুরুদ্দীন তা স্বপ্নেও ভাবেনি। তার লজ্জা করতে লাগল।

চা খাইবা ছোট মিয়া? চা বানাই? নতুন খেজুর গুড়ের চা।

নুরুদ্দীনের মতো বাচ্চা ছেলেকে চা খাওয়ার জন্যে কেউ স্যাদ্যসাধি করে? তার বিশ্বয়ের সীমা রইল না। সে লজ্জিত মুখে চোখ ঘুরিয়ে ঘর বাড়ি দেখতে লাগল। দেবার মতো কিছু নেই। ছোট্ট এক চিলতে ঘর এক প্রান্তে দড়ির একটি খাটিয়ায় কাঁথা বাগিশ। ঘরের অন্য প্রান্তে একটি হারমোনিয়ামের উপর এক জোড়া সুংঘুর। চা বানাতে বানাতে পরী বলল, নাচনিওয়ালী ছিলাম বুঝছনি ছোট মিয়া। হইলাম ঘরওয়ালী।

মতি মিয়া ধমক দিল, আহ কি কণ্ড

ক্যান তোমার শরম লগল?

পয়সা বন্ধার দরকারটা কি?

পরী খিলখিল করে হাসতে লাগল।

ফেরবার পথে মতি মিয়া গঞ্জির হয়ে রইল। তাকে বড়ই চিন্তিত মনে হলো। কিন্তু পরীর ভাব ভঙ্গী খুব স্বাভাবিক। নৌকার অন্য প্রান্তে নুরুদ্দীনের সঙ্গে সে ক্রমাগত কথা বলে যাচ্ছে, ঐটা কোন গ্রাম? ঘাসপোতা? ঘাসপোতা আবার কেমন নাম?

ভাটি অঞ্চলে পানি কোন সময় হয়?

তোমারার জঙ্গলা বাড়ির ভিটাতে তুমি নাকি একটা পেরততুনী দেখছিল? হাতে লাল ছুঁড়ি কথ ডা সতা?

চৌধুরীবাড়ির একটা পুলার নাকি মাথা ঝাড়া?

কে ধনী বেশি? চৌধুরীরা না সরকাররা?

মতি মিয়া ভেমন কোনো কথা-বার্তা বলল না। বড় গাস থেকে ছোট গাসে নৌকা চুকবার সময় শুধু বলল, জমির কাজকাম শুরু করন দরকার।

আজরফ বলল, আপনি আর যাইতেন না শব্দগুজ?

দূর গানবাজনা ছাড়ান দিছি। পোষায় না।

আজরফ কিছু বলল না। মতি মিয়া নিজের মনেই বলল, ঘর সংসার দেখন দরকার। গান বাজনার কি পেট ভরে? ভাত কাপড়টা আগে, বুঝছন?

নৌকা সোহাগীর কাছাকাছি আসতেই মতি মিয়া উসখুস করতে লাগল। 'আমরা যে আসতাই তর মায় জানে।'

নাহ।

কিছুই কস নাই?

নাহ।

মাবুদে এলাহী, বড় চিন্তার কথা আজরফ। কামড়া ঠিক হইল না। আমি ভাবছি তর মা বোধ হয় নেওনের লাগি পাঠাইছে।

মতি মিয়া গঞ্জির হয়ে তামাক টানতে লাগল। নৌকা ঘাটে আসা মাত্র আজরফকে বলল- আমিন ডাক্তারের সাথে একটা জরুরি কথা আছিল। কথাটা সাইরা আইতাই, তরা বাড়িত যা। আজরফ কিছু বলার আগেই মতি মিয়া সরকারবাড়ির আমবাগানে অদৃশ্য হয়ে গেল।

শরিফার শুভিত ভাব কেটে যেতেই সে চোঁচাতে শুরু করল। সন্ধ্যাবেলাটা কাজ কর্মের সময়, তবু তার চিন্তাকারে ভিড় জমে গেল। এমন ব্যাপার সোহাগীতে বহু দিন হয়নি। মতি মিয়া কোথেকে এক মেয়ে নিয়ে হাজির হয়েছে। সেই মাগীর লজ্জা-শরম কিছু নেই, ড্যাব ড্যাব করে তাকাচ্ছে।

কিন্তু বাকে নিয়ে এত কাণ্ড সে নির্বিকার। যেন কিছুই হয়নি। শরিফার চিন্তাকার সম্পূর্ণ উপেক্ষা করে সে ভর সন্ধ্যায় ঘাটে গা ধুতে গেল। হারিকেন হাতে তার পিছু পিছু গেল নুরুদ্দীন। গানের পানিতে গলা পর্যন্ত ডুবিয়ে বলল, আমরা নে দেখলে চিত্তাণিটা কিছু কমব, কি কণ্ড নুরুদ্দীন?

চিন্তাকার অবশ্য কমল না। পরী ফিরে এসে দেখে শরিফা নিজের মাথার চুল ছিঁড়ছে। নইম মাঝির বউ তাকে সামলাবার চেষ্টা করছে। পরী বলল, এখন চিত্তাণিয়া তো কোনো লাভ নাই। চিত্তাণিলে কি হইব কন আপনে? আমি এই খানেই থাকবাম। আমার যাওনের জায়গা নাই।

শরিফা পর পর দুদিন না বেয়ে থাকল। খুন খুন করে কাঁদল পাঁচদিন। তারপর ঝরে পড়ে গেল। এই সময় পরী সম্পর্কে তার ধারণা হলো মেয়েটি স্বায়াপ না। মতি মিয়ার মতো একটা অপদার্থের হাতে কেন পড়ল কে জানে।

নুরুদ্দীনকে এখন আর লালচাচির কাছে ভাত খেতে যেতে হয় না। পরী শুধুমাত্র নুরুদ্দীনের জন্যেই ভাতের ব্যবস্থা করেছে। অবশ্য লালচাচি কিছুদিন হলো বাচ্চা রেখে চলে গিয়েছে বাপের বাড়ি। সিরাজ মিয়া আরেকটি বিয়ে করেছে। এই বোটি বোকাসোকা। বড় আদর করে লালচাচির ছেলেকে। ছেলেটি তবুও রাতদিন ট্যা ট্যা করে। এই বোটি নুরুদ্দীনকে খুব আদর করে। নুরুদ্দীনকে দেখলেই বলে, 'লাডু খাইবা? তিলের লাডু আছে।'

নুরুদ্দীন না বললেও সে এনে দিবে। কাজ কর্মে সে লালাচাচির চেয়েও আনাড়ি।
এই বৌটিকেও নুরুদ্দীনের খুব ভালো লাগে।

১৫

সরকার বাড়ির জল মহালে মাছ মারবার জন্য একদিন সকালে এক দল কৈবর্ত এসে
হাজির। সর্বমোট সাতটি নৌকার বিরাট একটি বহর। স্থানীয় কৈবর্তরা ধারণাও করতে
পারেনি বাইরের জেলেদের মাছ মারার ব্যবস্থা দেয়া হয়েছে। খবর পেয়ে স্থানীয়
কৈবর্তদের প্রধান নরহরি দাস ছুটে এলো। নিজাম সরকার গম্বীর হয়ে বললেন, তোমরার
কাছে মাছ ধরার বড় জালই নাই। তোমরা মহালের মাছ ধরবা কি দিয়া?

এইডা কি কথা কইলেন সরকার সাব। মাছ ধরাই আমারর কাম আর জাল থাকত
না? আসল কথাডা কি চৌধুরী সাব?

আসল কথা নকল কথা কিছু নাই নরহরি। নিজ গেরামের লোক দিয়া আমি কাম
করাইতাম না।

আমরা দোষটা কি করলাম। সারা বছর জল মহালের দেখ-শোন করলাম। এখন
পুলাপান লইয়া কই যাই?

নরহরি দাস হাউ মাউ করে কাঁদতে লাগল।

বিদেশী কৈবর্ত দলটি রাতারাতি জল মহালের পার্শ্বে ঘর-বাড়ি তুলে ফেলল। গাবের
কবে জাল ভিজিয়ে প্রকাণ্ড সব জাল রোদে শুকতে লাগল। ওদের মেয়েরা উদ্যোগ গায়ে
শিতদের দুখ খাওয়াতে খাওয়াতে এমন ভাবে হাঁটা চলা করতে লাগল যেন এই জায়গায়
তারা দীর্ঘ দিন ধরে আছে। রাতারাতি নতুন বসতি তৈরি হলো। হাস মুরগি চরছে। গরু
দোয়ান হচ্ছে। সন্ধ্যার পর খাশা জরপায় আঙুল ফুলিয়ে গান বাজনার আয়োজনও
হলো। তোল বাজতে লাগল মধ্যরাত পর্যন্ত।

নরহরি দাস তাদের সঙ্গে আলাপ করে সুবিধা করতে পারল না। সরকারবাড়ির সঙ্গে
নরহরির কি কথা হয়েছিল তা তারা জানতে চায় না। তাদের চান্দ মাসের কড়ায়ে আনা
হয়েছে। মাছের গ্রিশ ভাগ নিয়ে মাছ ধরে দিবে এইটিই একমাত্র কথা। নরহরির যদি কিছু
বলবার থাকে তাহলে তা সরকারবাড়ির সঙ্গেই হওয়া দরকার, তাদের সঙ্গে নয়।

মঙ্গলবার সকাল বেলা কৈবর্তদের কুমারী মেয়েরা এলাচুলে জল মহালে নেমে পূজা
দিল। পূজার ফলস্বরূপ অসম্ভব মাছ ধরা পড়বে। মাছ মারার কোনো রকম বিপ্লব উপস্থিত
হবে না। প্রথম যে মাছটি ধরা পড়ল সেটি একটি দৈত্যাকৃতি কাতল। ডালায় সিঁদুর,
ফুল এবং কাতলটি সাজিয়ে পাঠান হলো সরকার বাড়ি। ঘন ঘন উলু পড়তে লাগল নতুন
কৈবর্ত পাড়ায়।

মাছ মারা শুরু হয়েছে পুরাদমে। মাছ-খোলার পাশে একটি চালা ঘর তোলা
হয়েছে। আমিন ডাক্তার সেখানে খাতা পেন্সিল নিয়ে সারা দিন বসে থাকে। কৈবর্তরা
চিৎকার করে হিসাব মিলায়।

এক কুড়ি-এক

দুই কুড়ি-দুই

তিন কুড়ি-তিন

রাখ তিন। রাখ তিন। রাখ তিন।

চার কুড়ি-চার

পাঁচ কুড়ি-পাঁচ

ছয় কুড়ি-ছয়

রাখ ছয়। রাখ ছয়। রাখ ছয়।

আমিন ডাক্তারের ব্যস্ততার সীমা নেই। কত মাছ ধরা পড়ল, কত গেল, আর কত
মাছ পাঠান হলো খোলায়-সহজ হিসাব নয়। নাওয়া খাওয়ার সময় পর্যন্ত নেই।

খাওয়া-দাওয়ার ব্যবস্থা চৌধুরীবাড়ির মতো নয়। খাবার দেয়া হয় বাংলা ঘরে।
একটি কামলা এসে ভাত দিয়ে যায়। মোটা চালের ভাত আর খেসাড়ির ডাল। মেয়েরা
কেউ পর্দার ফাঁক দিয়ে লক্ষ্য করে না। এই ব্যবস্থা আমিন ডাক্তারের ভালো লাগে।
মেয়েরা কেউ পর্দার ফাঁক দিয়ে লক্ষ্য রাখছে জানলে তৃপ্তি করে খাওয়া যায় না। এখানে
সে ঝামেলা নেই। নিশ্চিত মনে খাওয়া যায়। তবুও প্রতিবারেই খেতে বসার সময়
চৌধুরীবাড়ির কথা মনে পড়ে।

শেষ দিন যখন খেতে গেল তখন খুব ভালো খাওয়া-দাওয়ার আয়োজন। মাঝখানে
চৌধুরীসাহেব এসে খোঁজ নিয়ে গেলেন।

শেষ কয়টা দিন তোমার কষ্ট হইল ডাক্তার, সময়টা আমার খারাপ পড়ছে, কি আর
করবা ক-ও

না না চৌধুরী সাব কি কন আপনি?

কোনোদিন চিন্তাও করছি না আমার বাড়ির অতিথ চাইর পদের নিচে খানা বাইব।
চৌধুরী সাহেব কিছুক্ষণ থেকেই চলে গেলেন। খাওয়া দাওয়ার শেষে বৌটি
যথারীতি মিষ্টি গলায় বলল, পেট ভরছে ডাক্তার চাচা?

আমিন ডাক্তারের চোখে পানি এসে গেল। সে ধরা গলায় বলল, খুব খাইছি মা।
বসেন, পানি আনতে গেছে।

আমিন ডাক্তার শেষে থেমে বলল, অনেক ভ্রমলোক দেখছি মা এই জীবনে, কিন্তু
চৌধুরীর মতো ভ্রমলোক দেখলাম না।

বৌটি অনেকক্ষণ কোনো কথা বলল না। আমিন ডাক্তার যখন চলে যাবার জন্য
উঠে দাঁড়িয়েছে, তখন শান্ত গলায় বলল, ডাক্তার চাচা, আমার বিয়ার সময় এরা কিন্তু
কয় নাই ছেলেটা পাগল। ছয় বৎসর বিয়া হইছে কিন্তু আমারে বাপের বাড়িত যাইতে
দেয় না। আমার বাপ-চাচা গরিব মানুষ। তারা কি করব কন?

আমিন ডাক্তার শুরু হয়ে বসে রইল। বৌটি মনে হলো কাঁদছে।

আমিন ডাক্তার খেমে খেমে বলল, মা আমি খাস্ মনে দোয়া করতাইছি, ছেলেটা বাংলা হইয়া যাইব। মাথার দোষ থাকত না। তুমি দেখবা, নিজেই দেখবা।

ঘর থেকে বেরুবার পর পরই পাগল চোঁচাতে লাগল, এই শালা আমিন চোরা তরে আইজ খুন কইরা ফাঁসি যাইয়াম। শালা তর একদিন কি আমার একদিন।

আমিন ডাক্তার জলমহালে ফিরে এসে দেখে তার ঘরে আজরফ বসে আছে।

কিরে আজরফ কোনো খবর আছে?

জি না চাচা। বাজান আবার গেছে গিয়া।

কস কি? কই গেছে?

জানি না।

আজরফ চলে যাবার জন্যে ওঠে দাঁড়াতেই আমিন ডাক্তার দেখল আজরফের চোখ ভেজা।

বিষয় কি আজরফ কি হইছে?

জমি কিনার লাগিন যে টেকা-পয়সা আছিল বাজান সব লইয়া গেছে। পাতিলের মইধ্যে আছিল।

কাদিস না আজরফ। বেড়া মাইনষের কান্দন ঠিক না, চউখ মোহ।

আজরফ সার্টির হাতায় চোখ মুছল।

১৬

নুরুদ্দীনের লার বর্শিতে প্রকাণ্ড একটি কই মাছ ধরা পড়েছে। লার বর্শিগুলিতে বোয়াল মাছ ছাড়া অন্য কিছু ধরা পড়ে না। এই কই মাছটার মগল দশা হয়েছিল। খালের পাশে প্রচণ্ড লুপাধারি শুনে পরী এগিয়ে গেলে এই বর্শি। তখনই মিলে মাছ টেনে তুলতে পারে না। লার বর্শির টুইন সুতা ছিড়ে যাচ্ছে না কেন সেও এক রহস্য। হৈচৈ তনে শরিফা বেরিয়ে আসল। চোখ রুপালে তুলে বলল, মাছ কই পাইছস, এই নুরা?

নুরুদ্দীন হাঁপাচ্ছে, কথা বলার শক্তি নেই।

এই ছেরা, মাছ কই পাইছস?

বরশি দিয়া ধরলাম।

এই মাছ তুই বরশি দিয়া ধরছস? কি কস তুই?

নুরুদ্দীন: জ্ঞাব নিল না।

পরী হাসি মুখে বলল, আইজ খুব বাংলা খানা করবাম। আজরফের কইয়াম চাইরজা পুলাউয়ের চাইল আনত। কি কস নুরা?

নুরুদ্দীন সব রুয়টি দাঁত বের করে হাসে। শরিফা গলা উচিয়ে ডাকে, আজরফ ও আজরফ উইঠা আয়।

আজরফ সারা রাত নৌকা চালিয়ে মাছ নিয়ে যায় নীলগঞ্জ। দিনের বেলা পড়ে পড়ে ঘুমায়। ডাকাডাকি শুনে সে বাইরে এসে অবাক— অত বড় মাছ কই পাইছস নুরা?

লার বরশি দিয়া ধরছি।

কস কি নুরুদ্দীন!

পরী হাসতে হাসতে বলল— মাছটার রুপালে মিত্রা লিখা ছিল বুঝছ আজরফ? ওখন যাও কিছু বাংলা-মন্দ রান্ননের জোগাড় কর। চাইরজা পোলাওয়ের চাইল আনতা পারবা? আজরফ গম্বীর মুখে বলল, মাছটা নীলগঞ্জে লইয়া যাইয়াম। পনরো টেহা দাম হইবে মাছটার।

নুরুদ্দীন ঘাড় বেকিয়ে বলল, এই মাছ আমি বেচতাম না ভাইসাব?

আমরা অত বড় মাছ দিয়া কি করবাম? বেকুবের মতো কথা কস। ঘরে একটা পয়সা নাই।

কানকোয় দড়ি বেঁধে আজরফ মাছ গানের পানিতে ছেড়ে রাখল। নৌকা ছাড়বে আছরের ওয়াক্তে। যতক্ষণ পারা যায় মাছ জইয়ে রাখা। নুরুদ্দীন কোনো কথা বলল না। আজরফ আবার যখন কাঁথা গায়ে দিয়ে ঘুমাবার আয়োজন করছে তখন নুরুদ্দীন চাপা স্বরে বলল, ভাইসাব মাছ আমি বেচতাম না।

আজরফ বহু কটে রাগ সামলে বলল, এক চড় দিয়া দাঁত ফলাইয়া দিয়াম। এক কথা একশবার কস।

আজরফ আছরের আপে মাছ আনতে গিয়ে দেখে খুঁটিতে বোধ মাছ নেই। নুরুদ্দীনেরও কোনো খোজ পাওয়া যায় না। ব্যাপারটিতে পরীর হাত আছে বুঝাই যাচ্ছে। আজরফ লক্ষ্য করল, পরী মুখ টিপে হাসছে। আজরফ নীলগঞ্জে যাবার জন্যে যখন তৈরি হচ্ছে তখন পরী বলল, কয়েকটা টেকা রাইখা যাও আজরফ, পুলাপান মাইনষের সব।

আজরফ কথার উত্তর না দিয়ে বের হয়ে গেল। কিন্তু দেখা গেল বালিশের উপর পাঁচ টাকার একটি নোট।

আমিন ডাক্তার দীর্ঘদিন পর আজ ডাক্তারি করে আসল। রুপী নয় কৈবর্ত পাড়ায়। উথান শক্তি নেই এক বুড়ি। দু'দিন ঘনে প্রবল জ্বর। খাওয়া দাওয়া বন্ধ! আমিন ডাক্তার গিয়ে দেখে বুড়ির যন্ত্রের সীমা নেই। গোটা কৈবর্ত পাড়াই বুড়িকে ঘিরে আছে। একজন পানের পাক্তর প্রাণপণে তেল মালিশ করছে অন্য একজন তলে পাখা নিয়ে প্রবল বেগে ধাওয়া করছে। আমিন ডাক্তার প্রচণ্ড ধমক দিল পাখাওয়ালা ছেলেটিকে।

নিউমোনিয়া বানাইতে চাস নাকি অ্যা?

আমিন ডাক্তার তার ব্যাগ খুলে লাল রঙের দু'টি বড়ি পানিতে গুলে খাইয়ে দিল। যথুধের গুণেই হোক বা অন্য কোনো কারণেই হোক বুড়ি চোখ মেলল দেখতে দেখতে।

কেডা গো?

এইলা আমিন ডাক্তার। এই দিগরে ইনার মতো ডাক্তার নাই।

বুড়ি স্বীণ স্বরে বলল, ডাক্তার সাবের শইনজা বাস!

শুধুর দাম বাবদ একটাকা ছাড়াও আর পাঁচটা টাকা তারা রাখল আমিন ডাক্তারের সামনে। আমিন ডাক্তার অবাক।

এক টাকা ভিজিট আমার।

ডাক্তার সাব রুগীর নিজের টাকা। সে আপনারের দিতে চায়। কাইল সকালে আরেকবার আইস্যা দেখন লাগবে।

না কাইলেও আসবাম। রুগীর একটা বিহিত না হইলে কি আর ডাক্তারের ছুটি আছে? ডাক্তারি সোজা জিনিস?

ছুট চিড়ে বাড়ির পথ ধরল আমিন। পিছে পিছে একজন আসল হারিকেন নিয়ে। যার যা কাজ সেটা না করলে কি আর ভালো লাগে? না ডাক্তারিটা আবার শুরু করতে হয়। শুধু পত্র কেনার জন্যে মোহনগঞ্জ যেতে হবে। এবার নিখল সাবকে একটা চিঠি দিলে কেমন হয়? ডাক্তারের সাথে ডাক্তারের যোগ তো থাকাই লাগে। অনুকার একটা খোজও নেওয়া দরকার। কেমন আছে মেয়েটা কে জানে?

আমিন ডাক্তারের বাড়ির উঠানে গুটি গুটি মেরে কে যেন বসে আছে। জায়গাটা ঘুটঘুটে অন্ধকার।

কেভা এই খানে?

আমিন চাচা, আমি।

তুই অত রাইতে কি করস?

নুরুদ্দীন ফুঁপিয়ে কেঁদে উঠল।

কান্দিস ক্যান? কি হইছে?

আমার মাছটা রাইখ্যা দিছ।

কি রাইখ্যা দিছে?

মাছ।

আমিন ডাক্তার কিছুই বুঝতে পারিল না। হারিকেনের আলোয় দেখল নুরর সমস্ত গারে কালসিটে পড়েছে। চোঁট কেটে রক্ত কালো হয়ে জমটি বেঁধে আছে। ভান গাল ডালিমের মতো লাল হয়ে উঠেছে।

এই নুরা কি হইছে।

আমার মাছটা রাইখ্যা দিছে।

আয় ভিতরে আইল্লা ক দেহি কি হইছে। কান্দিস না।

ঘটনাটি এ রকম। নুরুদ্দীন তার কুই মাছ নিয়ে দক্ষিণ কান্দায় উঠতেই নিজাম সরকার তাকে দেখতে পান। নিজাম সরকারের ধারণা হয় মাছটা গত রাত্রে মাছ খোলা থেকে চুরি করা। এত বড় একটা মাছ (তাও কুই মাছ) লার বর্শিতে ধরা পড়েছে এটি মোটেই বিশ্বাসযোগ্য নয়। তার ওপর নুরুদ্দীন সারাফণই জল মহালের আশেপাশে সন্দেহজনকভাবে ঘুরাঘুরি করে।

নিজাম সরকার নুরুদ্দীনকে ধরে নিয়ে থান অফ খোণায়। মাছ চুরিতে কারা কারা

আছে তা জানবার জন্যে মাত্রার বাইরে মারধোর করা হয়। মারের জন্যে নুরুদ্দীনের কিছু যায় আসে না। কিন্তু মাছটি ফেরত পাবার আশাতেই সে বিকাল থেকে আমিন ডাক্তারের জন্যে অপেক্ষা করছে। আমিন ডাক্তার গঞ্জির হয়ে বণল, যা বাড়িত যা, আমি সরকারবাড়িত যাইতাছি।

মাছটা তারা দিব আমিন চাচা?

নিশ্চয়। না দিয়া উপায় আছে? কান্দিস না। বাড়িত যা।

এই খানে বইয়া থাকি চাচা, আপনে মাছটা লইয়া আইয়েন।

নিজাম সরকার আমিন ডাক্তারের কথা শুনে বিবক্ত হলেন। একি কামেলা? তামাকি টানা বন্ধ রেখে গঞ্জির মুখে বললেন, চোরের যে সাক্ষী হেও চোর এইভা জান ডাক্তার? সরকার সাব নুরু চুরি করে নাই। চুরি করছে না তুমি নিজে দেখছো? আমিন থেমে থেমে বললো, সরকার সাব চুরি যে নুরু করছে, হেইভাওতো আপনে দেখেন নাই।

নিজাম সরকার স্তম্ভিত হয়ে গেলেন। কড়া গলায় বললেন, বাড়িত যাও ডাক্তার। সরকার সাব একটা বড় অন্যায় হইছে, অন্যায়টার বিহিত হওন দরকার। তুমি বড় কামেলা করতাছ। যাও বাড়িত গিয়ে ঘুমাও। সকালে আইবা তোমার সাথে কথা আছে। আমিন ডাক্তার থেমে থেমে বলল, অন্যায়ের বিহিত মা হওন পর্যন্ত আমি যাইতাম না।

কি করবা তুমি?

আপনের বাড়ির সামনের ক্ষেতটার মইধ্যে বইয়া থাকতাম।

যাও থাক গিয়া।

নিজাম সরকার আমিন ডাক্তারের স্পর্ধা দেখে অবাক হলেন। ছোটলোকরা বড় বেশি আসকারা পেয়ে যাচ্ছে। শক্ত হাতে এই সব বন্ধ করতে হবে। এশার নামাজের পর উঠানে এসে দেখেন আমিন ডাক্তার সত্যি সত্যি বাড়ির সামনের ক্ষেতটার মাঝখানে উবু হয়ে বসে আছে। চৌধুরীদের পাগল্য ছেঁকেটাও যাচ্ছে দেখানে। নে ক্ষেপে ক্ষেপে চেঁচাচ্ছে, চোরের গুটি বিনাশ করন খুব বেশি দরকার। চৌধুরীবাড়ির কামলারা এসে পাগলটাকে ধরে নিয়ে গেল।

নইম মাঝির বাড়িতে অনেক রাত পর্যন্ত ইয়েকিনাইন খেলা হয়। নইম মাঝি মাঝরায়ে খেলা ফেলে দেখতে গেল আমিন ডাক্তারের ব্যাপারটা কত দূর সত্যি। হ্যা আমিন ডাক্তার বসে আছে ঠিকই। তার গায়ে লাল রঙের কোট। কার্তিক মাসের ঠাণ্ডা হাওয়া বইছে বলেই মাঝার উপর ছাতি নেনা হা হা হা।

সত্যি সত্যি বাড়িত যাইতা না ডাক্তার ভাই?
নাহ।

জার পড়ছে খুব। বিড়ি খাইবা? চান বিড়ি আছে।
দেও দেখি।

বিড়ি ধরিয়ে নইম মাঝি শান্ত স্বরে বলল, 'ডাক্তার ভাই বাড়িতে গিয়ে ঘুমাও।

শীতের মইধ্যে বইয়া থাইক্যা লাভটা কি কও?'

আমিন ডাক্তার কিছু বলল না।

হঠাৎ বিড়ির লালাত আঙনে নইম মাঝি লক্ষ্য করল, আমিন ডাক্তার কাঁদছে। সে
বড়ই অবাক হলো। নইম মাঝি সেই রাতে আর বিড়ি ফিরল না। নয় কৈবর্ত পাড়ায়
প্রতি রাতেই ঢোল বাজিয়ে গান বাজনা হয়। আজ আর হলো না।

১৭

নিজাম সরকার কল্পনাও করেননি ব্যাপারটা এত দূর গড়াবে। একটা আধা পাগলা লোক
বাড়ির সামনে ছাতা মাথায় দিয়ে বসে থাকলে কার কি যায় আসে?

কিন্তু নিজাম সরকার ফজরের নামাজ শেষ করে বারান্দায় এসে দেখেন আমবাগানে
দশ বার জন লোক জটলা পাকাচ্ছে। আমিন ডাক্তারের গা ঘেঁষে বসে আছে নইম মাঝি।
নইম মাঝি নিজাম সরকারকে দেখে উঠে দাঁড়িয়ে বলল, সালামালিকুম সরকার সাব।

নিজাম সরকার গজীর ভঙ্গিতে মাথা নাড়লেন। নামাজের পর তিনি উঠেনে বসে
দীর্ঘ সময় পর্যন্ত ফেরতান শরীফ পড়েন। আজ পড়তে পারলেন না; হনহন করে
এগিয়ে গেলেন আমিন ডাক্তারের দিকে।

নইম মাঝি সরকার সাহেবকে দেখে উঠে দাঁড়াল কিন্তু আমিন ডাক্তার বসে রইল।
বহু কষ্টে রাগ সামলালেন নিজাম সরকার। প্রথমতে গলায় বললেন, তুমি এই খানে কি
কর নইম? রেহদা বামেলা করতাছ তোমরা। আমি থানাতে খবর দিয়াম। যাও বাড়িত
যাও।

আইচ্ছা।

নইম মাঝি কিছু বাড়ি গেল না। আমিন ডাক্তারের পাশে বসে একটা বিড়ি ধরল।
জল মহাশে গিয়ে সরকার সাহেবের মাথায় রক্ত উঠে গেল। মাছ মারার কোনো
আয়োজন নেই। জেলেরা ছেল মেয়ে নিয়ে রোদ তাপাচ্ছে।

এই বিষয় কি? আইজ কাজ কাম নাই?

কৈবর্তদের মুরকি ধীরেন্দ্র হাতজোড় করে এগিয়ে আসল।

এই ধীরেন কি হইছে?

আমরারে কইছে আইক মাছ মারা হইত না।

কে কইছে।

ধীরেন্দ্র নিঃশব্দ।

বল, কে কইছে।

হাশেম সাব কইছেন।

হাশেম সাব? ডাক তো হাশেম সাবরে দেখি বিষয়ভা কি?

হাশেম সাব আমিন ডাক্তারের সঙ্গে মাছের হিসাব রাখে। লোকটি মহা মুরকর।
এসেই অবাক হয়ে বলল, আমি আবার কোন সময় কইলাম। ফাইজলামির জায়গা পাও
না? যত ছোটলোকের দল। যাও কামে যাও।

কার্তিক মাসের শেষাশেষি জমি তৈরির কাজে সবার ব্যস্ত থাকার কথা। কিন্তু
সোহাগীর লোকজন সেদিন কেউ কাজে গেল না। সরকারবাড়ির আশে পাশে খুব খুব
করতে লাগল। দুপুর বেলা আসলেন চৌধুরী সাহেব। গজীর হয়ে বললেন, বামেলাটা
মিটাইয়া ফেল নিজাম। লোকটা না খাইয়া আছে।

কি করতে কন আমারে?

মহাল থাইক্যা একটা বড় মাছ ধইরা মতি মিয়ান বাড়িত পাঠাইয়া দেও। একটা
মাছে তোমার কিছু যাইত আইত না।

চৌধুরী সাব নরম হইলে গাঁও গেরামে থাকন যায় না। আইজ একটা মাছ দিলে
কইল দেওন লাগব দশটা।

লোকটা না খাইয়া থাকব?

আমি কি করতাম তার? আমি কি তারে কইছি না খাইয়া থাকতে?

চৌধুরী সাহেব গেলেন আমিন ডাক্তারের কাছে। গায়ে হাত দিয়ে বললেন, ডাক্তার
আইও আমার সাথে চাইরভা ডাইল ভাত খাও। জাও দেখি আমার পাথে।

একটা মিমিাংলা না হইলে কেমনে খাই চৌধুরী সাব?

কল্পদিন থাকব। এই না? ধর যদি মিমিাংলা না হয়?

যতদিন না হয় ততদিন থাকবাম।

বিকালের দিকে আকাশ অন্ধকার করে বৃষ্টি নামল। কার্তিক মাসে এ রকম বৃষ্টি হয়
না কখনো। ছাতা মাথায় দিয়ে আমিন ডাক্তার উঁবু হয়ে বসে বসে ভিজতে লাগল।
নিজাম সরকারের বিরক্তির সীমা রইল না। রাতের বেলা তাঁর জামাই আসার কথা, সে
এসে যদি দেখে এমন একটা অবস্থা সেটা মোটেই ভালো হবে না। অবশ্যি মোহনগঞ্জ
থানায় খবর পাঠান হয়েছে। সন্ধ্যার মধ্যে থানাওয়ালাদের আসবার কথা। এলে
ঝামেলাটা ঢুকে! নিজাম সরকার ছামাক টা-তে লাগলেন।

সন্ধ্যার আগে আগে ধীরেন্দ্র এসে হাজির। সে নাকি কি বলতে চায়। নিজাম সরকার
গজীর মুখে বললেন, কি কইতে চাও?

ধীরেন্দ্র হাত কচলাতে লাগল। সে একটি বিশেষ কথা বলতে এসেছে। চুক্তি
অনুযায়ী যে ত্রিশ ভাগ মাছ ওদের প্রাণ্য সেখান থেকে সে পাঁচটা বড় বড় মাছ মতি
মিয়ান কাছে পাঠাতে চায়।

নিজাম সরকার গলা ফুলিয়ে জিজ্ঞেস করলেন, মাছ দিতে চাও?

আজ্ঞে চাই।

ক্যান? কারণটা আমারে কও।

কোনো কারণ নাই, ঝামেলাটা মিটাইতে চাই।

ঝামেলা কি? আর ঝামেলা যদি থাকেই তুমি সেইটা মিটাইবার কে? তুমি কোন

মাতবর?

বীরেন্দ্র তবু ব্যয় না। উসখুস করে- যাও এখন তুমি বিদায় হও।

সন্ধ্যাবেলা বহু লোকজন আবার সামনে এসে জড় হলো। বৃষ্টি বন্ধ হয়েছে। পশ্চিম আকাশে অল্প অল্প আলো হয়ে থাকায় অস্পষ্টভাবে সবকিছু নজরে আসে। ধান্য ওয়ালাদের এসে পড়া উচিত। কেন এখনো আসছে না কেন জানে? জামাই রাত নাটার মধ্যে এনে পড়বে। কি কুৎসিত ঝামেলা।

নিজাম সরকার হঠাৎ করে ঠিক করলেন আমিন ডাক্তারকে ডেকে পাঠাবেন। আর ঠিক তখনি মাছের খোনার একটি দিক আলো হয়ে উঠলো। প্রচণ্ড হৈচৈ শোনা যেতে লাগল। নিজাম সরকার দোনালা বন্দুক হাতে নিয়ে নেমে এসে গুললেন স্থানীয় কৈবর্তরা লাঠি শরকি নিয়ে মাছের খোলায় চড়াও হয়েছে। খুব কম হলেও দু জনের পেটে শরকি বিধেছে।

রাত বারটায় মোহনগঞ্জ থানার সেকেন্ড অফিস্যর এসে আমিন ডাক্তার, নিমাই মাঝি এবং মাবু বাঁকে বেঁধে নিয়ে গেল। কৈবর্ত পাড়ায় কোনো পুরুষ মানুষ পাওয়া গেল না। সব পুরুষ রাত্রিারাতি উধাও হয়েছে। কোমরে দড়ি বেঁধে আমিন ডাক্তারকে নৌকায় তোলা হলো। ঘাটে কোনো লমমানব ছিল না।

ময়মনসিংহের সেনান জঙ্গ দুটি খুন এবং নাঙ্গ স্বাক্ষর দেন্ডু দায়েঞ্জ আঁচল্যা চা আমিন ডাক্তার এবং নিমাই মাঝিকে দীর্ঘদিনের জন্যে জেলে পাঠিয়ে দিলেন।

সোহাগীর দিন কাটতে লাগল আগের মতোই। ঘুরে ফিরে আবার বৈশাখ মাস এল। বাঘাই সিনিরি গান গেয়ে ছেলেমেয়েরা বাড়ি বাড়ি তেঁচতে লাগল,

‘আইলাম গো যাইলাম গো

বাঘাই সিনিরি চাইলাম গো।’

আজরফ বিয়ে করল সুখান পুকুরে। জমি-জমা করল। চৌধুরীদের আম ঝাগান কিনল। ডাক্তার ফজলুল করিম সুখান পুকুরে এসে অবার শেখ ফাহেদি গুললেন। অধার চলেও গেলেন।

সোহাগীতে প্রাইমারি স্থল হলো। ছাত্রের অভাবে সেই স্থল চলল না।

সিরাজ মিয়া আবার আরেকটি বিয়ে করল। সে বৌটি আবার কয়েক দিন পর মরবেও গেল। সিরাজ মিয়ার অবস্থা দিন দিন খারাপ হতে লাগল। জমিজমা বিক্রি হতে লাগল। দিন কাটতে লাগল সোহাগীর। তারপর এক সময় আমিন ডাক্তারের কথা কারো মনেই রইল না। এগার বছর বড় দীর্ঘ সময়।

১৮

আবার কতকাল পরে ফেরা।

সবকিছু কেমন অচেনা লাগে। কিছুই যেন আগের মতো নেই। নতুন নতুন রাস্তাঘাট। নতুন নতুন বাড়ি ঘর। মোহনগঞ্জ স্টেশনে নেমে আমিন ডাক্তারের চোখ ভিজে উঠল। কত পুরানো জায়গা অথচ কত অচেনা লাগছে।

মোহনগঞ্জ থেকে এখন লঞ্চ যায় নিমতলী, সুখান পুকুর, ঘাসপোতা। গয়নার নৌকা নাকি উঠেই গেছে। লঞ্চে চেপে হুস হুস করে লোকজন চপাফেরা করে। আমিন ডাক্তার লঞ্চার ছাদে চাদর পেতে বসে থাকে চুপচাপ। এই লঞ্চে করেই হয়তো কেউ কেউ যাচ্ছে নিমতলী আর সোহাগীতে অথচ কাউকেই চিনতে পারছে না।

গ্রামের পর গ্রাম পার হচ্ছে। আমিন ডাক্তার তৃষ্ণিতের মতো তাকিয়ে থাকে। বর্ষার পানিতে নদী ভরে গিয়েছে। ছেলেরা ঝাপাঝাপি করছে নতুন পানিতে। ঐ একটি নাইওরীদের নৌকা গেল। বৌটি ঘোমটার ফাঁক দিয়ে অরাক হয়ে দেখছে। আমিন ডাক্তারের চোখ দিয়ে জল পড়ে। বয়স হয়ে মন অশক্ত হয়েছে, অল্পতেই চোখ ভিজে উঠে।

পেন্নাম হই। আপনে আমিন ডাক্তার না।

আমিন ডাক্তার অভিভূত হয়ে পড়ল। কানা নিবারণ। সেই শক্ত সমর্থ শরীর আর নেই। মাথার ভ্রমর কৃষ্ণ কাপো চুল আজ কাশফুলের মতো সাদা।

ডাক্তার সাব আমারে চিনছেন?

আপনেরে চিনতাম না? আপনারে না চিনে কে?

ভগবান আপনার মঙ্গল করুক। আপনে কিছু ভুল কইলেন। আমারে এখন কেউ চিনে না। গান গাই না আইজ সাত বছর। গুল শট স্ট্রলের মতো শব্দ হয়।

আমিন ডাক্তার স্তম্ভ হয়ে তাকিয়ে রইল।

মতি মিয়া এখন খুব বড় গাতক। চিনছেন? সোহাগীর মতি মিয়া। নয় বান সোনার মেডেল আছে। রেডিওতে নিয়া গেছিল। মিন্টিটার সাব তার সাথে ছবি তুলছে।

আপনে এখন করেন কি?

কিছুই কবি না ভাই। পুরানো লোকদের সাথে দেখা হইলে তারা টোকা পয়সা দিয়া সাহায্য করে। খুব অচল হইলে মতি মিয়ার কাছে যাই। আমারে খুব খাতির করে।

শইল কেমন আপনার?

বালা না। ইপানী হইছে। সারা জীবন শইলের ওপরে অত্যাচার করাছ। শইলের আর দোষ কি?

কানা নিবারণ হোগলা পোড়ায় নেমে গেল। হাত ধরে নামিয়ে দিতে গেল আমিন ডাক্তার। টিকিট করা ছিল না। লঞ্চার একটা লোক কি একটা গাল দিয়ে কানা নিবারণের সার্ট চেপে ধরতেই আমিন ডাক্তার উঁচু গলায় বলল, কার সাথে বেয়াদবি কর? জান এই লোক কে? গাতক কানা নিবারণ। ইনার মতো বড় গাতক এই পিথিবীতে হয়

নাই। কয় টেকা ভাড়া হইছে? আমার কাছ থাইক্যা নেও আর ইনার পাও ধইরা মাফ চাও।

নিমতলী পৌঁছতে পৌঁছতে বিকাল হয়ে গেল। কত পরিচিত ঘর বাড়ি। ঐ তো দখিনমুখী বট গাছ। এর নিচেই হাট বসে প্রতি বুধবার। ঐ তো উত্তর বন্দা। এমন ঘন কালো পানি অন্য কোনো হাওরে নেই। বড় মায়া লাগে।

নিমতলী থেকে একটা কেয়া নৌকা নিল আমিন ডাক্তার। সন্ধ্যায় সন্ধ্যায় পৌঁছবে সোহাগী। শক্ত বাতাস দিচ্ছে, সন্ধ্যার আগেও পৌঁছতে পারে। নৌকার মাঝি নৌকা ছেড়েই জিজ্ঞেস করল, আপনে কেভা গো? চিনা চিনা লাগে?

আমি আমিন।

আমারে চিনছেন?

না তুমি কেভা?

আমি কালাচানের ছোট পুলা-বাদশা মিয়া। আপনার কাছে লেহা পড়া শিখছি।

পা ছুঁয়ে সালাম করল বাদশা মিয়া। অনেক খবর পাওয়া গেল তার কাছে। আজরফ একজন সম্পন্ন চাষি এখন। দুটি মেয়ে তার। বড় মেয়ের নাম আতা বানু। ইকুলে যায়।

ইকুল হইছে নাকি?

হ চাচা টিনের চালা।

আমিন ডাক্তার চমৎকৃত হয়।

চৌধুরীর খবর কি?

দুই চৌধুরীই মারা গেছে। পাঁচ ছয় বছর হয়। বোটা চৌধুরীবাড়িতেই আছে। মতি চাচার খবর কিছু ছনছেন?

কি? কিছু হুশি।

খুব বড় গাতক হইছে। প্রত্যেক বছর একবার কইরা আসে এই দিকে। গানে রেকর্ড হইছে মতি চাচার, পাঁচ টেকা কইরা দাম।

চৌধুরীর অবস্থা কেমন এখন?

খুব খারাপ। জাতিরা মামলা মোকদ্দমা কইরা সব শেষ কইরা দিছে।

পুত্র সন্তান তো কেউ ছিল না চৌধুরীর।

আরেকটি অশ্রুত বক্তার মতো খবর দিল বাদশা মিয়া। নিখল সাব ডাক্তার অনুগ্রহ করে বিল্যত হলে গেছেন। 'খবর আগে অনুগ্রহ করে নিয়ে গ্রামে গিয়েছিলেন।

এক রাত ছিলেন আজরফের বাড়ি।

মাইয়াটা কি যে সুন্দর হইছে চাচা আর কি আদব লেহাচ।

তোমার বাপের কোনো খোঁজ পাওয়া গেছে?

নাহ।

গ্রামে ঢুকবার মুখেই মিনার দেওয়া সুন্দর মসজিদ চোখে পড়ল।

পাকা মসজিদ দিছে কে রে বাদশা?

সরকার সাবরা দিছে। সৌলভি আছে মসজিদের। জুম্বার দিন মানুষের জায়গা দেওন যায় না। সুখান পুকুর থাইকাও মাইনখে নামাজ পড়তে আইয়ে।

আমিন ডাক্তার মতি মিনার বাড়িতে না গিয়ে চৌধুরীবাড়ি উঠল। তাকে অবাক করে দিয়ে চৌধুরীবাড়ির বৌ তার পা ছুঁয়ে সালাম করল। আগের সেই কঠিন পর্দার এখন আর প্রয়োজন নেই।

ভালো আছ মা বেটি?

ভালো আছি ডাক্তার চাচা।

দীর্ঘ এগার বছর পর আবার চৌধুরীবাড়ি খেতে বসল আমিন ডাক্তার। কেউতো তাকে সারা জীবনেও এত যত্ন করে খাওয়ানি। বাববার চোখ ভিজে ওঠে। পান হাতে নিয়ে বৌটি আগেকার মতো মিষ্টি গলায় বলল, পেট ভরছে চাচা?

ভরছে মা। শুকুর আলহামদুলিল্লাহ।

খাওয়া দাওয়ার শেষে বাইরের জ্যোৎস্নায় এসে বসে থাকে আমিন ডাক্তার।

বৌটি এসে বসে দাওয়ান, এক সময় মৃদু স্বরে বলে, আপনার কথা ঠিক হইছিল চাচা।

কোনো কথা?

আপনে যে কইছিলেন ওর মাথার দোষটা সাবব। মরবার এক বছর আগে সতি সাবছিল। খুব ভালো ছিল। আমাদের নিয়া আঘাট মাসে আমার বাপের দেশে বেড়াইতে গেছিল।

বৌটি চোখ মুছে একটি ছোট নিঃশ্বাস ফেলল, আমাদের নিয়ে ময়মনসিংহ গেছিল। একটি হোটেলে আছিলাম। বাইকোপ দেখলাম ডাক্তার চাচা। আইজ আর চৌধুরীর উপরে আমার কোনো রা? নেই।

বৌটি ফুঁপিয়ে ফুঁপিয়ে কঁপিতে লাগল।

কত পরিবর্তন না হয়েছে সোহাগীর। একটা দাতব্য ডাক্তার খানা হয়েছে। সেখানে সত্তাহে একদিন একজন সরকারি ডাক্তার এসে বসেন। অল্প বয়েস। মেডিকেল কলেজ থেকে পাশ করেই এসেছেন। খুব নাকি ভালো ডাক্তার। এক ফোটা দেমাগ নেই শরীরে। গত বৎসরের বাঘাই সিনির সময় ছেলে পুন্দের সঙ্গে মিলে খুব নাচানাচি করেছেন।

শরিফার চলৎ শক্তি নেই। বিছানায় রাত দিন শুয়ে থাকতে হয়। অসম্ভব বুড়িয়ে গেছে। কথাবার্তাও অসংলগ্ন।

আমিন ডাক্তার যখন বলল, দোস্তাইন শরীলভা বলা? শরীফা শূন্য দৃষ্টিতে তাকাল।

আমি আমিন, আমিন ডাক্তার।

শরিফা চিনতে পারল না। খানিকক্ষণ চুপ থেকে চাপা গলায় বলল, এরা আমাদের ভাত দেয় না। আমরা না খাওয়াইয়া মারনের ইচ্ছা। আজরফ হারামজাদারে সালিসি ভাইক্যা জুতা পিটা করন দরকার। আপনে আজরফ হারামজাদারে একটা ধমক দিয়া যান।

দোস্তাইন আপনে আমারে চিনতে পারতাহেন না?

আজরফ হারামজাদা ইন্দুর মারা বিষ কিন্যা রাখছে। পানির সাথে মিশাইয়া খাওয়াইতে চায়।

আজরফ মনে হলো আমিন ডাক্তারকে হঠাৎ উদয় হতে দেখে ঠিক সহজ হতে পারছে না। কোথায় উঠেছে কোথায় খাচ্ছে কিছুই জিজ্ঞাসা করল না। নিজেই বাড়িতে এসে উঠবার কথাও বলল না। থেমে থেমে বলল, সোহাগীতে থাকবেননি ডাক্তার চাচা? আর যাইয়াম কই ক?

ডাক্তারি কইরা তো আর কামাইতে পারতেন না। সরকারি ডাক্তার আছে এখন। বালা ডাক্তার।

ওখন আর কাজ কামের বয়স নাই আজরফ। সেইলডা নষ্ট হইয়া গেছে।

নুরুদ্দীন লখা চওড়া জোয়ান হয়েছে। বাপের মতো লখা চুল ঘাড় পর্যন্ত এসেছে। আমিন ডাক্তার বলল, তুইও গান গাস নাকি নুরা?

জ্বি না চাচা।

জঙ্গলা ভিটার ঘাটে যাস?

না চাচাজি ওখন আর যাই না।

আমারে লইয়া একদিন জঙ্গলা ভিটার ঘাটে যাইস।

ক্যান চাচা?

দেখনের ইচ্ছা হইছে।

এই দীর্ঘ সময়েও জঙ্গলা ভিটার ঘাটের কোনো পরিবর্তন হয়নি। জায়গাটির বয়স বাড়েনি। আমিন ডাক্তার অঝাক হয়ে দেখল সেই ডেফল গাছটি এখনো আছে। নুরুদ্দীন লপি দিয়ে খুন্দা ঠেসছিল।

সে হালকা গলায় বলল, জঙ্গলা ভিটায় মাইট আছে চাচা।

কে কইছে?

আমার মনে হয়।

খুন্দা এগুচ্ছে খুব ধীর গতিতে। ডেফল গাছের কাছের বাঁকটি পেরতেই আমিন ডাক্তার বলল, এইখানে তুই একটা মেয়ে মানুষ দেখছিলি। পানির মইধ্যে ভাসতেছিল। হাতের মইধ্যে লাল চুড়ি। তোর মনে আছে?

নুরুদ্দীন থেমে থেমে বলল, 'আছে চাচা।' স্বপ্ন দেখছিলাম কিন্দো চউখোর খাঙ্কা।

নুরুদ্দীনের অস্বস্তি লাগে। ফ্যাকাশেভাবে হাসে।

তুই ঠিকই দেখছিলি। স্বপ্ন টপ্প না। আমি এই জিনিসটা নিয়া অনেক চিন্তা করছি। জেলখানাতে চিন্তার খুব সুবিধা আছিলরে নুরা।

নুরুদ্দীন চূপ করে রইল। আমিন ডাক্তার একটা সিগারেট ধরিয়ে কাশতে লাগল। কাশি ধামিয়ে শান্ত হয়ে বলল, একটা কথা মন দিয়া শুন। মেয়েটার হাত ভর্তি আছিল লাল চুড়ি। হাত ভর্তি চুড়ি কোন সময় থাকে জানস নুরা?

নাহ।

যখন নতুন চুড়ি কিনে। যত দিন যার তত চুড়ি ভাঙ্গে আর কমে। কিছু বুঝতাহস?

নাহ।

সোহাগীতে সেই বৎসর চুড়িওয়ালী আছিল শ্রাবণ মাসে। সব মেয়েরা চুড়ি কিনছে।

তোর মাও কিনছিল।

নুরুদ্দীন স্কীপ করে বলল, আপনি কইতেছেন মেয়েডা সোহাগীর?

হ্যা।

কিন্তু সোহাগীর কোনো মেয়ে তো মরে নাই চাচাজী।

মরে নাই কথাটা ঠিক না নুরা। বানের সময় সরকারবাড়ির একটা বৌ নির্বোজ হইছিল। কত খোঁজাখুঁজি করল তোর মনে নাই?

আছে।

আমিন ডাক্তার চাপা করে বলল, বানটা হইছিল কিন্তু জঙ্গলা ভিটার ঘটনার তিন দিন পরে।

নুরুদ্দীন লগি হাতে চূপ করে দাঁড়িয়ে থাকে। বহু কাল আগে থইরকল পাছ থেকে অসংখ্য কাক কা কা ডেকে উড়ে গিয়েছিল। আজও হঠাৎ চারদিক থেকে কাক ডাকতে লাগল। নুরুদ্দীন হাত থেকে লগি ফেলে দিল। আমিন ডাক্তার শান্ত হয়ে বলল, ভয় পাইছস নুরা?

পাইছি।

ভয়ের কিছু নাই। চল ফিরত যাই।

ফিরবার পথে আমিন ডাক্তার একটা কথা বলল না। দক্ষিণ কান্দায় নৌকা বেধে দুজনে উপরে উঠে আসল। আমিন ডাক্তার মদু হয়ে বলল, একটা খুব বড় অন্যাস হইছে সরকার বাড়িত। একটা মেয়েরে খুন কইরা ফালাইয়া রাখছিল জঙ্গলা ভিটাত। বুঝতাহস তুই নুরা?

চাচা বুঝতাহি।

আমি ওখন কি করবাম জানস?

নাহ।

সরকার বাড়ির সামনের ক্ষেতটাত গিয়া বসবাম। বলবাম আপনারা একটা বড় অন্যাস করছেন। তার বিচার চাই।

আমিন ডাক্তার হেসে উঠল।

এক অপরাহ্নে আমিন ডাক্তার তার ধূলিধূসরিত লাল কোট গায়ে দিয়ে সরকারবাড়ির সামনে এসে দাঁড়াল। মানুষটি ছোটখাটো কিন্তু পড়ন্ত সূর্যের আলোয় তার দীর্ঘ ছায়া পড়ল। সন্ধ্যা এগিয়ে আসছে বলেই হয়তো সরকারবাড়ির সামনের প্রাচীন জামগাছ থেকে অসংখ্য কাক কা কা করে ডাকতে লাগল।

নির্ঘণ্ট

মাইট : স্বর্ণ মুদ্রা পূর্ণ কলসি। সাধারণত মাটির নিচে পুঁতা থাকে এবং অলৌকিক ক্ষমতাসম্পন্ন (?) হয়ে থাকে। এরা নিজেরাই চলাচল করতে পারে।

খুন্দা : ঘাস কাটা ছোট নৌকা।

দোস্তাইন : বন্ধুর স্ত্রীকে ডাকার জন্যে ব্যবহৃত সম্মান সূচক সম্বোধন।

বাঘাই সিন্ধি : নবান্ন জাতীয় উৎসব।

বারাবান্দানী : যারা টেকিতে পার দিয়ে জীবিকা নির্বাহ করে।

লালবর্শি : বোয়াল মাছ মারবার জন্যে ব্যবহৃত বর্শি। জ্যাজ্ঞ ব্যাং বা টাকি মাছের টোপ দিয়ে এই সব বর্শি সারা রাত পেতে রাখা হয়।

মাছ-খলা : মাছ শুকানোর জন্যে ব্যবহৃত উঁচু জায়গা।

ফিরাইল : শিলা বৃষ্টির হাত থেকে ফসল রক্ষার জন্যে এক শ্রেণীর বিশেষ মন্ত্রশক্তি সম্পন্ন (?) ফকির।

জিরাভী : ভিন্ন দেশীয় চাষি। যার চাষ শেষ হলে ধান নিয়ে নিজ দেশে চলে যায়।

কান্দা : বাধ জাতীয় উঁচু জায়গা (প্রাকৃতিক)।

বন্দ : ফসলের বিস্তীর্ণ মাঠ। ভাটি অঞ্চলের 'বন্দ' গুলি বর্ষার হাওরে পরিণত হয়।

পাইল করা : মাছ মারা বন্ধ রাখা। সাধারণত জুন-মহালগুণি দু'তিন বৎসর পাইল করার পর মাছ মারা হয়।

কেরায়ানৌকা : ভাড়া করা নৌকা।

জার : শীত। জার পড়েছে-শীত পড়েছে।

শরকি : বল্লম।

জালা : বীজতলার ধান।
